

**World  
Soccer  
Game  
Calendar  
Included**

LESA PAGINA B-8

**Gana Afl. 500,=**  
**cu**



LESA PAGINA B-16

**BON DIA** *Aruba*

Diasabra 5 di Juli 2014 [www.bondia.com](http://www.bondia.com) Email: [noticia@bondia.com](mailto:noticia@bondia.com) Tel: 582-7800 Fax: 582-7044 1,50 Florin

## Digicel ta blokia uzo di Skype ariba nan red

**ORANJESTAD** - Riba e website Surnameño Waterkant, a wordo publica ayera cu e compania di telecomunicacion Digicel a prohibi su usuarionan pa haci uzo di Skype, Viber y Nimbuzz como cu esaki ta costa e compania perdida di placa y e velocidad di internet ta baha. Segun expertonan di Digicel Aruba na Bon Dia Aruba, esaki tambe ta conta pa Aruba desde marduga.

*Pagina A5*



## Brazil a avansa pa semi final



**FORTALEZA, Brazil (AP)** – Ayera e ekipo di Brazil a enfrenta seleccion di Colombia, unda ambos ekipo a subi tereno cu e meta pa gana. Na final, Brazil a bay cu e victoria. Sinembargo, Neymar Jr. e miho hungado di e ekipo di Brazil, a fractura un disco di su columna y segun dokter di Brazil, e lo perde e resto di mundial. Awe tardi ta toca e ekipo Hulandes pa enfrenta e seleccion di Costa Rica pa 4'or di atardi.

## Aruba mester a acepta investigacion CFT



**ORANJESTAD** -- Minister Juan David Yrausquin di Financia y Organisacion Gubernamental a entrega su retiro ayera na Gobernador di Aruba. Su motibo, 'abuso increibel di poder' di parti di gobierno Hulandes sosteni pa e propio gobernador.' Na Bon Dia Aruba, Yrausquin ta papia di 'un gran inhusticia' y prome mandatario no tabatin otro opcion di bay di acuerdo cu un investigacion riba presupuesto.

*Les a detayenan riba pagina A2*



Cuminsando cu 4 florin, bo por gana e suma grandi aki

**Afl. 550.000,-**

Obtenibel na cualkier rebendedo di Lotto.

sorteo ta awe nochi





Bo cadena  
di numbernan  
di suerte ta duna  
e number di awe

Sorteo di 4 Juli 2014



03 16 18  
27 34 19 H



2 9 2 0

Signo: Piscis



5 4 4 3



8 0 7 9

0 0 7 2

0 6 0 0



02 04 18 20

30



06 07 13 30

Mega Ball  
06

Jackpot Afl. 1.650.000,00



2 8 4 4

1 1 2 7

9 2 3 3

DIARIO

0 6 3 9

5 1 8 4

3 2 2 0

SUPER  
4

3 3 4 1

2 Juli 2014



7 15 36 37

39 45 X5

\$3 MILLION

1 Juli 2014



9 22 38 47

49 15 X3

\$20 MILLION

## Juan David Yrausquin a entrega su retiro como minister

# Prome minister no tabatin otro opcion cu bay di acuerdo cu investigacion CFT

**ORANJESTAD —** Minister Juan David Yrausquin di Financia y Organizacion Gubernamental a entrega su retiro ayera na gobernador Fredis Refunjol. Motibo pa esaki ta loke e mandatario ta yama ‘abuso increibel di poder’ di parti di gobierno Hulandes, cual segun e a wordo sosteni pa e propio gobernador. Den un entrevista exclusivo cu Bon Dia Aruba for di Hulanda, Yrausquin ta bisa cu Aruba a wordo haci ‘un gran inhusticia’ y cu prome minister Mike Eman no tabatin otro opcion cu bay di acuerdo cu un investigacion riba presupuesto.

Na Bon Dia Aruba Yrausquin ta declara cu el a tuma e decision antayera nochi y a manda e carta ayera mainta, despues di a skirbi diferente version.

E ta bisa cu a pesar di su decision e ta sostene prome minister Mike Eman y partido AVP ‘100 porciento’.

“Aruba a wordo haci un gran inhusticia.” Prome minister Eman a declara antayera pa loke ta e acuerdo pa laga un team di profesionalnan investiga presupuesto 2014, cu negociacionnan cu minister di Relacionnan di Reino Ronald Plasterk y prome minister Hulandes Mark Rutte a bay den un ambiente constructivo y profesional como partnernan igual den Reino.

Yrausquin di su banda ta pinta un situacion completamente diferente y ta muestra cu e no ta di acuerdo cu loke Aruba y Hulanda a acorda.

“E acuerdo ta e resultado di presion cu mi ta referi na dje den mi carta pa gobernador. Prome minister no tabatin otro opcion cu bay di acuerdo. Si no Aruba lo a bay bancarota.”

### E carta

Den e carta na gobernador, Yrausquin ta denuncia ‘e abuso increibel di poder cu a wordo cherchi riba e gobierno di Aruba den e ultimo simannan pa e Gobierno Hulandes y cual abuso di poder lamentablemente a wordo sosteni pa gobernador.’ “Abuso di poder aki a causa y ainda

ta causando daño serio na e credibilidad y financia publico di nos pais pa cual mi no por sigui carga responsabilidad.” Yrausquin ta muestra den su carta cu e ta esun cu ta carga e responsabilidad ministerial pa e actonan di gobernador pa loke ta financia publico.

P’esey el a saca su propio conclusion y ta asumi responsabilidad politico pa loke e ta cualifica como abuso di poder cometi pa gobernador.

Segun e mandatario, den e ultimo simannan gobierno Hulandes, bou capa di Gobernador a eherce autoridad riba Aruba ‘sin tin e responsabilidad legal, constitucional, ni financiero na momento cu tin consecuencias pa nos Pais.’

“E Pueblo Arubano, e Parlamento cu e Pueblo a eligi y e Gobierno cu e Parlamento aki ta sostene a wordo chantahia y humilia den un forma nunca antes bisto, mientras institutonan Arubano a sostene e actonan repudiabel aki.” Yrausquin ta yama institutonan aki ‘cobarde’ den contexto ey.

Yrausquin den su carta a muestra tambe riba su opinion cu pa gobierno Hulandes ‘palabracion ta palabracion’ te ora e palabracion ta toca algo cu gobierno Hulandes tambe tin cu cumpli cun’e.

“Manera por chempel introduccion di un instancia independiente pa evalua diferencia di opinion riba Statuut, cual palabracion a wordo haci den Consejo di Minister di Reino y den parlamento di Reino como condicion di Aruba pa coopera na cambio di Statuut.

Ningun momento mi a wak gobernador sali na defensa di e palabracion cardinal aki pa asina por papia di un estado di derecho den Reino Hulandes.

Den e ultimo simannan y lunanan mi a siña compromete pa mi motibo gobierno Hulandes ta nenga categoricamente di coopera pa duna contenido na palabracion importante aki,” segun Yrausquin.

E mandatario a termina su carta bisando cu tabata un honor di por sirbi su pais, cu pueblo di Aruba semper mes-ter keda e maximo autoridad di e pais aki y cu un apelacion na gobernador pa firma presupuesto 2014 pa asina ‘evita daño irreversibel na nos Pais y nos financia publico’.

### Declaracion di prome minister

En bes di duna un conferencia di prensa, prome minister Eman a opta pa duna declaracion na un periodista y saca un comunicado.

E prome mandatario ta declara cu el a combersa cu minister Yrausquin y tin respet pa su decision. A pesar di esaki, el a pidi’e pa reconsidera su decision. Riba pregunta kico e lo bay haci awo cu el a entrega su cartera y si e ta dispuesto pa reconsidera su decision, Yrausquin a bisa cu e kier tempo pa dicidi su proximo paso. “Ayerá marduga mi a tuma decision aki. Duna mi poco tempo pa laga tur esaki sink in.”

### Gobernador

For di gabinete di gobernador tambe a sali un comunicado. Manera ta conoci, gobernador Refunjol no a firma presupuesto y a tene esaki pendiente pa asina duna espacio na Aruba y Hulanda pa yega na un palabracion pa loke ta acuerdonan haci. Esaki a resulta den e acuerdo pa un investigacion riba e presupuesto. Den e mesun liña aki, gobernador lo no pasa pa firma e presupuesto awo.

“Tampoco gobernador lo dicidi pa no stipula e presupuesto, pa cua e ta cualifica como organo di Reino, y basa riba articulo 21 di Reglement van de Gouverneur van Aruba.

Ta te ora cu e ricibi e rapport preliminar cu ta redacta, basa riba e palabracionnan mencionada anteriormente, anto e lo reconsidera e decision expresa aki riba, den caso cu e rapport aki ta duna motibo pa esey.

“Articulo 21 ta bisa cu gobernador no ta firma un Landsverordening ora cu e ta considera cu e decreto ta en pugna cu Statuut, cu un reglamento internacional, cu

un ley di estado of un medida general di gobierno di reino, of cu interesnan, di cua nan mantenimiento of garantia ta un asunto di Reino.

For di eynan, decision aki ta bay pa Rijksministerraad y Raad van State cu ta toets e y por duna orden pa destrui ley aki. Pero loke gobernador a haci akinan tabata no firma pa e presupuesto cana e caminda aki, pero pone ‘on hold’ por lo tanto.

### Team di CFT

Mientras tanto Consejo di Minister di Reino a reuni ayera. Eynan minister Plasterk a confirma cu e team cu lo bay haci e investigacion riba presupuesto di Aruba, lo consisti di miembronan di College Financieel Toezicht (CFT), cu ta activo na Corsou y St. Maarten.

Ambos Aruba y Hulanda lo acerca miembronan di e college aki pa tuma parti di e team. Plasterk den su declaracionnan por cierto ta nenga cu gobernador Refunjol a haci su acto di no firma presupuesto bou instruccion di Hulanda.

“Esey no tabata bou instruccion di Den Haag, pero di su propio huicio.

”Medionan Hulandes cu por cierto no tabatin mucho otro atencion pa cu e asunto otro cu e aspecto cu confirmacion cu ex-secretario di estado Frans Weekers lo no participa den e investigacion, a keda puntra Plasterk riba loke nan ta mira como un cambio repentino di opinion na unda poco prome a papia di articulo 43, lid 2 y a menasa cu curatela pa yega awo na unda e ta bisa di tin confiansa den gobierno di Aruba.

Plasterk a bisa na prome instante cu no a papia di articulo 43, pa despues declara cu loke a acorda awo ta conta y no declaracionnan anterior. Confiansa den Aruba t’ey ainda.

Plasterk a bisa cu ta importante pa no solamente check e presupuesto pero tambe ‘mira dor di dje’. Ademas Plasterk a declara cu Aruba ta trahando duro riba tere- no socio-economico y di sostenibilidad. □



*'Esaki ta un novem'*

# Parlamento lo debati otro siman riba decision gobernador

**ORANJESTAD –** A base di peticion di MEP parlamento lo discuti otro siman den un reunion urgente dicon gobernador no a firma pa e ley di presupuesto 2014. Tambe lo bin un reunion ainda tocante e retiro di minister di Financia, Juan David Yrausquin. Lider di fraccion AVP ta bisa cu ta trata di 'un novem' y e actuacion di gobernador a duna confiansa un 'shock'.

Bon Dia Aruba a entrevista lider di fraccion AVP, Rene Herd , dicon parlamento te awor no a urgi prome minister Mike Eman na parlamento pa responsabilisa pa e actuacion di gobernador di no firma e presupuesto. Pasobra segun ley ta prome minister cu ta encarga cu e responsabilidad politico pa gobernador. "Ainda nos no a pidi prome minister pa duna un splicacion. Pasobra no tin mucho claridad riba e base legal di e comportacion di gobernador di no a firma e presupuesto."

Segun e politico, gobernador a actua contra Statuut, Aruba su constitucion y su mesun reglamento di orden. A puntra sr. Herd  si gobernador a viola e leynan aki, dicon no pone minister presidente como esun responsabel awor caba? "Kico nos mester haci?



Baha e prome minister? Pasobra kico minister president mester contesta ora nos puntra dicon gobernador no a firma. Cu ta a base di Statuut? E ora nos ta bisa 'a me ola.' (expresion ta referi como 'coy kens') Si e ta bisa cu ta a base di reglamento di orden, nos ta bisa 'a me ola.' Pues si prome minister e ora ta bisa parlamento cu e no tin un base legal pa hustifica e actuacion di gobernador, kico parlamento mester haci? Esaki ta un novem, nos no sa."

Awor e lider di fraccion ta

purbando di haya conseho legal pa wak kico nan por haci. Pero un cos si ta cla; e asunto aki segun sr. Herd  a shock e confiansa. "Nos mester trata di haya e confiansa bek. Pero prome mester e claridad riba e funcion di gobernador y e base legal di su decision di no firma e presupuesto."

## Bon gobernacion

Segun e declaracion di gobernador e no ta haci uzo di articulo 21 di su reglamento. Articulo 21 ta duna e gobernador e autorisacion di no firma un ley di Aruba si ta

contra e Statuut, ley di Reino of por ehemplo leynan internacional. Pero sr. Herd  ta enfatisa cu gobernador no a indica ni motiva dicon e ley di presupuesto di 2014 no ta cuadra pues articulo 21 ta aplicabel.

Tambe e ta bisa cu minister di Reino, Ronald Plasterk a informa cu e presupuesto 2014 no ta contra bon gobernacion. Si esaki ta e caso, gobernador si tabatin un base legal y por dicidi di no firma a di instruccion di gobierno di Reino. Te awor minister Plasterk ta bisa, segun sr. Herd , cu Aruba ta goberna bon y cu su maneho financiero no ta asunto di Reino pero interno.

Mester bisa si cu te acuerdo entre gobierno di Aruba y Hulanda diahuebs tocante e investigacion independiente di e presupuesto 2014, gobierno di Reino tabatin un 'aanwijzing' prepara pa discuti diabierna den Rijksministerraad. Esaki lo nifica cu gobierno di Reino lo interviene den e maneho di gobierno di Aruba.

E lider di fraccion di AVP, cu tin e mayoria den parlamento y cu a aproba e presupuesto, ta bisa cu si lo bin cambio a base di e investigacion aki, gobierno mester bin cu nan

den parlamento pa aprobacion. "Y nos, manera semper, lo evalua si e cambionan aki lo cuadra cu e maneho financiero di Aruba, e acuerdo di yega un presupuesto balansa, cu no ta da a nos economia of crea problema social."

## Mas claridad

Locual e tambe kier cu lo bin un comision huridico cu ta evalua e dos petchi cu gobernador tin, uno como organo di pais Aruba y e otro como organo di Reino, pa trece mas claridad den e autorisacion gobernador tin. "Ayer prome minister tambe a bisa pa Raad van State duna conseho di e rol dobel di gobernador pa aclara con e mester actua awor y den futuro."

Na januari e parlamentonan di Reino lo reuni atrobe den e forma di IPKO y sr. Herd  'sigur sigur' lo pone e asunto aki riba agenda. No solamente pa determina e autorisacion di gobernador pero pa discuti riba e proposicion di Aruba pa bin cu un instancia independiente pa evalua diferencia di opinion riba Statuut. Cuater a a pasa sr. Herd  hunto cu Juan David Yrausquin a entrega e mocion na parlamento Hulandes cu a wordo aproba unanimamente. Pero te ainda nada a wordo haci cu e proposicion aki. □



**ORANJESTAD-** Segun sr. Omar Tromp presidente di Camara di Comercio (KvK) placa no ta lorando. Pa locual ta trata e negoshinan den e prome

*Segun Sr. Omar Tromp presidente di Camara di Comercio*

## "Placa no ta lorando"

kwartaal. Pa e di dos kwartaal ainda no tin cifra. E prome kwartaal tabata bon pa e negoshinan cu a habri nobo en comparacion cu 2013. Segun sr. Tromp 2013 tabata e prome a a cu esaki a crece en comparacion cu 2008 y 2009. Pero den comercio mes cos ta preta.

Un di e pagadonan mas grandi na Aruba cu ta gobierno y e situacion financiero ta un tiki preta y no ta pushando suficiente placa den economia. Ta keda warda riba Hospital, MFA, y tur eseynan cu ta

duna un empuhe na economia. Tambe ta un poco atras cu entradanan di belasting pa locual ta e a a akinan compara cu a a pasa.

Locual ta wordo scucha di hendenan den comercio ta cu cos ta preta y companianan di baina por wanta nan cabes riba awa y ta spera cu esaki ta algo temporal, pero si esaki sigui Aruba ta den problema. Semper ta e negoshinan chikito ta esunnan cu ta yuda economia.

E chikito semper ta cumpli cu tur cos, pa e motibo ey

KvK kier motiva hende pa cuminsa cu nan mesun negoshi, sr. Omar ta enfatisa.

Pa locual ta e financiamiento pa un negoshi cu kier cuminsa ta basta dificil, pe esey KvK ta den combersacion cu Banco Central y tambe ABA (Aruba Bankers Association) pa wak kico ta pasando.

Haci transaccionnan via banco cada dia ta birando mas dificil. Ta bay pusha tambe pa bin cu ideanan nobo tocante mercadeo pa por pusha economia den direccion corecto, sr. Omar ta finalisa. □



BON DIA Aruba

**Editor**

Caribbean Speed Printers N.V.  
Aruba Bank N.V. Acc. #332668  
Caribbean Mercantile Bank N.V.  
Acc. #23951903  
RBC Royal Bank Acc. #1330772

**Sub-Gerente Editorial**

Sharina Henriquez (Hefe)  
Dionne Fradl-Jie Sam Foek

**Redaccion**

Lia de Cuba  
Margarita Els

**Redactor Deportivo**

Nathalie Winterdaal

**Colaborador**

Oscar Vidal  
Raymond Hoek

**Fotografo**

Dino Tromp  
Maritza Tromp- Lacle

**Ehecutivo di Benta**

Brigitte Wauben (Hefe)  
Marijke Croes-Luidens  
Mark Gomes  
Gwen Wever

**Diseño Grafico**

Michael Arendsz

**Aviso y Arte**

Sandra Loefstop  
Lando Rafael  
Gladis Palomino Silva  
Robert Cortez

**Administracion**

Xiomara Arends (Hefe)  
Mariette Engelhart  
(Hefe di personal)  
Martha Arteta de Ariza

**Distribucion**

Jenny Kelly

**Collecion**

Evelinda de Cuba - Tromp

**Pre Press**

Luis Fernando Arenas (Hefe)  
Pablo Libre

**Press**

Roland Schenker (Hefe)  
Omar Ramirez  
Martin Boekhoudt  
Yair Gambin  
Francis Dirks

**Agenda di Noticia**

Associated Press  
New York Press

**Afiliacion**

Sociedad Interamerica  
di Prensa (SIP)

**DIRECION**

Weststraat #22  
Tel: 582-7800 / Fax: 582-7044  
email: noticia@bondia.com  
BON DIA ARUBA

Ta un Corant redacta y imprimi na  
Aruba y ta obtenibel di Dialuna te  
cu Diasabra. Ningun contenido  
por wordo reproduci sin permiso  
di Editor. www.bondia.com



Maribomba a pronostica cu bom lo rementa, y siman pasa ora cu e bom a rementa y gobernador no a firma presupuesto, "ALL HELL BROKE LOOSE". Esey lo mester tabata tur. Ta resulta cu AWO e cos mes a REMENTA. E bom di siman pasa a keda 'kens'.

Siman a habri Aruba sin un presupuesto, y a cera cu un minister menos. Un minister cu pa basta tempo a grita caba cu e ta retira si Hulanda lague cay. Esaki pasobra e lo tabata sinti cu e no ta haya sosten di su propio gabinete. Awor cos a bolter di tal forma cu Yrausquin a haye sin sosten di Hulanda y cu a pone cu e la opta pa retira ayera mainta. Den un declaracion Yrausquin awo ta sigura cu e tin sosten di Aruba su gobierno. Minister presidente a core manda comunicado pa pidi Juan David pa reconsidera. Lo ta berdad, pasobra MARIBOMBA a compronde cu Eman no tabata mucho contento cu e medidanan di Yrausquin. Y e la bisa na varios ocasion..puessss

Un siman di hunga wega ciego, sordo mudo a yega na su fin diahuebs ultimo ora cu flankea pa 4 di su minister-nan (2 ta den exterior y uno tabata ocupa cu asuntonan di polis), e la purba muestra cu e la sobreviví 'un experiencia'. Ni pa nada e mandatario no kier yama e comision cu tin

cu bay controla e presupuesto awor como CFT. E mesun CFT cu a controla financia di Corsou y St Maarten. "E diferencia ta cu nos mes ta dicidi y si nos no kier nos no ta haci" Eman a sigura durante e conferencia. "E bestia por tin un otro number, pero e bestia ta keda bestia" un bieu a bisa, analisando cu ni maske con bo yame, un comision ta bay "grabbel" den e presupuesto, torno esaki for di otro, y bin cu mas medida. Si bo a kere cu gobierno a tuma medida, MARIBOMBA por sigura bo cu AWOR ta bin medida.

100 miyon no ta nada pa Hulanda, y a tende rumor cu te hasta un minister of dos tin cu retira tambe pa logra baha e gastonan. Esey a pone cu rapidamente rumornan persistente a cuminsa core cu e proximo pa bay ta Paul Croes. Paul y Juan David tabata semper hunto y rebuelto ta loke nan tabata conoci pe. Of manera bieunan ta bisa, dos bonchi den un baliña. Algun ta bisa cu Paul lo sostene Juan David den su accion den forma solidario. Otro ta bisa cu e lo tin cu baha pa asina yuda baha gasto. MARIBOMBA a tende cu ta por lo menos 300 miyon tin cu bay reduci.

E mesun curashi cu Yrausquin a papia di dje na comienso di su carera politico, e la uza ayera ora cu e la papia

palabra fuerte pa ilustra su disgusto pa cu gobernador di Aruba y gobierno di Reino pa no a sostene. MARIBOMBA por compronde e rabia cu e mandatario tin, pero pa bay asina leu di bisa cu gobernador a abusa? Anto pa colmo, e pregunta ta keda si su keho contra gobernador tabata uno hustifica of no. E duda aki a crece mas ora cu gobernador a reacciona y a muestra cu nungun momento e la sigui orden di Minister Raad di Reino sino e reglanan y ley cu ta na su disposicion. Pues de hecho Yrausquin a retira pa motibonan robes. Por lo menos si sigui su rasonamento di su motibo. Ta resulta cu e responsabilidad cu e la kere cu e tabatin, e no tini sino Consejo di Minister di Reino. Yrausquin tin cu pidi gobernador dispensa awo? AY AYAY

MARIBOMBA a compronde tambe cu mayoria di e minister-nan NO ta mucho happy cu e situacion cu nan colega cu a retira, a laga atras. Esaki pasobra e la pone nan pasa machete den nan presupuesto, di un forma sin misericordia, pa despues e mes core y retira. Ta con ta haci awo? Y esey nan NO ta haya niun tiki leuk. Un minister a confirma na MARIBOMBA cu e NO ta bin bek den e funcion ey si nan puntre. Bo mes no por kere!.

Un pregunta cu MARIBOMBA kier contesta ariba. Un gobierno cu ta ASINA bon sincronisa, ASINA bon organisa, cu cada bes tabata bin cu presupuestonan 'alternativa', ta CON bo a yega di laga e cos yega ASINA leu. Anto tur e tempo bisa cu TUR cos ta flor de rosa? AY AYAY..

Na final di dia, realidad ta cu NO tin un presupuesto, y manera cos ta muestra, e pensamiento di Prome Minister Eman cu lo dura 'algun dia' pa Gobernador firma, pasobra tur cos a resolve, ta 'wish-fullthinkin'. Tur es tempo, Aruba ta SIN un presupuesto, cu kier men cu NO por fia placa, cu kier men cu NO tin placa pa paga SALARIO? Anto kere MARIBOMBA..ta ORA cu bo mishi cu CARTERA di hende, e ORA nan ta bira ZAMURA!.. MARI-BOMBA lo a keda kens banda di un hende asina.

ATA minister di Salud a BOLBE priminti cu e weekend aki NO ta cobra propio contribucion mas, of con cu bo kier yama e cobransa di 159 florin cu a bin ta cobra for di siman pasa. "AWOR SI" e mandatario a laga sa riba un website nobo di noticia cu por cierto a keda lansa e siman aki. E mandatario a bisa cu diabierna lo a anuncia esaki publicamente. MARI-BOMBA a bula rond pero NADA di papel, corda pa e anuncio mes. Ata dialuna habri y atrobe oposicion por yama e minister pa mentiroso? Ta con anto? □

## Editorial

# Deficit democratico na Aruba

Tin un mal interpretacion cu nos pais awor ta den crisis pasobra gobernador no a firma e presupuesto pa bira un ley y tin como consecuencia cu gobierno di Aruba no por presta placa pa asina cumpli cu su pagonan. Si gobierno entrega un ley na parlamento pa wordo autorisa pa fia placa y parlamento aproba e ley, gobierno por fia e 218 miyon florin cu mester awor.

**Forma parti di mundo**

Den e desaroyonan cu a cuminsa e aña aki, porta e echo aki lo tuma un tiki presion di sentimentonan cu gobernador cu ayudo di Hulanda ta hinca Aruba den un crisis financiero. Manera Bon Dia Aruba a skirbi caba recientemente den su editorial, politica local ta lubida hopi biaha cu Aruba ta forma parti di Reino (mun-

do) y tin ley, palabracionnan internacional cu tin su influencia riba e maneho local. Por ehemplo si kier opera un aeropuerto internacional tin regla internacional y si bo no ta cumpli, hopi avion no kier of por bula na bo pais.

**Palabracion**

Den e discusion awor pero den pasado tambe e asunto di deficit democratico ta wordo uza den sentido cu ora gobierno di Reino (cu un mayoria di ministernan di Hulanda) ta aplica e Statuut (constitucion di Reino) of otro reglanan internacional pa e otro pais den Reino (Aruba, Corsou y St. Maarten) no tin un areglo of instancia pa apela. Manera un hues (independiente) cu ta bin cu un veredicto ora dos partido no ta haya otro. Ta berdad cu e mocion pa un

areglo asina, entrega pa entre otro e mesun minister cu a tuma su retiro ayera, ainda ta riba mesa di gobierno di Hulanda. Ta berdad cu Hulanda no a cumpli y por bisa ta hipocrita cu den situacion a pone presion pasobra Aruba no a cumpli cu su palabracion.

**Nivel deficit**

Pero ora bo ta wak tur cos for di punto local, bo por puntra bo mes si Aruba desde 1986 ainda tin un deficit democratico tambe. Hopi biaha e atencion ta riba e gobernantenan ora di papia di mal maneho financiero. Pero gobierno no ta e organo mas halto. Porta mester pone mas atencion den cuadro di deficit democratico riba e rol cu parlamento ta hunga of miho bisa, no ta hunga. Si parlamento ta tuma su responsabilidad di controla a base di criterio local y inter-

nacional na lugá di controla a base di interes di partido, e deficit democratico tabata riba mesun nivel cu e deficit financiero.

**Control di parlamento**

Lo bin debate awor den parlamento riba e rol di gobernador, si el a viola e ley, si minister of prome minister a faya, si gobierno di Reino, gobierno di Hulanda a faya, etc. Porta e parlamento, y awor especificamente e mayoria, tin e curashi pa evalua su mes. Of miho, instala un comision independiente. Y ta netamente e persona cu awor a tuma su retiro, cu tin e miho papel pa presidencia e comision aki. Cu den su carera como parlamentario a controla e presupuesto manera lo spera di un representante di pueblo di Aruba. □



# Digicel ta blokia uzo di Skype ariba nan red



Digicel a tuma e decision pa blokia uso di Voice over internet Protocol (VoIP) entrante marduga y Digicel ta spera cu e medidanan aki ta temporario y cu pronto lo por resumi cu nan servicio cu e clientenan ta custuma cune.

Como cu Aruba tin un otro compania di telecomunicacion Bon Dia Aruba a acerca sra. Suzy Maduro vocero di e compania di Setar N.V pa un reaccion. Sra. Maduro a bisa Bon Dia Aruba den un entrevista, cu Setar ta traha semper pro activo y ta prepara pa e retonan cu por presenta. "Si e servicio di yamada ariba internet no ta trece un ganashi pa Setar nos ta bin cu solucion creativo pa preveni cu esaki ta afecta nos compania", sra. Maduro a bisa.

## Situacion Digicel Surinam

E uzo di aplicacionnan cu ta haci yamada ariba internet ta trece gasto no desea pa Digicel Surinam cu nan no kier carga mas cune. Ariba dje e uzo di e aplicacionnan

aki ta existi demasiado for di e "broadband" innecesariamente, sra. Eugenie Haynes marketing manager di Digicel Surinam.

"Nos "broadband" ta limita y Digicel Surinam kier ofrece un velocidad di internet bon y lihe", segun sra. Eugenie Haynes.

E supuesto Voice over internet Protocol (VoIP) ya no ta posibel mas, VoIP ta locual cu ta haci posibel cu yamadanan por wordo haci via internet. E servicio aki no ta mara na ningun suma y segun sra. Haynes, ningun hende por haci compras gratis.

VoIP lo por wordo uza bek den futuro unbes yega nan un bon arreglo financiero. Pero pa aworaki ningun Skype, Viber of Nimbuzz pa clientenan di Digicel Surinam, segun sra. Haynes.


## Internet slow

"Clientenan cu no ta haci uzo di e aplicacionnan pa yama ariba internet ta wordo confronta regularmente cu un internet hopi slow pa motibo di e trafico ariba e "broadband". Esaki ta un di e motibonan cu a hunga un factor grandi pa e compania di telecomunicacion tuma e decision di blokia e aplicacionnan aki.

## Ganashi na peliger

Ariba un pagina internacional yama Source lighthouse insights, Bon Dia Aruba a haya estudionan haci ariba aplica-

ta facilita mensahe y yamada via internet ta aumentando y esakinan lo dal e companianan di telecomunicacion duro. E estudionan cu analistanan



cionnan di mensahe y yamadanan via internet manera Whatsapp, WeChat, Viber y Line. Investigacionnan haci ta muestra cu e aplicacionnan aki ta causando un preocupacion pa companianan di telecomunicacion como cu nan ta comiendo e ganashi masivamente.

## Predica cu lo tin perdida

Un reportahe di Ovum ta predica cu aplicacionnan cu

di e compania Ovum a haci ta predica cu globalmente companianan di telecomunicacion lo perde 386 biyon dollar entre aña 2012 y aña 2018 for di clientenan uzando VoIP.


Segun e investigacionnan aki companianan a perde 32.5 biyon dollar for di mensahe solamente na aña 2013 y cifranan ta indica cu esaki lo yega 54 biyon dollar pa aña 2016. □

ORANJESTAD - Riba e website Surnameño Waterkant, a wordo publica ayera cu e compania di telecomunicacion Digicel a prohibi su usuaronan pa haci uzo di Skype, Viber y Nimbuzz como cu esaki ta costa e compania perdida di placa y e velocidad di internet ta baha. Expertonan na Aruba di Digicel a bisa cu esaki tambe ta conta pa Aruba desde marduga.

## Situacion pa Aruba


Bon Dia Aruba atuma contacto cu Marketing executive di Digicel Aruba sra. Elaine Singh unda cu el a bisa cu

# Trabounan di construcccion di rotonde na Macuarima



ORANJESTAD -- Departamento di Obra Publico ta informa cu entrante dialuna 7 di juli 2014 lo bay construi un rotonde na altura di e parcela Macuarima 23B.

En conexion cu e trabounan aki Departamento di Obra Publico ta haci un peticion na tur chauffeur pa tene cuenta cu e situacion den e area aki lo cambia. E area lo ta parcialmente cera durante e temporada di trabou. Lo indica esaki pa medio di borchis y heki di trafico. E trabounan lo tin un duracion di binti dia. DOW ta pidi comprension y disculpa pa cualkier inconveniencia cu e trabounan por ocasiona. □



## Departamento di Financia ta cera dialuna merdia

ORANJESTAD -- Departamento di Financia lo cera dialuna 7 di juli for di 1'or 15 pa parti merdia

pa publico.

Diamars 8 di juli e departamento lo ta habri normalmente desde 7:30 am. Staf y personal di departamento di Financia ta pidi comprension di tur hende. □



Gouverneur van Aruba  
Fredis Refunjol  
Plaza Henny Eman 3  
Postbus 53  
Oranjestad, Aruba

Den Haag, 4 di juli, 2014

Re: retiro como Ministro di Finanzas y Organizacion Gubernamental

Excelencia,

Pa medio di e carta aki mi kier informa Gobernador cu mi a tuma e decision di retira como Ministro di Finanzas y Organizacion Gubernamental di nos Pais.

Motibo principal pa mi retiro ta e abuso increibel di poder cu a wordo eherci riba e Gobierno di Aruba den e ultimo simannan pa e Gobierno Hulandes y cual abuso di poder lamentablemente a wordo sosteni pa Gobernador. E abuso di poder aki a causa y ainda ta causando daño serio na e credibilidad y finanzas publico di nos Pais pa cual mi no por sigui carga responsabilidad. E abuso di poder aki no por pasa sin cu un hende ta asumi responsabilidad pe, y como cu mi ta carga responsabilidad ministerial pa actonan di Gobernador, y den esaki ta trata actonan di Gobernador cu ta cay bou di mi responsabilidad ministerial, esta finanzas publico, mi ta saca mi conclusion.

Cu responsabilidad y autoridad ta bay man den man ta un principio basico di maneho, sinembargo den e ultimo simannan mi por a tuma nota con e Gobierno Hulandes legitima pa Gobernador a eherce autoridad riba nos Pais sin cu nan tin e responsabilidad legal, constitucional, ni financiero na momento cu tin consecuencianan pa nos Pais.

E pueblo Arubano, e Parlamento cu e Pueblo aki a eligi y e Gobierno cu e Parlamento aki ta sostene a wordo chantahia y humilia den un forma nunca antes bisto, mientras institutonan Arubano, den mi bista cobarde, a sostene e actonan irepudiabel aki.

Pa e gobierno Hulandes "palabracion ta palabracion" te ora e palabracion ta toca algo cu e Gobierno Hulandes tambe tin cu cumpli cune, manera por ehempel introduccion di un instancia independiente pa evalua diferencia di opinion riba statuut, cual palabracion a wordo haci den conseho di minister di reino y den parlamento di reino como condicion di Aruba pa coopera na cambio di Statuut. Ningun momento mi a wak Gobernador sali na defensa di e palabracion cardinal aki pa asina por papia di un estado di derecho den Reino Hulandes. Den e ultimo simannan y lunanan mi a siña compronde pa ki motibo e Gobierno Hulandes ta nenga categoricamente di coopera pa duna contenido na e palabracion importante aki haci na 2009 y 2010.

*Paaf.*



# Relato di Gobernador di Aruba

Pa medio di esaki Gabinete di Gobernador di Aruba ta participa lo siguiente

Dia 3 di juli Su Excelencia Gobernador di Aruba a keda informa cu Presidente di Consejo di Ministro di Reino, señor M. Rutte, y Ministro Presidente di Aruba, señor M. Eman, a yega na un acuerdo pa laga haci un investigacion riba Presupuesto 2014 di Pais Aruba, tal manera esaki a keda aproba pa Parlamento di Aruba dia 25 di juni 2014, y pa cua te awe, Gobernador tin su stipulacion pendiente.

Pa contenido di e palabracionnan, di cua e investigacion aki ta forma parti, nos ta referi na e siguiente informe pa prensa cu a prepara tocante e asunto aki.

Relaciona cu e palabracionnan aki y den e mesun liña, Gobernador lo no pasa pa stipula e presupuesto na e momento aki. Tampoco Gobernador lo dicidi pa no stipula e presupuesto, pa cua e ta cualifica como organo di Reino, y basa riba articulo 21 di Regelement van de Gouverneur van Aruba.

Ta te ora cu e ricibi e rapport preliminar cu ta redacta, basa riba e palabracionnan menciona anteriormente, anto e lo reconsidera e decision expresa aki riba, den caso cu e rapport aki ta duna motibo pa esey.

Oranjestad, 4 di juli 2014.

## ACLARACION

Como aclaracion pa redaccion lo siguiente:

Gobernador di Aruba ta stipula Landsverordeningen a base di articulo II.7 di Staatsregeling van Aruba, momento cu e firma esakinan. E ta firma como Organo di Gobierno, como representante di Su Mahestad Rey como hefe di Gobierno di Aruba, y bou responsabilidad di e minister(nan) responsabel di Pais Aruba, kende(nan) tambe ta firma e Landsverordening.

Den Regelement van de Gouverneur van Aruba [Rijkswet van 18 december 1985, laatstelijk herzien bij Wet van 7 juli 2010 (Stb. 2010,339)] tin algun competencia di Gobernador incorpora, cu ta coresponde na dje como organo di Reino.

Den articulo 21 di e Regelement aki tin incorpora cu Gobernador no ta stipula un Landsverordening ora cu e ta considera cu e decreto ta en pugna cu Statuut, cu un reglamento internacional, cu un ley di estado of un medida general di gobierno di reino, of cu interesnan, di cua nan mantenimiento of garantia ta un asunto di Reino.

E decision colectivo pa laga haci un investigacion riba Presupuesto 2014 di Gobierno, ta un motibo pa asumi, cu lo por tin motibo pa no stipula Presupuesto 2014 di Gobierno, mediante aplicacion di articulo 21 ya menciona.



*Dama basta emociona den Corte a bisa Hues***Su ex amigo a pone presion pa sconde dos arma uza den atraco arma**

**ORANJESTAD – E muhenan D. y L. mester a duna cuenta pa e scondemento di dos arma cu a wordo uza den atraco arma. D. ta mama di e sospechoso R.D. y L. ta e amiga. Door cu e caso aki ta data di 2011, nan no a haya castigo di prizon sino trabou pa comunidad cual a wordo desconta tambe for di e tempo cu nan a keda cera e tempo aya.**

E acusacion cu Fiscal a presenta contra nan ta cu na Juli 2011, nan a sconde dos arma di candela pa e homber R.D. cu e tempo ey a wordo deteni pa atraco arma.

**Sconde arma**

Hues a mostra cu segun e relato di Recherche, nan a interroga L. pero den prome instante e no kier a bisa e berdad y un rato despues el a dicidi di papia e berdad. L., cu tabata e amiga di R.D. a declara cu el a haya un arma for di R.D. pa sconde esaki. Prome el a sconde esaki bou di un mata den mondi. Despues R.D. a bolbe bay cerca dje pa warda un otro arma. Na dado momento R.D. a wordo deteni y L. a dicidi di coy e dos armanan y bay cerca D. cu ta mama di R.D.

L. a bisa cu D. a bisa cu lo ta miho dera e armanan den hardin na e cas. Hues a bisa cu for di e declaracionnan di tanto L. como D., el a ripara cu riba e punto aki ta caminda e declaracionnan ta desvia. L. a bisa Hues, cu el a yuda hinca e armanan den plastic y D. lo a coba buraco. Segun L. e armanan a wordo dera caminda tin cachonan y ningun hende lo por yega eyan. Segun D. ta L. a dera e armanan den su cura y despues D. a dicidi di

saca esakinan y hiba nan na su trabou.

Segun D. el a saca e armanan pa duna L. nan bek pa mira kico lo bay haci cu esakinan. Hues a puntra nan pakico no a entrega e armanan na Polis. Segun L., e tabatin miedo cu si e no sigui e orden di R.D., lo por tin consecuencia pe y su famia. L. cu wowo na awa a bisa Hues cu e tabatin miedo di presion cu R.D. ta pone riba dje y tambe e tabatin berguensa pa su tata y ruman cu el a sconde arma cu a wordo uza den atraco. L. a bisa Hues cu R.D. tabata domina hopi. Hues a puntra D. pakico el a haci esaki. E tambe hopi tristo a bisa cu como mama, e momento ey e no tabata sa kico e mester a haci.

Fiscal a puntra nan pakico nan tabatin miedo di R.D.. L. a bisa Fiscal cu R.D. ta hopi dominante y tabata manipula L. E tempo ey L. tabata mira hopi importante. Segun L., e sa cu R. a yega di cay cera pa arma y fraude. Awor el a aleha di R.D. y no kier tin nada mas di haci cu su persona.

D. a bisa Fiscal cu como mama, e no tin miedo di R.D. pasobra e sa cu R.D. lo no haci nada. Tur cos a pasa tras di otro y e no tabata sa kico pa haci. Polis a bay investiga na cas y e no a pensa pa bay Polis.

**Exigencia di fiscal**

Fiscal a bisa cu e ta haya legalmente proba cu nan a sconde dos arma di candela cu a wordo uza den atraco. Ambos ta culpabel y castigabel. Na opinion di Fiscal, L. a bisa cu e tabata bou presion pero ta algo cu e mes a crea. Lo tene sigur cuenta cu a duna claridad di e caso. E armanan finalmente a bin den man di Polis. Ta casonan cu a tuma luga na 2011 cu ta un tempo pasa. El a exige pa L., 30 ora di trabou pa comunidad

of 15 dia cera si no cumpli y pa D., 20 ora di trabou pa comunidad y 10 dia cera si no cumpli.

**Defensa**

Mr. Scheper a splica cu L. tabatin un relacion cu R.D. cu ta yiu di D. E relacion tabata bou presion di R.D. L., e tempo ey a haci cosnan cu awor e ta lamenta di a haci. Segun e abogado, ta asina cu R.D. a manipula y a maltrata formal y hasta psikico. Te ainda e ta sufriendo di esaki. Tur esaki a causa presion emocional hopi fuerte riba dje. Nan tabata biba hunto y L. no tabata sa kico R.D. tabata haci, Ariba instruccion di R.D. e mester a sconde dos arma di candela. E tabata mira peliger pe y berguensa pa su famia. P'esey na dado momento el a hiba e armanan pa mama di R.D. pa sconde e armanan aki. A dera e armanan den cura di e mama, kende despues a saca esakinan. El a keda 26 dia cera pa e caso aki, mientras cu e tabata studiando y core pasantia. Actualmente el a gradua y ta trahando y no tin relacion y contacto cu R.D. E no kier tin nada di haci cu R.D. E caso, manera Fiscal mes a bisa ta di 2011 o sea un caso bieu. E proces-verbaal tabata for di September 2011 cla y segun Corte Supremo su maneho mester reduci castigo drasticamente. E abogado ta haya cu L. a sinta mas castigo cu loke Fiscal a exige.

Abogado mr. Dijkhoff a bisa cu D. a admiti di tabatin e armanan. Su yiu a wordo deteni pa atraco arma. El a cay bou presion door di situacion y na dado momento L. a presenta na cas cu armanan pa sconde. A dera e armanan den cura di cas y na dado momento kier a saca esakinan. L. a wordo deteni y ora Polis a bin bek, el a

monstra unda e armanan tabata scondi. El a pidi Hues pa tene cuenta cu circunstancia personal di D., kende actualmente no tin trabou. El a monstra cu D. a keda 10 dia cera y ta haya cu a sinta suficiente castigo.

**Sentencia**

Hues a cera tratamento di e caso y a dicta sentencia di biha. Hues a bisa cu e ta haya nan culpabel di posesion di arma y a purba sconde e armanan. Na opinion di Hues, no ta importante kende a

sconde of no. Importante ta cu nan a coopera cu e investigacion. E ta haya cu L. berdad tabata bou presion di R.D. y tabata depende di dje. Hues ta haya cu mama D. mester a entrega e armanan. El a bisa cu e ta tene cuenta cu L. a sinta 26 dia caba. E no ta haya cu mester sinta mas. Pa D., Hues ta haya cu su responsabilidad ta mas grandi. El a condena na 10 dia igual na loke el a sinta caba mas 20 ora di trabou pa comunidad y si no cumpli, e lo mester bay 10 dia cera. □

*E mama a bisa Hues cu e no ta confia su yiu mas*

**Sospechoso di cende cas ta sufrir di problema mental y na Aruba no tin luga adecuado pa tratamento**

**ORANJESTAD – Tanto Hues, Fiscal, psiquiatra, abogado como mama di e sospechoso A.R., a intercambia di idea pa un posibel solucion pa e sospechoso por bay liber, pero no a keda nada otro cu e mester keda encarcela den KIA pendiente di su caso. E mama a bisa Hues bon cla cu despues cu A.R. a purba cende e cas na candela, e no ta confia A.R. mas.**

E homber A.R. ta wordo acusa cu riba 3 Januari 2014, el a cende candela na cas di su mama. Danki Dios cu e cas no a kima. A sufrir dañonan di cual entretanto a keda regla. Den sala di Corte tabata presente mama di A.R., un miembro di Reclassering y psiquiatra van Galen.

Fiscal a bisa Hues cu Hues Comisario a pidi psiquiatra van Galen pa duna un splicacion di situacion di A.R. y si mester di tratamento. Door cu e peticion a yega laat, van Galen a presenta den Corte pa splica un ke otro. Abogado mr. Arends ta haya cu ta importante pa psiquiatra duna evaluacion di A.R. El a bisa cu e psiquiatra tabata atende A.R. caba pa su problema mental serio, aunke cu e peticion di Corte ta pa determina si e ta responsabel pa loke el a haci. Hues a monstra cu por constata cu A.R. tabata interna na Paaz y na Centro Colorado.

**No tin luga adecua pa tratamento**

Hues a dicidi di scucha psiquiatra. Psiquiatra a bisa cu el haya peticion laat. El a monstra cu e acusado ta sufrir di problema mental y diferente biaha a wordo trata. Na opinion di psiquiatra, A.R. tin problema pa tratamento pasobra e no tin disciplina pa sigui tratamento. Esaki ta bin puramente door di

problema mental. E psiquiatra a sigui bisa Hues cu no ta necesario pa interna A.R. den Paaz pasobra esey lo no bay duna e resultado desea. E problema mental di A.R. ta di tal grado cu na opinion di psiquiatra, lamentablemente na Aruba no tin un centro adecuado pa tratamento. El a splica Hues cu di loke e conoce A.R., A.R. ta uza marihuana tambe. E psiquiatra a puntra cu si suspende detencion di e acusado, kico lo mester bay haci. Hues a bisa cu si suspende su detencion, e lo bay liber y lo por pone condicionnan pero e pregunta ta si esaki ta realisabel. Psiquiatra a bisa cu na KIA no tin tratamiento y guia psiquiatrico mas. Psiquiatra a bisa cu e tin tempo sin mira e acusado y no por duna un bista cu su estado mental ta. Si e evalua e acusado e por duna un bista.

Hues a papia cu Fiscal pa determina un fecha mas pronto posibel pa tratamento di e caso. Hues a palabra cu psiquiatra pa dentro di dos siman e psiquiatra lo duna su evaluacion.

**Mama no a confia su yiu**

Fiscal a monstra cu si no por laga e acusado liber pa bay cerca su mama y tampoco na Paaz, con lo por sigui. Psiquiatra a bisa Hues cu e no kiermen cu e acusado no por bay Paaz. E por bay Paaz pero keda interna pa tempo largo lo no por mira cambio. E por keda na Paaz si como cliente.

Abogado mr. Arends a splica cu e por a compronde di e mama, cu ta buscando posibilidad pa tratamento na Venezuela. Tabatin discusion con lo por bay haci cu e acusado. A papia cu lo laga transporta e acusado for di KIA pa Paaz y 25 Juli 2014 lo por duna un bista.

*Continuacion riba pagina A9*

**Diasabra y diadomingo awor**  
**Bushiri 25**  
**Bushiri Karting**  
**Diasabra 5 di July** **D'-LICIOUS**  
**Diadomingo 6 di July**  
**TSUNAMI** **Happy Hour 6:30 pm – 8:30 pm**  
**Entrance Afl. 10.00**  
**Free Entrance before 9.00pm**  
**Sensation**  
*Cocktail Lounge*





Segun directora di SKOA:

## Tur cos ta cuminsa cu disciplina na cas

**ORANJESTAD - Alumnonan cada aña ta wordo enfrenta cu diferente situacion cu por influencia nan estudio, Sra. Josette Daal directora di SKOA ta pensa cu hopi tin di haber cu situacion social emocional y disciplina.**

Den nos cinco scolnan di Mavo nos tin 412 alumno cu a participa na examen, for di cual 290 a slaag, esaki ta ekivalente na 70.4 porciento cu a gradua. Actualmente SKOA ta evaluando kico ta e motibo cu casi 30 porciento no a slaag y na unda e problema por ta sinta, sr. Daal a bisa. Ora mira cada scol individual e porcentahe ta refleha mas cu ora pone tur e resultadonan hunto. Si SKOA compara e porcentahe cu esun di aña pas, el a baha solamente cu 4 porciento.

### Contribucion enseñansa obligatorio

Bon Dia Aruba a puntra sra. Daal si enseñansa obligato-

rio ta yuda cu e alumnonan ta atende scol mas regularmente cu consecuentemente por hisa nan posibilidad pa pasa nan aña escolar exitosamente. Sra. Daal a bisa: “si, e muchanan ta bini scol mas regular, prome e muchanan no tabata atende scol pa cu alquier motibo cu e mayor por tin, por ehempel oportunidad di biahe cu ta presenta durante temporada cu no tin vakantie di scol”. E consecuencia di esaki tabata cu alumnonan ta perde gran parti di les cu ta importante pa nan pasa nan aña escolar, segun sra. Daal.

“Enseñansa obligatorio a disciplina e mayornan pa tene cuenta cu e importancia di e estudio di nan yiu”

Ta mucho prematuro pa mira e resultadonan di enseñansa obligatorio como cu el a wordo introduci recientemente. “Despues di algun aña lo por mira cu e muchanan ta regularmente presente, e ora ey



por papia di productividad”, segun sra. Daal.

### Posibel problema

Bon Dia Aruba a yama diferente scol na Aruba buscando un motibo tras di e muchanan cu ta keda sinta. Incluso a publica den nos matutino ayera 4 di juli, reaccion di presidente di Simar cu ta pensa cu e problema ta social emocional. Bon Dia a haci sra. Daal e pregunta aki tambe, y el a bisa cu e parti social emocional definitivamente ta un faceta cu ta hunga un rol den e estudio di un mucha.

“Si nos coy un mucha di Mavo cu ta basta grandi, nan tin suficiente herment y conocimiento di sa kico ta responsabilidad y con nan mester asumi na responsabilidad pa nan estudio, hopi biaha e situacion cu nan ta aden ta hunga un rol. E por ta situacion na cas of situacion di nan bida social cu ta hunga un rol, sra. Daal a bisa.

“Como scol y como instancia di enseñansa, esaki ta preocupante, locual nos ta haci pa duna sosten ta pone trahado social na scol”, sra. Daal a bisa. Tin mentornan tambe na e scolnan disponibel pa papia cu alumnonan cu mester di guia pa e por tin un miho resultado den e temporada di su estudio na Mavo. SKOA ta kere den traha preventivo y ta

haci esaki na scolnan preparatorio y scolnan basico.

### Habilidad social

Un ehempel simpel ta e parti di habilidad social pa anda cu colega estudiante tambe mester wordo siña, hopi biaha ta scol mester haci esaki como cu e no ta bin for di cas. famia na cas mester siña y prepara e mucha pa e drenta enseñansa, esaki ta forma di conducta sra. Daal a bisa. Bou di forma di conducta ta cay respet pa hende grandi y con pa anda cu hende den diferente situacion”.

Scol ta atende cu esaki pa gran parti pero apart di esaki scol mester brinda e enseñansa tambe. “Nos preocupacion ta si problema crece den e parti social emocional, enseñansa lo cay hopi pisa ariba e muchanan for di chikito caba. P’esey internamente nos di SKOA ta purba wak con nos ta ricibi e estudiante den e scol y con nos ta haci cu e alumno tin e gana di studia, banda di e facetanan cu ta hunga un rol den nos comunidad.

### Guia na mayornan

Bon Dia Aruba a puntra si SKOA ta ofrece guia na mayornan cu mester ayudo cu e guia di enseñansa di nan yiu. Nos tin coordinadornan cu ta sigui e muchanan den enseñansa y den su desaroyo social emocional. y si mira cu e

tin problema social emocional cu mester mas atencion, Scol tin contacto cu instancianan externo cu por yuda e alumno y su mayornan cu esey, sr. Daal a bisa. “Hopi biaha un mayor no sa con pa anda cu cierto situacion, e instancianan externo tin profesionalnan cu ta brinda e guia ey”. Jeugd Gezondheid Zorg (JGZ) ta un di e instancianan cu ta yuda e mucha conhuntamente cu su mayor. Telefon pa mayor tambe ta un otro fundacion cu t’ey especificamente pa yuda mayornan guia nan yiu den enseñansa.

### Ayudo di instancia

Den caso cu un mayor nenga e ayudo di un instancia, e ta hopi dificil pa un instancia haci algo como cu no tin niun ley cu ta muestra un mayor su responsabilidad, e situacion mester ta hopi grave cu gobierno ta dicidi di mete den e caso y bisa cu nan ta tuma e mucha y pone den Imeldahof of Casa Cuna, segun sra. Daal.

“Nos ta pensa cu si bin reglanan dirigi pa mayor cu ta obliga mayornan pa sigui un procedura den caso di problema, nos ta kere e lo yega na bienestar di e mucha cu manian mester ta desaroya y bira un bon ciudadano den nos comunidad”.

Segun sra. Daal ainda no tin niun caso conoci na SKOA cu mayornan ta stroba nan yiu di papia cu un trahado social, paso e mucha mes por tuma contacto cu uno si e sinti e necesidad.

Si un maestro duna indicacion na e trahado social cu un mucha mester di ayudo e ora ey e trahado social ta acerca e mucha, cu e posibilidad si e bira mas grave cu ta invita e mayor tambe pa un cita. “semper teniendo na cuenta e bienestar di e mucha”, sra. Daal a bisa.

A9 5julnadien skoa aña escolar.□

### Continuacion di pagina A8

Hues a bisa cu e kier scucha e mama. E mama a splica Hues cu e no a keda cla ainda y no tin garantia cu pa 25 Juli 2014 tur cos ta cla. Hues a puntra e mama si A.R. lo por bay bek cas cerca dje. E mama a bisa Hues cu e acusado ta su yiu pero e no por confia mas pa loke el a haci.

### No tin solucion

Tur posibel solucion cu a purba trece, no ta resulta. Hues a papia cu e acusado y tur cos ta muestra cu ainda no tin solucion. E mama tambe a bisa cu ta den e proceso pa pone R.A. bou curatela pero ya tin 1 aña andando y ainda nada. Fiscal a muestra cu e no por bisa cuanto tempo esey ta dura y si A.R. wordo poni bou curatela, mester mira si tin luga pa e wordo tuma. Fiscal a propone pa laga e acusado keda KIA te dia 25

Juli pa mira con tur cos ta bay. Riba 25 Juli lo mira si lo por haya solucion na luga di laga liber awor y pa e bay Paaz.

Hues a bisa e acusado cu e discusion tabata si e por bay cas of no. For di tur e informacionnan cu a haya no tin un bista cla kico lo mester sosode. Tin mucho risiconan cu no kier tuma. Hues a dicidi cu ta pospone e caso te 25 Juli 2014 pa 8.30 di mainta. El a pidi psiquiatra pa haci e evaluacion necesario pa determina si e acusado ta responsabel pa su actonan y kico lo ta e tratamiento adecuado. Hues a muestra cu ta yegando na e punto cu no por sigui tene A.R. mas den detencion preventivo. Sinembargo mirando e situacion psiquiatrico, e chens di ripiti ta halto. Pa lag’e liber e mester tin sosten completo di famia. Pa loke e acusado a haci, e mama no ta confia mas. Esey ta comprendibel. P’esey Hues a dicidi cu e lo keda encarcela na KIA te dia 25 Juli 2014.□



## Certificacion di Surveillance Combina di KPA

ORANJESTAD -- Recientemente a tuma luga entrega di diploma na miembronan di "Interne Bijstand Team" (IBT) certificacion di Surveillance Combina di KPA y KIA y inauguracion di e tereno nobo cu ta sirbi pa training di unidad di K-9, den centro di entrenamiento di husticia, situa na Balashi.

Durante e ceremonia aki Minister Arthur Dowers a expresa cu el a yega di para dilanti varios grupo cu a ricibi diploma of certificado, pero



"esaki ta un di e gruponan hopi special."

E mandatario a splica cu e no ta solamente special pasobra a combina diferente estudio, pero tambe a logra demostra cu por organisa estudio, duna consistencia pa medio di cumpli cu loke a palabra cu ta bay haci. E "Bijstand" Team a demostra nan importancia den funcionamiento den KIA pa cual a sigui cu e estudio y e di dos grupo awor a finalisa nan parti di e curso. Na mesun momento e mandatario a felicita director di KIA, Mando Policial y tambe e docentenan pa e tremendo cooperacion cu a wordo duna

sion aki a bisa "E no ta solamente un tarea di educa y bay cumpli cu e trabou, pero tambe boso tin e responsabilidad pa carga e filosofia aki den bista publico. Solamente si nos logra keda hunto, nos por sigui educa, forma y "upgrade".

El a recorda nan cu loke nan a siña awe ta cambia den algun tempo y cada un mester keda den tempo cu e formacion.

aworaki, door di a pone mas placa disponibel, y cu por sigui aumenta e calidad cu e hendenan cu nos tin awe, ta duna mi un satisfaccion hopi grandi. Mi ta hopi mas tranquil aworaki cu ora mi a cuminsa cuatro aña pasa den e trabou aki"

Minister Dowers a ilustra e confiansa cu e tin den e profesionalnan aki di KIA. E hecho cu de bes en cuando e criminalnan kier haci cierto cosnan pa demostra cu nan tin hopi poder, "esey ta un impresion robes ... y nos tin e contesta pa nan," referiendo na e profesionalnan di KIA cu a pasa e curso di "Interne Bijstand Team".

El a haci un apelacion na e funcionarionan pa sigui no solamente cu e bon trabou pero tambe e filosofia tras di e unidad aki y na final nos lo tin un pais y un cuerpo respecta.

E hecho cu Aruba ta wordo respecta, ta wordo mira den e participacion di funcionario di Sint Maarten den e curso cu a wordo organisa door di profesionalnan di e isla aki. □



pa logra organisa e cursonan menciona.

Minister Dowers na e oca-

"Nos por haci esey unicamente si nos haci hunto," el a enfatisa. A agrega e hecho cu tin material di calidad

**Macuto di Compras**

Cu e 'Macuto di compras' nos ta presenta prijs di algun producto popular den supermercadonan di Aruba. E observacion di prijsnan a tuma lugar durante 2 y 3 di juli 2014, den diferente distrito. Den comparacion di prijsnan no ta tene cuenta cu calidad di e productonan cu por varia entre supermercadonan.

Nota: e prijs di mas barata pa cada producto ta accentua na color.

		Supermarket/ Minimarket									
		Calidad S.M.	Hong Kong S.M.	Brazilian S.S.	Famia S.M.	Hao Ling S.M.	Chun Ho S.M.	Xin Hui S.M.	S.Chow S.M.	Winter Garden S.M.	Macro S.M.
		S.Basora	S. Nicolaas	Brazil	Mabon	Savaneta	Savaneta	Savaneta	Savaneta	Savaneta	S. Nicolaas
Producto	Cont.	BBO excl.	BBO incl.	BBO incl.	BBO incl.	BBO incl.	BBO incl.	BBO incl.	BBO excl.	BBO incl.	BBO incl.
Diced Tomatoes - Hunts	14,5 oz.	3,14	2,90				3,25			3,30	3,25
Pasta de tomate- La constancia	8,7 oz.	2,13	2,05	2,25	2,15	2,15	2,15	2,15	2,10	2,15	2,10
Cut green beans - Del Monte	8 oz.	2,05	2,08		2,00					1,99	2,15
Sliced beets - Libby's	8 oz.	1,78	1,63	1,90	1,55	1,85	1,85	1,59	1,68	1,85	1,80
Small Whole Baby Corn- Roland	15 oz.	2,65			2,45	2,50	2,45	2,49	2,35	2,48	
Whole kernel corn- Libby's	8 oz.	1,78	1,60	1,85	1,60	1,50	1,85	1,59	1,65	1,85	1,80
perziebonen- Hak	340 gr.	2,99	2,90		3,20		2,99			2,99	2,95
Worteltjes- Hak	340 gr.	3,13	2,88				2,95			3,25	2,95
Doperwtjes- Hak	350 gr.	3,69	3,65		4,05					3,84	3,65
Sweet peas - Del monte	8 oz.	2,17	2,16	2,30	2,25		2,25	2,05	2,25		2,20
Whole spinach leaf- del Monte	7,75 oz.	2,16	2,08		2,30		2,40		2,25		2,35
Mixed vegetables- Del monte	234 gr.	1,95	2,05	2,10	2,10		2,15	2,09	2,20	2,12	2,10
Garden mixed vegetables- Libby's	8,5 oz.	1,78	1,65	1,75	1,50	1,55	1,85	1,59	1,68	1,85	1,80
Pork & beans- Campbell's	15,75 oz.	2,38	2,38	2,55	2,45	2,60	2,50	2,65	2,45	2,46	2,45
Green pigeon peas- Goya	15 oz.	2,98	3,10	3,20	3,15		3,15			3,14	
Sliced mushrooms -Roland	4 oz.		2,05		1,80	1,80	1,80	1,85	1,75	2,10	1,75
pineapple slices- Del Monte	8 oz.		1,95	2,25	2,15	2,20	2,30		2,05	2,04	2,25
Raisins- Del monte	6pcs/43 gr.				4,95	5,30			4,93	5,23	5,20
Fruit cocktail - Libby's in heavy syrup	432 gr.	3,46	3,45	3,65	3,60	3,65	3,65	3,65	3,55	3,58	
Gelatine - Jello	3 oz.	1,59	1,49	1,60	1,60	1,65	1,55	1,59	1,55	1,61	1,55
Sweetener- Splenda, paki carton geel	50 packets	5,49	5,65		5,75	5,95	6,25	5,79	5,70	6,25	5,60
Panaceemel- Harry	300 gr.	2,85			3,00	2,95	3,25	2,85	2,59	2,95	2,85
Baking Powder- Davis	8,1 oz.		6,10	6,50		6,25		6,09			6,30
Baking powder- Clabber girl	8 oz.		3,85	4,20	4,00	4,10				4,02	3,99

Ministerio di Asuntunan Economico



## Sede nobo a keda entrega na grupo Scouting Sonrisa

**ORANJESTAD** – Diaranson ultimo a keda entrega e Sede nobo na grupo di Scouting sonrisa. E apertura oficial a tuma luga na Pavia.

Lider di Grupo Scouting Sonrisa, Thomas “Mommy” Tromp a gradici un y tur pa nan presencia, incluyendo directiva di Scouting Aruba. Aki el a pone enfasis riba e dedicacion cu e grupo di InfraTeam a hinca den e proyecto indicando con hopi biah a traha te den oranan di anochi.

“Nos ta masha gradici pa e momentonan ey cu nan kita for di nan famia pa e bon causa aki. Di curazon mi ta gradici tur hende cu a traha y specialmente e timon, Minister Oslin “Benny” Sevinger,” Tromp a expresa. Un iniciativa di Prome Minister Mike Eman despues cu el a bishita e centro algun luna pasa. Awo e ta un realidad cu ta beneficia no solamente e miembronan di Grupo Scouting Sonrisa, pero tambe clientenan di



Fundacion Sonrisa y tur otro Grupo di Scouting Aruba.

“Nos ta emociona. Despues cu nos a wordo acerca pa Minister Benny Sevinger cu un proyecto pa e tereno, nos ta realmente hopi contento,” asina Angelique Perez-Kelly, Coordinador di Sonrisa y lider di Scouting Sonrisa a bisa. Minister Sevinger, kende tabata presente na e apertura y a ricibi un plakkaat como muestra di aprecio, a bisa cu e placer tabata pa nan y cu nan lo t’ey ki ora cu ta necesario. “Nos ta contento cu nos a haya e oportunidad aki y nos

ta keda na ordo,” e Minister a expresa.

Tur cu ta desea di bin conoce e instalacionnan nobo di reunion y campamento di Grupo Scouting Sonrisa por bishita nan feria diadomingo awo. E ta cuminsa pa 10’or di mainta te 5’or di atardi. Pasa pret cu e diferente wega y atraccionnan mientras bo ta contribui na un bon causa. E mandatario a gradici tur patrocinado cu a coopera di biah ora cu a yama nan, miembronan di InfraTeam, DOW y Serlimar y tur e bisiñanan cu a duna un man cu e trabounan. □

## Serlimar ta sigui cu “Milieustraat”

**ORANJESTAD** – “Milieustraat” ta e siman aki riba diaranson 9 di juli, pa 8’or di mainta y lo sigui te 2’or di atardi. E luga exacto lo na Centro di Barrio Dakota, na banda riba e parkeerplaats.

Tambe Serlimar ta keda enfatisa, pa mara of tapa e desperdicio bon na momento cu ta transporta esaki di cas pa e sitio di container, evitando cu desperdicio ta cay na caminda Serlimar ta sigui e siman venidero aki tambe cu su Milieustraat, facilitando su containernan en particular awor cu temporada di vakantie a cuminsa. Tuma nota cu e bes akinan esaki lo ta riba un diaranson. Motibo pa esaki ta cu hopi ta esunnan cu ta traha shift of cu no tin diadomingo liber.

Serlimar a tuma e decision pa cumpli cu e demanda aki y asina colabora e bes akinan tambe cu e grupo di nos poblacion cu tin diferente schedule laboral.

### Milieustraat

E Milieustraat ta encera e deposito separa di materialnan di desperdicio den nan respectivo container. Basa riba nos informacion di nos proyectonan anterior, Serlimar lo organisa su Milieustraat cu e siguiente containernan pa e siguiente tipo di desperdicio, desperdicio di construccion, desperdicio di hardin (mata corta, yerba) desperdicio di metal (frishider, wasmashin, etc.) y demas sushi grandi, sushi di cas mixto. Serlimar su meta ta pa ofrece Aruba un manera facil, gratis y responsabel pa deshaci di desperdicio di cas grandi.

Dor di tuma e prome paso y pone container disponibel, lo motiva tur habitante pa (man)tene rond di nan cas limpi y asina contribui pa mantene e barrio mes limpi. Pa mas informacion, comunica libremente cu Serlimar na 5845080 of bishita facebook.com/serlimararuba. □

# Come and enjoy your favorite World Cup match at *Crystal Theatre*

Casino members only (become a member and you will receive \$10 free cash play).



*Carlos Gonzalez, director di ProExport Colombia pa region di Caribe*

## Colombia a posiciona su mes como e miho destino proveedor di salud den Latino America

**ORANJESTAD - Colombia a posiciona su mes como e miho destino di proveedor di serviccionan di salud den Latino America. Esaki ta segun Carlos Gonzalez, director di Pro-Export Colombia pa e region di Caribe.**

Bon Dia Aruba a combersa cu Gonzalez, kende a duna un splicacion amplio pa loke ta trata turismo. Pero no cu-alkier turismo.

### **ProExport Colombia**

Pro Export Colombia ta e oficina di e gobierno di Colombia cu ta promove e exportacionnan, e inversion stranhero pa Colombia, turismo internacional pa Colombia. Dentro di e promocion di turismo pa Colombia y e serviccionan, ta promoviendo Colombia como destino di salud.

### **Destino preferencial**

Residentenan na Aruba, como tambe nos propio ciudadanonan, cada biaha ta pone Colombia como nan destino preferencial pa loke ta trata tratamiento medico y haci operacionnan di gran importancia. Gonzalez a splica cu tin entre clinica y hospitalnan cu infraestructura super moderno, cu e tecnologia di punta. Colombia ta innova y a haci descubrimentonan di por ehempel e "valvula di Joaquin", cu a wordo crea pa mancha enfermedadnan di cerebro, Gonzalez a splica.

### **Colombia: pionero medico**

Tambe Colombia ta pionero den Latino America den transplantenan multiple. Nan tin specialidad den hopi ramo di medicina, manera nan experticio den cardiologia y cirugia cardiovascular, den neurologia y cirugia y

neurocirugia. E oftalmologia tambe ta avansa na Colombia cu descubrimentonan propio den tecnica pa cirugia di wowo. Oncologia, tin tratamiento di cancer integral. Tin tambe cirugia bariatrico pa reduccion di peso. Tambe nan tin programa di chequeo medico profesional hopi completo, den cual probechando un fin di siman, e pashent di Aruba por haci un chequeo super completo y ademas disfruta di destino manera Medellin, Bogota, Cali, el Eje Cafetero, caminda ta haya e ciudadnan di Caldas, di Manizales, Pereira y Armenia cu paisahenan di plantacion di koffie cu tambe ta parti di e experiencia unico cu Colombia ta ofrece.

### **Promocion di serviccionan di salud**

Ta pa e motibo ey Gonzalez, como e director regional, ta interesa pa comunica cu e



pueblo Arubano pa duna un poco mas riba nan serviccionan di salud na Colombia y e esfuersonan cu Pro Export pa e promocion di su clinica y hospitalnan den Caribe, particularmente na Aruba. En general Pro Export Colombia ta tene comunicacion cu gobiernonan local, particularmente cu AZV. Cu nan ta bin ta trahando y e clinicanan tin un relacion di un plaso largo y tabata bin ta ricibi e

residente y ciudadanonan di Aruba den diferente institucionnan medico na Colombia. Pro Export Colombia, cada biaha kier tin mas presente tur e serviccionan na Aruba pa e ciudadano di Aruba y e residente por mira na Colombia e luga unda cu e servicio di salud, unda e no por haya na Aruba, cu e por haya esaki na Colombia.

*Continuacion  
riba pagina A13*

# Network

INTERNATIONAL

**Contact Us at:**  
**+1.713.659.7500**  
**[www.Networkintl.com](http://www.Networkintl.com)**

**July 15th - 17th, Refining Surplus Online Auction**  
Open for Bidding Wednesday, July 9th  
**Equipment Located in San Nicolas, Aruba**



- **Mobile Homes & Portable Office Buildings**
- **Unused Carbon Steel Line Pipe**
- **Drilling & Pipeline Equipment**
- **Office Furniture & Appliances**

- **Metals & Structural Equipment**
- **Shop & Milling Equipment**
- **Trucks, Trailers & Auto Parts**
- **And Much More**

**REGISTER TO BID: [www.Networkintl.com/Register](http://www.Networkintl.com/Register)**  
**FOR EQUIPMENT QUESTIONS: [Equip@Networkintl.com](mailto:Equip@Networkintl.com)**



*Continuacion di  
pagina A12*

Entre e miho 40 clinicanan den Latino America Colombia tin 16 clinica cu ta entre e 40 miho clinicanan di Latino America y esey ta aparece den e revista specialisa, "America Economia". Segun e organisacion mundial di Salud, ta considera Colombia como un lider den e sistema di salud den e region. Ademá nan a subi mercado no solamente den Caribe Hulandes, pero den full e region di Caribe como destino di turismo di salud.

**Beyesa natural**

Colombia, pa su beyesa natural y cultura, ta haci'e un pais hopi unico y hopi gusta pa e turista di Caribe, en particular pa e turista y e residente di Aruba y Corsou. Además nan tin un conexion directo for di Aruba, traves di e aerolinea Avianca, cu ta hiba e turista pa Bogota y for di Bogota ta conecta pa e resto di pais pa e por experiencia aventura, Gonzalez a enfatisa.

**Deportenan extremo**

Tin ciudadnan manera Bogota y Medellin cu solamente den 30 kilometer ta haya un paisahe, ta haya un naturalesa, cual ta hopi optimal pa tur e deportenan, di algun no mucho extremo, y otro si. Tur loke ta e deporte cu cable, e paratense, cu ta e paragliding, e torentismo (rafting), mirando cu Bogota ta un sabana hopi extenso, pero tin tambe tin seronan hopi halto y eynan por practica deportenan extremo. Medellin, cu ta un ciudad cosmopolita, di 2 miyon di habitante, poco kilometer leu di e ciudad, ta riba 1500 riba e nivel di lama, ta ofrece tur e paisahenan natural, cu seronan halto y cu valle cu riu, caminda cu ta practica e rafting.

**Contempla naturalesa**

Tambe pa turista cu ta bay pa contempla e naturalesa, tin rond di Bogota y rond di Medellin, lagonan y "represa" grandi.

Tin cu corda cu Colombia ta un generado di energia electrico y hidraulico mas relevante di Latino America. Esey a haci cu nan a construi algun vlot grandisimo y rond di esakinan a construi full un industria di turismo acuatico. E ora ey pa esunnan cu kier aventura, pero un poco mas relaha, eynan nan por practica for di Ski, windsailing, tur loke relaciona cu ta e deporte di awa.

**Colombia ta Realismo Magico**

E turista por bay Colombia, mirando cu e ta un pais sigur, esey a inspira nan pa un reto nobo. Nan a posiciona nan mes y nan ta posicionando nan mes y compitiendo cu otro destino bisña, cu ya ta hopi bon posiciona. Loke ta interesa Pro Export Colombia ta pa Colombia ta riba e mapa mundial di turismo. Awor nan tin cu diferencia y ta pa e motibo ey e campaña. Colombia ta Realismo Magico, pasobra nan ta ofreciendo 36 experiencia unico. Experiencianan cu solamente por wordo biba na Colombia. Esaki ta wordo bisa pa 1000 turista cu a wordo entrevista pa por saca e campaña nobo aki. Esaki ta experiencianan cu pa e turista tabata unico y magico. Por ehempel, por bay y bishita un catedral di salo construi riba 200 meter bao di e nivel di tera, traha totalmente den salo pasobra cu e tabata un mina di salo cual esaki a wordo traha. Esaki tabata un catedral cu blafon halto y cu altar y cu espacio hopi amplio. Esaki ta un experiencia unico cu por wordo biba solamente na Colombia. Además di bebe un koffie Colombiano 200 meter bao

di e nivel di tera.

**Diferente experiencia**

Pa esunnan cu kier bay wak e esmeraldanan Colombiano, por bay na e museo di La Esmeralda na Bogota y en particular El Museo de Oro. Esey tambe tsa un experiencia unico pasobra por mira e coleccion mas rico y unico di mundo, PreColombina. Ta muraya y muraya yena cu articulonan elabora na man den e escultura PreColombina, na momento cu e Europeonan a haya na nan yegada na e continente Mericano. Tambe tin e esmeralda di mas grandi na mundo exhibi den e museo aki. Esaki, segun Gonzalez, ta un experiencia unico. Por bay tambe Cartagena, un ciudad cu ta rond cu muraya di 11 kilometer. Esaki ta encera un historia hopi rico di loke tabata e epoca di e colonia Spaño. Su interior ta wordo conserva hopi bon. E ta un patrimonio di humanidad y e cayanan Colonial aki di Cartagena cu a inspira e escritor ganado di premio nobel, Ga-



Por disfruta di diferente actividad  
Pro Export Colombia ta traha cu benta mayor turistico y e aerolinea Avianca y

loke tambe ta moda. Por bin haci paketenan di acuerdo cu e ciudad y gusto di e pashent. Maduro Travel, Tango Tours, Discovery Travel y Paraiso Travel ta agencianan di biahe cu ta participa den esaki.

**Destinacion preferi pa e Arubiano**

Colombia ta posiciona na Aruba como un destino complementacion di salud. Sa cu pa e poblacion chikito cu Aruba tin, tin cierto complejidad medico cu no por wordo eherce aki, pasobra e mediconan aki no tin e suficiente conocimiento y experiencia pa efectua e intervencionnan aki di complejidad halto. Esaki tin di haber cu cirugianan di riesgo halto, tanto cardiovascular como neurocerebral y algun tratamiento di cancer, igualmente cu ortopedia. No tin solamente un pais cu ta ofrece un calidad hopi halto di servicio medico complementa cu e gobierno di Aruba ta ofrece, sino cu tambe tin personal humano profesional, super specialisa y hopi sensibil. Tin un lema cu incluso e recuperacion di e pashent ta cuminsa desde su trato cu e personal profesional di e clinica y hospitalnan. Mesos e gastonan na Colombia ta hopi competitivo na nivel regional. Tin un destino cu conexion, un destino cu un trato humano di number un cu ta caracteriza compara cu otro destino y tin un sistema di salud cu e tecnologia di punta, esun di mas avansa y tin un curpa di cientifico cu ta aportando, no solamente na medicina nacional pero na e medicina mundial cu nan innovacion, Gonzalez a termina bisando. □



briel Garcia Marquez, kende tabata un pionero di e genero literario Realismo Magico. E campaña di turismo ta bay hopi di acuerdo cu experiencianan magico di e Colombianonan mes y hopi unico.

ta forma paketenan di turismo di salud. Aki ta paketa e servicio di salud hunto cu e destino y por ofrece e experiencia unico aki. Por ehempel pa chekeonan medico, cu ta specifico cu incluso e clinicanan na Bogota, Medellin, Baranquilla, Bucaramanga entre otro ta participa. Cuminsando for di diahuebs, por tene e chekeo medico y pasando diabierna y diasabra por ricibi e resultadonan. Riba diadomingo por disfruta di e ciudad, por ehempel na Bogota, por disfruta di e anochinan di Bogota, cu nan gastronomia local y internacional di taya mundial. Na Medellin por disfruta di haci compras. Medellin ta un di e ciudadnan cu mas centro comercial den Latino America, cu semper tin un feria special den cada centro comercial cu ta promove moda di "alta costura". Na Baranquilla tin tur





## Desconoci ta molestia habitante

**VERANO**—Diahuebs 01.40, Central a manda polisnan na Verano pa un problema. Na e sitio polis a papia cu e muhe I, kende ta bisa cu e tin un problema caba pa un par di luna. I, ta declara cu desconocinan a bin su cas y bati porta y despues nan a core bay. E no tin ningun sospecho ta kende a haci e cosnan aki. El a wordo avisa pa ora cu nan bin bati pa e yama polis mesora.

## Choller ta cana purba drenta den establecimiento

**ORANJESTAD**—Diahuebs 02.10, Central ta manda polis na Iglesia Bida Abundante, pa un kiebro. Eynan a resulta entre 01.00 y 01.45, desconocinan a destrui un slot di porta. Segun e denunciante G, a bisa cu nan no a bay cu nada. Un rato despues, polisnan a bay na e Edificio di Corte den Emanstraat, pa un homber sospechoso. Eynan a resulta cu e mesun hendenan a mira e choller y a reconoce. Ora cu polisnan a controla nan a topa cu e conoci Pieterella. E tabatin un T-shirt oraño y jeans. E caso tin atencion di polis.

## Habitante tin molester di sushi

**SEROE PATRISHI**—Diahuebs 06.57, polisnan a bay na un cas na Seroe Patrishi relaciona cu molester di sushi. Na e sitio polis a papia cu e doño di e cas, kende ta bisa cu tur siman e tin molester di e sushinan di e cas banda di dje. Polisnan a bay papia cu e doño di e cas na banda, y e ta bisa cu en berdad tin biaha cachonan di caya ta kibra e saconan y ta laga nan bay riba caminda. Polisnan a mustre cu mes- ter ta mas responsabel cu e sushinan. El a compronde.

## Pelea den edificio di Wit Gele Kruis

**SAN NICOLAS**—Diahuebs 09.35, Central ta manda polisnan di San Nicolas na Wit Gele Kruis, pa un pelea. Na e sitio, polis a topa cu e muhe T cu ta bisa cu un rato prome el a bringa cu e muhe R, den Wit Gele Kruis.

T tabata hopi rabia. Polisnan a drenta paden y a papia cu R. e tabata keha di dolor na su cabes. E tabata hopi intrankil y tabata yora. R. a bisa cu e tin problema cu T y cu el a duna keho varios biaha. R. a declara cu e tabata sinta den e luga cu su dos yiunan. T. tambe tabata den e edificio hunto cu su muhe y ora a bay sinta dilanti R. Nan a cuminsa discuti. T. a rabia y a bay cerca R, y a cuminsa bringa cu ne. R. a declara cu e no kier duna keho. T. tabata hopi rabia y incontrollabel. Pa su mes, bon y di otro, polisnan a hib'e warda di polis pa calma. Mirando e ta hopi agresivo, polisnan a pon'e den boei.

Durante cu polisnan tabata intermedia entre nan dos, den presencia di polis, T, a dal R. dos mokete. Polis a bolbe puntra R. si e ta sigur cu e no kier duna keho, pero e no kier duna keho. T. a wordo hiba warda di Polis. Despues cu al a calma, el a compronde y a bisa cu ta pa un tempo largo e tin problema cu R. Tambe e ta bisa cu mas cu un biaha el a duna keho contra R.T. a bisa cu e tin duele locual cu el a haci. Polis a lag'e bay cas.

## Accidente entre un pickup Nissan y Nissan Platina



**ORANJESTAD -- Diahuebs alrededor di 3:30 atardi riba caminda di santo di Bushiri un accidente di auto a sosode.**

Aki ta trata di un pickup Nissan color shinishi cu a topa cu un Nissan Platina tambe di color shinishi, den e birada. E autonan a slip riba e caminda di santo ora e

chauffeurnan a topa cu otro cu consecuencia cu e pickup a dal na banda den e Nissan Platina. No tabatin ningun persona herida. □

## Homber no sa na unda e ta kedando

**ORANJESTAD**—Diahuebs 09.48, Central ta manda Polisnan na haltura di e borchí I Love Aruba, na unda tin un homber Peruano ta saca coral for di lama. Polisnan a mir'e y a yam'e diferente biaha, pa e sali for di awa, pero e ta haci manera e no ta compronde. Un rato despues e homber S.N. a sali for di awa. E tabata bisti cu un t-shirt y un carson largo. E ta bisa cu e ta bañando y e ta un turista. E ta bisa cu e ta kedando na Brickley Bay. Esaki el a bisa despues cu el a duna diferente number. Polisnan a yama e hotel y eynan, nan ta bisa cu e homber no ta keda eynan. E tabatin un saco di plastic, pero no tabatin yabi di camber ni paspoort. E ta bisa cu el a laga su maleta banda di caminda na e parada di bus banda di Brickley Bay. E no por a duna ningun adres y tabata papia bruha, pero no tabata bou di influencia. El a bisa cu e ta riba biahe di regreso pa Ecuador dia 7 di juli y ta kedando temporalmente den Hotel California. Relaciona cu esey, Polisnan a hib'e warda di Strand pa investigacion.

## Desconoci ta kibra bentana di auto

**SABANA LIBER**—Diahuebs 01.15, for di warda, polisnan ta bay na un cas na Sabana Liber pa un destruccion. Na e sitio polis a papia cu e habitante F, kende ta bisa cu dia 3 di juli 00.30, el a para su auto na yabi y a drenta su cas. Ora cu el a sali pafo e mesun dia 01.15, el a mira cu e bentana chikito patras a wordo kibra. El a controla su auto, pero no a perde nada. Polis a tuma keho di destruccion.



## Tres hoben a kibra porta y bentana di cas na Savaneta

**SAVANETA**—Diahuebs 13.09, Central ta manda polis na un cas na Savaneta pa un situacion sospechoso. Na e sitio Polis a papia cu e muhe M, kende ta bisa cu el a mira tres mucha homber desconoci y a mira nan drenta den cas di e bisiñanan. Polis a bay na e cas y a cana rond di e cas y a mira cu e bentana parti pabou tabata habri. Despues cu polisnan a sigui controla, nan ta mira cu e porta pabou tabata parcialmente kibra. Dos di e mucha hombernan ta color cla y un color scur cu cabey largo. E mucha homber cu cabey largo tabatin un T-shirt blanco. M. no por a corda e dos otro mucha hombernan.

## Muhe a cumpra celular ficticio

**NOORD**—Diahuebs 12.22 e muhe M. a bay warda di polis y ta duna keho di desfalco. E ta bisa cu el a cumpra un celular di e marca Samsung S5 y ora cu el a bay controla na Setar a resulta cu e no ta original. El kier duna keho contra e homber G. Mirando cu no tabatin Recherche na e momento ey, polis a bisa pe pasa despues na oficina di Recherche.

## Ladron ta bay cu boter di gas

**SEROE PATRISHI**—Diahuebs 17.00, e homber S. a bay warda di Polis y ta duna keho di ladroncia di su cilindro di gas. E ta bisa cu anochi el a mira e boter di gas pa ultimo biaha na e banda pazuid di su cas. Mainta el a mira cu e boter di gas no tabata ey mas. Polis a tuma su keho.

## Dos mucha muhe bringando cu otro

**SALIÑA CERCA**—Diahuebs 18.32, Central a manda polis na un cas na Saliña Cerca, pa un persona no desea. Na e sitio polis a papia cu e informante A, kende a bisa cu un grupo di hende a bin dilanti su cas y a cuminsa bringa cu e mucha muhe un tal C. El a mira C. y un otro mucha muhe bisti cu un legging y cu T-shirt oraño tabata bringando. El a bay kita e muchanan for di otro y e grupo a cuminsa manda piedra riba su cas. C. a haya algun rasca na su cara y garganta. Polis a bay na cas di e victima y a pone na haltura. Nan a wordo muestra riba nan derechonan.

## Skyline a keda kibra despues cu auto a sali su dilanti



**Skyline y un Chevrolet Suburban unda e impacto tabata uno basta fuerte.**

Polis di trafico ta yega na e sitio y ta topa cu e autonan riba caminda. Polis a constata cu e Skyline tabata riba La Sallestraat bayendo ariba y e chauffeur di e Chevrolet Suburban riba Van Leeuwenhoekstraat ta sali dal basta duro riba e Skyline.

Esaki a pone e Skyline para cabes pazuid y no tabata por a core mas, debi cu e taira a kibra y parti drechi di e auto a haya sla. □

**ORANJESTAD** -- **Leeuwenhoekstraat y La Sallestraat un accidente**  
**Diahuebs atardi na**  
**e crusada di Van di auto a sucede entre un**

## Homber ta rabia cu a kita su kabel cu e ta horta coriente

**TAMARIJN**—Diahuebs 10.52 Central ta manda polis na Tamarijn pa intermedia. Na e sitio polis a papia cu e homber C, kende a bisa cu su bisiña un cierto R, ta tilde cu el a horta un kabel cu tabata pega na e palo di luz. Segun C, ta bisa cu R, ta hortando coriente y a wordo atrapa pa personal di Elmar N.V. cu a bay cu e kabel. Tambe R a menasa C. cu morto. Polis a bisa C. pa e bay Recherche pa duna keho.

## Choller drumi riba vloer

**ORANJESTAD**—Diahuebs 05.56, Central ta manda polis den Costa Ricastraat, na unda tin un persona drumi riba vloer. Na e sitio polis a topa cu Delia. Polis a scual Delia formal y a core cu ne for di e sitio.

## CLASIFICADO

### FOR RENT

2 bedroom, poolside at  
**LA CABANA**  
July 26 - Aug. 2, 2014 and/or  
Aug. 2 - Aug. 9, 2014  
Tel. 583-0488 / 593-3176

202305

### Servicio

#### Auto Bieu

nos ta piki tur sorto di auto bieu, completamente GRATIS tambe nos ta piki airco, bateria, stoof, wasmashin, fridge, etc.

Yama nos na  
Telf: 561-4297 / 592-576

202302

**HITESS**  
HIGH TECHNOLOGY SALES & SERVICE B.V.

**COMBI ARIALDO**  
A member of HITESS group

**Tur loke mester pa instala porta di cura**

**WOW!**

**Chagüé**  
**Pat**  
**SPECIALS**

**OPENING HOURS:**  
MON THRU FRI  
8.00AM-5.30PM  
SAT 8.00AM-12.00PM  
SUN CLOSED

Address: 124  
Droogdijk, Aruba  
Phone: (297) 588-1966  
Fax: (297) 588-5895  
Website: www.hitecs.com

## APRECIABLE CLIENTE

Nos ta desea di informa cu nos compania a muda di:  
**Aruba Caribbean Cargo Inc.**  
7935 N.W. 67 ST  
Miami, FL. 33166  
U.S.A.

Pa e siguiente adres:  
**A.C.C. Inc.**  
**1692 N.W. 82 AVE,**  
**Doral**  
**FL. 33126**

**TELEFOON CU FAC A KEDA MESCOS Tel: 305-591-2772**  
Fax: 305-5912787 Email: adres: accila@hotmail.com of  
Lila@arubacaribbeancargo.com

Entrante dia 1 July, 2014 nos lo atende tur carga y telefoon na e adres nobo.

Danki pa boso confianza den nos compania  
Lila de Cuba  
Directora



# Angeline Maduro a ricibi su bul na Universidad



**ORANJESTAD -- Angeline Maduro a ricibi su bul na e facultad di Ley di Universidad di Aruba.**

Esaki a sosode despues cu el a defende exitosamente su tesis “De vervallenverklaring van

het recht van erfpacht”.

E comision di examen tabata consisti di : mr. dr. J. Israël,

mr. dr. C.J.M. Bollen, y mr. K.M. Van den Heuvel-Obergh. Na final mr. Bollen a haci entrega di e diploma na

Angeline Maduro. Diferente miembro di famia tabata presente pa felicita Angeline cu su logro. □

## Exposicion di dos hoben Roseidys Primera y Denzel Ellis na UNOCA

**ORANJESTAD -- Un publico grandi consistiendo di specialmente hobennan a asisti na apertura di e exposicion di Roseidys Primera y Denzel Ellis den sala di exposicion di UNOCA. E dos hobennan cu talento a acerca UNOCA pa yuda nan cu un exposicion di nan trabou di arte. Roseidys cu su potretnan di naturalesa y expresion y Denzel cu su arte di pintura den un forma digital.**

UNOCA a sostene e peticion di e dos hobennan pa nan creatividad, nan ehempel pa otronan y tambe pa reconoce artistanan local.

Ambos hoben for di chikito ta ocupa nan mes den nan tempo liber cu arte: Roseidys a asisti na diferente tayer y tambe ta baila. Actualmente e ta tuma tur su tempo pa saca potret, specialmente den naturalesa. Denzel for di chikito ta pinta y a asisti tambe na varios curso di pintamento te cu el a logra desaroya su propio es-



*Lotto di Aruba ta paga pa vakantie bon mereci*

## Fiel hungado di “Lotto di Dia” a gana 111.008 florin

**ORANJESTAD -- E hungado Delia de F. a cumpra su ticket di Lotto di Dia na Margaritha's Lottery. E dia ey, 17 di Juni 2014, tabata su dia di suerte ya cu e numbertan cu el a cumpra 03-06-08-14-24 a resulta ganado.**

Delia de F. a gana nada mas y nada menos cu 111.008 Florin. E numbertan aki ta e fecha natal di famia y Delia ta gusta hunga diferente combinacion di esaki.

Delia ta un fiel hungado di e wegá di Lotto y Lotto di Dia en particular. E ta gusta e wegá aki masha hopi mes y pesey semper e tin su liña na awa.

Delia a duna di conoce cu e lo uza parti di e placa pa bay cu vakantie y e resto e lo pone un banda mientrastanto. Hopi pabien na Delia y disfruta di bo vakantie mereci.

Lotto, e loteria di Aruba tin 8 diferente wegá; Catochi, Big 4, Zodiac, Wegá di Number Corsou di Lotto, Lotto di Dia, Lotto 5, Mini Mega, y Raspa y Gana. Cumprando Lotto bo ta contribui na deporte riba nos isla. Meta di e fundacion ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio. □

tilo. Recientemente tur dos a gradua na VWO Colegio Arubano y proximamente lo sali pa Hulanda pa sigui studia. Presidente di UNOCA Sra. Nilda Koolman a expresa cu UNOCA ta semper dispuesto pa yuda hobennan presenta nan obranan pa publico ya cu ta un muestra cu tin hoben ta scoge pa un pasatempo sano y nan por comparti nan creacion cu otronan.

Ya caba den pasado UNOCA a organisa exposicion di varios hoben. Esfuersonan di mayornan y docentenan pa stimula e hobennan ta hopi importante pa e mucha por desaroya na un manera sano, segun e presidente.

Sr. Ferdinand Franca a describi e talento di Roseidys



kende e conoce for di chikito y ta forma parti di e grupo di baile The Sunrise Dancers. Anuesca Baly, docente na Colegio Arubano, tambe a repasa e trayecto di Denzel Ellis como estudiante y un hoben cu talento for di chikito. E exposicion ta keda

habri pa publico te dia 15 di juli proximo durante oranan di trabou di UNOCA y tur hende ta bon bini pa aprecia e obranan di dos hoben Arubano. Tambe tin posibilidad pa cumpra un obra pa sea e coleccion na cas of pa trabou. □



*Booshi Wever, lider di UPP*

## Mike Eman mester entrega retiro di su gobierno

**ORANJESTAD - Dia-bierna 4 di juli 2014 lo ta wordo marca den historia di pais Aruba como e dia cu Mike Eman, mescos cu su welo Henny Eman den pasado, no solamente a entrega nos autonomia financiero na Hulanda, pero tambe a percura pa entrega parti di nos dignidad y orguyo na Hulanda. Mike Eman den 5 aña di su gobernacion a redobla e debe nacional y a permiti pa e deficit aumenta te cu 6% di e GDP. Esaki tabata motibo suficiente cu hasta su “bon” amigo Hulanda a hay’e obliga pa interveni publicamente.**

E accion di Hulanda no ta algo usual den politica ya cu normalmente ta trata di yega na un acuerdo “binnenkamers”, pero probablemente e cambio den e postura di e gobierno Hulandes tin di haber cu e hecho cu e no kier kima su man cu e desaster financiero di Aruba. Nos no mester lubida cu e posicion politico di e gobierno Hulandes ta fragil na su propio pais ya cu e no tin un respaldo mayoritario den Tweede y Eerste Kamer y e no por permiti su mes un scandal mas den e Islanan den Caribe. E partidonan opositor na Hulanda ta basta critico pa e

problemanan den e Islanan y no lo acepta ningun ayudo financiero di Madre Patria manera a sosode cu Corsou y St. Maarten.

Un otro motibo pa e cambio di postura di Hulanda tin di haber cu e hecho cu awor aki oficialmente Mike Eman a percura pa Hulanda a podera di nos autonomia. Hulanda semper a considera nos Status Aparte un molester. Aruba tabata wordo mira como e “stoute jongen” cu tabata utiliza e derechonan adkiri door di e Status Aparte den e Reino Hulandes pa no cumpli cu e exigencianan Hulandes. Pero e situacion a cambia despues di cu Hulanda a logra doblega e resistencia di e otro Islanan den Caribe na 10-10-10 y a yuda e gobierno di Mike Eman bin na mando na 2009. Hulanda porfin a haya e oportunidad di mete directamente den nos gobierno.

Riba 4 di juli e gobierno Hulandes a yega na un acuerdo supuestamente mutuo y a base voluntario di parti di Aruba pa haci un investigacion independiente door di expertonan cu experiencia den e tareanan similar dentro di reino Gobierno di Aruba lo adopta e eventual recomendacionnan di e rapportnan

investigacion pa cambianan adicional pa presupuesto 2014 y/o e presupuesto pluria anual y lo presenta esakinan na Parlamento di Aruba.

Un amigo a yega di bisa mi cu Mike Eman tin e don di hasta bende santo na e habitantenan di Sahara. Mike Eman ta trata di bende e intervencion humillante aki di Hulanda, cu en realidad ta un berguensa nacional y particularmente pa su persona como politico, como un acto cu su gobierno a palabra a base “voluntario.”

Pero pa esunnan cu ta lesa “tussen de regels door” e acuerdo aki cla y raspa ta duna Mike Eman di conoce cu e tin di dobla warda y cu no tin otro opcion cu acepta sin mas e recomendacionnan di e ekipo di investigacion.

Den mi vocabulario esaki pa ami ta nada mas y nada menos cu Hulanda a impone un “Commissie Financieel Toezicht (CFT)” na e gobierno di Aruba, mescos cu Hulanda a institui na Corsou y St. Maarten, pero a dun’e un otro nomber. Mike Eman a percura den 5 aña pa buta Aruba bou curatela y entrega su autonomia financiero. No tin otro splicacion. Pero den e mes un rosea Mike Eman a acepta cu su minister di fi-



nancia y su expertonan financiero a haya un “brevet van onvermogen,” pasobra otro “expertonan cu experiencia den e tareanan similar” lo bay haci e investigacion di nobo. Ki berguensa tambe pa e 13 marionetanan di AVP cu a permiti pa laga e organo mas halto di nos Estado di Derecho wordo hala un banda. Danki Dios cu nos tin hendenan integro y capaz manera nos gobernador sr. Fredis Refunjol y e organonan consultativo manera Raad van Advies y Algemeen Rekenkamer cu no a doblega pa e critica infunda y intimidacion di Mike Eman y su 13 Alibaba den parlamento. Pero ami ta considera inaceptabel cu e mesun hendenan cu a entrega nos autonomia door di hiba un maneho financiero desastroso, lo ta e

mesun hendenan cu mester bay ehecuta un plan di rescate. A wordo demostra den e ultimo 5 aña cu Mike Eman y su gobierno no ta capaz pa eherce un gobernacion segun e reglanan y normanan di “good governance.” Mike Eman no conoce otro forma di procede cu no ta basa riba engaño, intimidacion y demagogia.

Mike Eman mester sigui e chempel di Juan David Yrausquin y entrega retiro di su gobierno y laga pueblo dicidi e destino di Aruba di un forma imparcial. Laga nos pueblo recupera atrobe su dignidad y orguyo manera a tuma lugá 1 di januari 1986 ora a celebra e Status Aparte cu hisamento pa prome biaha di su bandera bou di e presentacion di su himno. □



*Karel Maduro di MEP*

## Mike, Busje komt zo!

**ORANJESTAD - Pueblo di Aruba, e responsabilidad di un politico cu ta stima su pais y kier pa esaki bay den un direccion prospero pa un y tur, ta pa informa y alerta e pueblo debidamente.**

Di e manera aki, ningun hende por bin cu manipulacion y mentira na e pueblo, perhudicando e pueblo sin cu e pueblo por defende su mes di antemano.

Den pasado partido AVP a hiba un campaña feroz contra e gobiernonan di MEP, bisando “Busje komt zo”. Muy probablemente nan tabata kiermen cu Hulanda ta

bay bin pa investiga, castiga y pone e gobierno bao curatela. E impresion aki AVP a purba implementa den e mente di e pueblo di Aruba, p’asina influencia e pueblo, di cu AVP si ta apto y digno di e confianza di pueblo. Awor e cartanan a cambia!

Gobierno Hulandes despues di a compronde cu loke sr. Eman y sr. Yrausquin a priminti nan pero no a logra cumpli cu e palabracionnan, te hasta ta categorisa e situacion financiero na Aruba como desastroso (storm). E deficit 2014 no a baha te na 3% di e GDP di Aruba. Awor NCR a publica cu e deficit ta alrededor di 6% di e GDP. GDP ta e balor den placa, di tur loke ta wordo produci como producto final y servicio duna den un pais, esta e entrada total.

Tambe Hulanda a mira y compronde e biaha aki si, cu

e debe nacional di pais Aruba ta na 75 por ciento di e GDP. Siguramente loke a haci Hulanda su fuse bula ta cu nan no ta mira e posibilidad di recuperacion di e situacion den e maneho di gobierno di AVP, bou liderazgo di e persona cu a desaparece, sr. Mike Eman. Prueba di esaki ta cu gobierno Hulandes a propone pa manda sr. Frans Weekers, kende tabata secretario di estado di Financia di Hulanda. E pret ta si cu sr. Weekers ta wordo kita for di e posicion aki door cu su persona a faya den trece solucion na problemanan den e departamento di belasting na Hulanda. Porta pa Aruba si e ta bay sirbi como cu esaki ta un “kleinschalig probleem”. Hulanda sin embargo en realidad ta tene misericordia di Aruba. Dicon?

Pasobra sr. Weekers ta wordo manda pa haci investigacion

pa purba desvia, hala un banda e ponencia di Hulanda di pone un control financiero permanente, style di Corsou y St. Maarten. Esaki ta nada nobo pa Hulanda, ta djis bisa Rijkswinsterraad tin di bisa cu esaki mester sosode y esey lo ta haci tambe. Punto final. Ainda despues di e investigacionnan di sr. Weekers, Hulanda por dicidi di manda cos bay stoba den curpa di gobierno di sr. Mike Eman. Hecho ta, cu si sr. Gobernador firma e presupuesto aki, ta pasobra cu Mike Eman mester a tuma e condicion di supervision preliminar aki for di Hulanda.

Sin cu Mike Eman a acepta e condicion di Hulanda, hamas sr. Gobernador lo wordo instrui y podera pa firma cualkier presupuesto manipulado di e gobierno actual. Un cos si, den arrogancia gobierno di AVP lo bisa: “Gobernador

mester a firma”. Pregunta cardinal: Kico lo bira di e conclusion di e investigacion di sr. Weekers? Aruba lo scapa di e supervision financiero permanente? Ken lo wordo castiga pa e gastamento di tanto placa asina? Weekers lo mira e sumanan comprometi di e proyectonan di PPP? Weekers lo prohibi gobierno di Mike Eman di bini cu un “suppletoire begroting” mas den aña? Lo pidi gobierno di Mike Eman pa bay cas y no bolbe nunca mas?

Un cos ta sigur, pa e gobierno di Mike Eman incluyendo e 13 parlamentarionan, e lema di “busje komt zo” ta aplicabel sin cu tin ningun Super Baba pa para esaki! Un Hulandes bisti na berde ta na stuur y ta un tal Mehranin ta bay pasa e gobierno di Mike Eman e hangua di eutanasia. Pueblo lo puntra Mike: e ta haci dolor? □



*Evelyn Wever-Croes*

## Menasa di Baba Herdé riba gobernador ta inaceptabel

**ORANJESTAD - Lider di MEP Evelyn Wever-Croes durante conferencia di prensa di MEP a condena e atakenan orkesta pa partido AVP contra Gobernador di Aruba, atakenan cu a cuminsa door di Lider di Fraccion di AVP sr. Baba Herdé.**

"Nos a tuma nota di e menasa di sr. Baba Herdé den direccion di Gobernador, y nos ta

condena e menasa ey y e tono di sr. Herdé. Awo AVP kier tira culpa riba Gobernador pa e crisis cu nos ta aden. Esaki ta un acto di cobardia. Sr. Herdé mester stop di bruha tera, y sigur no hinca Gobernador memey di asuntonan politico baho.

Sr. Herdé mester sa cu Gobernador no ta un instrumento politico, Gobernador ta para na cabes di Gobierno

di Aruba y ta representante di Rey Willem Alexander. E tono di sr. Herdé ta un falta di respet grandi contra Rey Willem Alexander.

Gobernador ta para ariba di tur asunto politico cu tin, y ta hopi baho di AVP pa ataca Gobernador di e forma aki. Por a nota cu ya AVP a cuminsa manda su hendenan pa ataca Gobernador na radio y den corant, y esaki ta actonan

baho. Na e momentonan aki di crisis nos pais mester di lidernan cu por yuda nos sali di e crisis aki, nos pais no mester di hendenan cu ta bruha tera y ataca esunnan cu no ta responsabel pa e crisis. Si sr. Baba Herdé y esunnan manda pa AVP kier culpa un hende, culpa Mike Eman ya cu e ta e unico persona responsabel pa e crisis cu nos ta aden", lider di MEP a duna di conoce. □



*Lider di fraccion di AVP, René Herdé*

**“Awo nos ta wak ken ta para pa interes di Aruba y ken ta laga Aruba cay”**



**ORANJESTAD - “Den henter nos historia hendenan di diferente pensamiento politico y di tur gremio y sector di nos pais, a para na defensa di nos pais ora ta toca interes nacional di nos pais. Nunca nan a maluzá un situacion di conflicto pa saca probecho politico.**

Den e diferencia di opinion serio entre Gobierno di Aruba cu Gobierno di Hulanda sin embargo nos ta wak cu MEP a scoge pa laga interes di Aruba y cumplimento cu Constitucion di nos pais cay, den speranza pa saca probecho politico partidista. Awor nos ta wak ken ta para pa interes di Aruba y ken ta laga Aruba cay na momento critico. Awe nos ta wak ken ta entreguista.” Esaki tabata un declaracion cu René Herdé a haci awe despues di a tende otro serie di declaracion di e lidernan di MEP riba e situacion di diferencia di punto di bista riba e maneho financiero-economico di nos pais cu

tin entre gobierno di Aruba y gobierno di Hulanda.

### **Constitucion y statuut**

Segun René Herdé e echo cu ainda no a firma e presupuesto cu parlamento di Aruba a aproba siman pasa, ta no cumpli cu Statuto di Reino y cu Constitucion di nos pais. Segun Statuto, cu ta e ley mas halto di Reino, financia publico ta un asunto interno di nos pais. Ta p'esey nos a lucha pa Status Aparte y kibra cu e historia cu ta otro nan tabata dicidi kico Aruba por haci y cuanto placa Aruba por haya.

Segun Statuto y Constitucion di nos pais, gobierno Hulandes no por mete den financia publico. Nan por tin un opinion diferente cu nos aki na Aruba. Pero nan mes-

ter atende esey cu gobierno di Aruba. Pero nan no por mishi cu e presupuesto of cu financia mes. Constitucion di Aruba ta fiha cu parlamento di Aruba ta e unico instancia cu tin e autoridad pa aproba of cambia e presupuesto.

Niun otro instancia den Reino of na Aruba por haci esey. E rol di gobernador como hefe di gobierno di Aruba ta pa duna e ley forsa legal door di firma esaki. Mescos cu ta su tarea y autoridad pa firma tur otro ley di nos pais. René Herdé: “Ora mi tende e lider di MEP, cu ta un hurista, bisa cu ami no sa kico mi ta papia, mi tin cu conclui cu e ta di acuerdo cu ta viola Statuut y Constitucion di Aruba pa mete den asunto cu ta autoridad di Parlamento di Aruba. Mi tin cu pidi e, cu aparente-

mente si ta compronde ley, pa splica pueblo unda ta poni cu Hulanda tin e autoridad pa mete den algo cu segun Statuto no ta un asunto di Reino pero un asunto interno di nos pais. Sra. Evelyn Wever-Croes mester splica pueblo ta dicon e y MEP ta sostene Hulanda pa actua contra interes y Constitucion di nos pais.”. Finalmente René Herdé a bisa cu for di 2009 a traha pa restaura bon relacionnan cu Hulanda. Y a logra. Awor cu a logra esey, no lo laga e diferencia di opinion serio aki cu e gobierno actual di Hulanda, dañá e bon relacion cu tur instancia y organizacion politico, social, educativo y comercial na Hulanda. Tampoco lo permiti pa actua contra di Statuut y Constitucion di Aruba. □

*Parlamentario mr. Xiomara Ruiz-Maduro:*

## Gabinete Eman y su parlamentarionan ta crea un crisis constitucional

**ORANJESTAD - Siman pasa e mayoria den Parlamento di Aruba na un forma rapido a aproba e Presupuesto 2014 sin tene na consideracion e consejo y preocupacionnan di Raad van Advies y oposicion.**

Fuera di esaki e mayoria den Parlamento a bay ciegamente tras di Gabinete Eman y no a tene suficiente na cuenta e palabracionnan cu Minister Yrausquin a haci den Consejo di minister di Reino cu Hulanda recientemente. Tur esaki a pone cu Gobernador den representacion di Hulanda a nenga di firma e Presupuesto 2014 y di e forma aki Gabinete Eman y su parlamentarionan ta crea un crisis constitucional entre Aruba y

Hulanda. Ta conoci cu Gabinete Eman no por a caba di hinca Presupuesto 2014 den otro y a entrega esaki 10 luna mas laat cu ley di Compatibilidad ta prescribi na Parlamento. Ora cu ta na Parlamento, e Presidente di Parlamento a opta pa core yama reunion pa trata e presupuesto sin duna tempo suficiente pa e Parlamentarionan por repasa e documentacion, haci pregunta y prepara pa e debate publico debidamente.

Durante e debate publico mes poco tabata e Parlamentarionan cu a tene na cuenta e consejo extenso cu Raad van Advies a duna riba e contenido y e consecuencianan cu e aprobacion di e Presupuesto

2014 lo trece cune. Entre otro, e falta di transparencia di Gabinete Eman pa locual ta trata e cambionan cu nan ta propone pa APFA y AZV no a wordo cuestiona pa e mayoria den Parlamento. E mayoria tampoco tabata tin oido pa e solucion proponi pa Raad van Advies pa despues cu e presupuesto keda trata pero prome cu pasa pa votacion, pa Raad van Advies tira un segundo bista riba e presupuesto pa asina segura cu e presupuesto aki ta cumpli cu tur requisito den ley y principalmente cu e diferente palabracionnan haci cu Hulanda.

Tur esaki a pone cu Hulanda no por a keda man crusa y laga Gabinete Eman y su parlamentarionan haci deshaci di e forma aki cu e conse-

cuencia cu Gobernador den representacion di Hulanda a nenga di firma pa e Presupuesto 2014 por bira ley y keda ehecuto. Di e manera aki un crisis constitucional ta keda crea entre Aruba y Hulanda.

Mester remarca cu e mayoria den Parlamento a cera nan wowo y a bagatela e consecuencia di e acuerdo cu Minister Yrausquin a yega na dje cu Hulanda riba Presupuesto 2014. E mandatario a acorda cu Hulanda cu e Presupuesto 2014 lo ta cla pa 1 di mei 2014, cu concepto di e presupuesto di 2015 te cu 2017 conteniendo tur extra medida lo ta cla y cu lo tin un supervision financiero di un instancia independiente. Pero

Gabinete Eman no a cumpli cu e palabracionnan aki y e mayoria den Parlamento no a ni cuestiona esaki. Al contrario, e mayoria hasta a bay asina leu di no existi pa wak e correspondencia entre Minister Yrausquin y Hulanda y a opta pa bay ciegamente tras di e palabra di e Ministernan di Gabinete Eman.

E falta di seriedad di e mayoria di e Parlamentarionan den atende cu e palabracionnan aki tambe a contribui cu awe nos mester enfrenta un crisis constitucional. E ta di lamenta cu awor ademas cu nos tin un crisis financiero, nos Pais ta conoce un crisis constitucional danki na Gabinete Eman y su parlamentarionan. □



## My Head's Exploding



MAUREEN DOWD

© 2014 New York Times

WASHINGTON - W. cut off Dick Cheney.

Why can't we?

Who would have thought that Iraq imploding would give the mountebanks who tricked us into war a chance to rear their heads and seek rehabilitation - somehow grabbing onto the hellish spiral as proof that they were right in their original wrongness?

But, then, they did always create their own reality spun from grandiosity.

They are shamefully showcased on cable TV, which has so much airtime to fill that it doesn't care if it's hot air. They are once more pounding on the fear button and warning that America needs to attack or risk being emasculated by Middle Eastern terrorists. Doesn't Vice know that most Americans, especially the Bushes, cannot stand his demented scaremongering anymore? Even Fox News anchors are now pressing him with skeptical questions about the war.

Asked by Fox's Elisabeth Hasselbeck if he thought we "could be on track for something worse than 9/11," Cheney replied, "I think that's a possibility."

He's always busy predicting another 9/11. Too bad he and W. ignored warnings about the first one. Cheney is not only responsible for Iraq melting down and Afghanistan being mucked up. He can also claim credit for so exhausting John Wayne's America that a skeptic on military intervention, Rand Paul, is a credible candidate for the Republican nomination.

That causes the man without a pulse to pulsate with bile. Shooting Paul in the face, Cheney told Fox: "The Republican Party traditionally has had the reputation as the go-to guys with respect to national security, and we want to reclaim that mantle for the party."

Darth Vader is campaigning for validation with his cowboy hat and "Sith apprentice," as Jon Stewart calls Liz Cheney. Liz acted in her failed Wyoming Senate bid as Dick did with the globe: swaggering and pre-emptorally blowing off allies and foes. So she has her own fences to mend if she wants a career in politics.

Their idea of a charm offensive is to growl and spit and create something called The Alliance for a Strong America, a group demanding a more chesty foreign policy in a statement redolent of the manifesto that neocons and other Republicans waved back during the Clinton administration. Speaking

to Fox News' Megyn Kelly and to conservative radio host Chris Salcedo, Liz blamed President Barack Obama for the chaos wrought by her father and W., basely claiming that he was intentionally trying to weaken America.

When Bill Clinton said on NBC's "Meet the Press" that it was "unseemly" for Dick Cheney to attack the Obama administration "for not doing an adequate job of cleaning up the mess that he made," the venomous Liz tweeted "@billclinton calls Dick Cheney 'unseemly.' Well, I guess he would know." (Not much of a denial by Liz.)

The creepy comeback scenario is playing out with the Cheneys, Paul Wolfowitz (who absurdly rejects the moniker of "architect,") Bill Kristol, Paul Bremer, Robert Kagan (who prefers the term "liberal interventionist" to "neocon") and Elliott Abrams (who actually had the chutzpah to write a Politico Magazine piece about Obama titled "The Man Who Broke the Middle East"). As a cherry on top of our \$3 trillion disaster, there on the front page of The Times on Tuesday was Ahmad Chalabi, the neocons' cagey partner in fakery and initial choice to replace Saddam Hussein.

"He took millions of dollars from the CIA, founded and was accused of defrauding the second-biggest bank in Jordan and sold the Bush administration a bill of goods on weapons of mass destruction in Iraq," Rod Nordland wrote.

Yet now Chalabi is a serious candidate for prime minister.

In his book about Chalabi, "Arrows of the Night," Richard Bonin, a "60 Minutes" producer, wrote this about the secular Shiite who managed to manipulate Washington into getting rid of Saddam, thinking he could return and take his place: "There has never been a foreigner more crucially involved in a decision by the United States to go to war than Chalabi."

When Bonin asked Chalabi who used whom, in his unholy alliance with the neocons who later scorned him, he answered: "It was a commonality of interest, a convergence of conceptions about the future."

Just when you thought our wreck in Iraq could not get any more sultry, The Times' James Risen revealed that a State Department inquiry into the out-of-control Blackwater protection brigade was stifled by U.S. diplomats in Baghdad and then abandoned after Blackwater's top manager threatened "that he could kill" the government's chief investigator and "no one could or would do anything about it as we were in Iraq."

Asked on HuffPost Live on Tuesday whether Cheney was immoral or amoral, Lawrence Wilkerson, the regretful former aide to Colin Powell, replied amoral.

"Immorality is something that can be ferreted out, checked and balanced," he said.

Amorality is an altogether different affair, especially when you're exploiting the politics of fear in order to carry out state purposes, which is what Dick Cheney's forte is.

At least the neocons finally found the WMD - warped mouthy discourse. □



## Why the Fate of Ukraine Matters



THOMAS L. FRIEDMAN

© 2014 New York Times

You can't make this up. The Guardian reported on Sunday that Ukrainians have crowdfunded the first "people's drone" to help their army stem infiltration by Russian-supported rebels in Ukraine's eastern provinces that border Russia.

"Last week, Ukraine's crowdfunding site 'The People's Project' said that it had received enough donations to fund a drone," The Guardian reported. "The organizers had originally hoped to buy a state-of-the-art Israeli drone - for \$165,000 - or a cheaper American one costing \$120,000. In the end, however, they managed to build the drone for just \$35,000. A designer and other volunteers built the airframe, with a Ukrainian military institute chipping in technical equipment."

Good for them. The fate of Ukraine matters - as much, if not more, as Syria and Iraq. We don't have to search for "moderates" in Ukraine. Millions there have already both fought for and voted to align their country with the free markets and free people of the European Union. In Brussels on Friday, the newly elected Ukrainian president, Petro Poroshenko, signed a trade pact with the European Union that will lower tariffs on Ukrainian exports to the 28-nation EU market in return for Ukraine implementing anti-corruption, transparency and quality-control reforms designed to bring its economy up to Western standards. It was the same deal

that Poroshenko's predecessor, Viktor Yanukovich, refused to sign last November under pressure from President Vladimir Putin of Russia. That set off the revolution in Kiev's main square that eventually toppled Yanukovich and ignited a rebellion by Putin-directed separatists in eastern Ukraine. Which is why only hours after the deal was signed, Russia's deputy foreign minister, Grigory Karasin, was quoted by the Interfax news agency as ominously warning that the EU-Ukraine accord would have "serious consequences."

Really? Think about that. One nation threatening another for signing a trade pact in hopes of elevating the incomes of its people, which have badly lagged those of its neighbors, like Poland, who joined the European Union after the collapse of the Soviet Union. I get that the Russians would not want Ukraine to join NATO, a defense alliance still aimed at containing Russian power. I opposed NATO's expansion at the end of the Cold War and would not support it now.

But a trade deal that doesn't even lead to automatic EU membership? Is this how Russia maintains its power status? By keeping its neighbors poor and energy-starved? I had argued in May that Putin had "blinked" when, in the wake of Western sanctions and the threat of more, he pulled back troops from Ukraine's border where he had massed them - hoping first to block Poroshenko's election and then the signing of the EU deal. But maybe Putin just winked. While he did not invade, he has shoveled arms and proxies into eastern Ukraine to foment separatism in Russian-speaking areas. Today, Poroshenko - fed up with Putin's Goebbels-quality lying - moved forces to regain control of eastern Ukraine and his country's right to choose its future. Putin is clearly afraid of more sanctions. It is time the U.S. and EU imposed them.

In denying Ukrainians the right to

choose their own economic and political path, Putin shows how dumb and clever he is at the same time. He is dumb in believing that, in this connected world of newly empowered citizens, he can enjoy the same "sphere of influence" that Russia had in Central Europe in the days of the czars. Sorry. If a leader wants to have a sphere of influence today - in this age of "people of influence" - he either has to earn it by how he behaves or take it all by force. In Ukraine, Putin is in incapable of the former and - for now - doesn't dare do the latter. The czars never had to deal with people of influence who could crowdfund their own drone. But Putin is also clever. Or as Russian analyst Vladimir Frolov put it in The Moscow Times: "President Vladimir Putin may fail to secure his goal of derailing Ukraine's association agreement with the EU, but at home he has already cashed in on his Ukrainian political strategy by completely resetting Russia's national conversation."

His principal achievement has been to eliminate any meaningful debate on alternative futures for Russia. Less than a year ago, there was still political space to advance democratic alternatives to Putin's system." However, the Russian seizure of Crimea and its proxy war in Ukraine, added Frolov, "transformed the national conversation from a healthy debate on Putin's presidential performance into a toxic discussion on war and Russia's enemies."

Moscow's propaganda has successfully painted Ukraine's popular uprising against state capture by a corrupt clique as a "U.S.-sponsored fascist coup." Therefore, if Putin "is fighting Nazis in Ukraine, then by extension anyone who disagrees with him could be a Nazi collaborator and an enemy of Russia."

This closes the political space for all alternative visions for Russia except as a revisionist empire hostile to the West." □



*Parlamentario Omayra Leeflang tabata fuerte den su ponencia:*

## “Mester prohibi Pueblo Soberano nombra un minister na SOAW”

**WILLEMSTAD - Parlamento independiente Omayra Leeflang ta haya increybel loke ta pasando den seno di Pueblo Soberano cu nombramento di minister. Como consecuencia di esaki, no tin consistencia di maneho.**

“Ami ta propone pa prohibi Pueblo Soberano pa nombra un minister nobo pa e cartera di Labor, Desaroyo Social y Bienestar. E ta auto destructivo. E ministernan no ta sobreviví 4 aña”, asina Leeflang a anuncia ayera durante e reunion di parlamento pa destitui minister Jeanne Marie Fransisca.

Leeflang, igual por cierto cu hopi otro colega parlamentario, tabatin un solo pensamiento den henter e asunto aki. Bo no ta haci e cos aki cu hende, e la duna di conoce. E la haci un distincion si entre Jeanne Marie Fransisca como minister y Jeanne Marie Fransisca como mandatario.

“Minister Fransisca nunca a haya mi confiansa pa e maneho cu e ta hiba, anto e no ta bay hay’e awor aki tampoco.

SOAW no merece esaki tampoco”, e la bisa.

E la muestra cu ta notabel cu dia 23 di juni ainda, apenas 11 dia anterior, e minister tabatin confiansa di e mesun partido cu awor ke bah’e. Ta kico a pasa anto? e la puntra. Leeflang a splica, cu e ta kere cu ta paso no awe tin un reunion publico pa trata e di dos buelta di hustamente un reunion cu minister Fransisca riba SOAW. Como den di dos buelta no por presenta un mocion, si no a canta esey for di prome buelta, mester a trata e asunto aki for di ayera.

### Leeflang a recomenda

Leeflang a recomenda e minister, pa no permiti cu su partido ta pas’e den loke e tabata pasando aden.

“Si ta ami tabata consehero di e minister aki, ami lo a recomend’e pa no pasa den e trauma aki.

E minister no merece esaki. Es mas: SOAW tampoco merece. Ami ke propone pa prohibi Pueblo Soberano pa nombra un candidato pa e puesto di minister.

Pone e cartera na disposi-



cion, bou di curatela di 21 parlamentario cu como parlamento ta scoge un minister pa SOAW. Nos e ora ey, lo percura pa cos cana bon den e ministerio aki”, Leeflang a bisa.

E la bisa, cu ta p’esey e no ta kere den e trayecto di Reforma di partido MFK.

Imagina bo cu Pueblo Soberano gana eleccion bou di Reforma. Dios spaar nos di e situacion, paso e ora ey ta poder total nan tin.

E la adverti otro ministernan di ta e siguiente den rey. Minister Irene Dick? Minister Ben Whiteman?, e tabata

ke sa.

Parlamentario Armin Konket di partido PAR a lamenta e forma cu cos a bay.

Den tur loke nos ta haci, tin regla y procedura.

Nos tabatin semper hopi problema cu funcionamiento di e minister. Pero no ta cu e minister so, cu henter e gabinete, e la bisa.

Di otro banda, tin reglanan di decencia y procedura cu mester tene cuenta cu ne. Anto regla ta bisa, cu e minister mester por defende su mes. Nos ta lamenta cu e no a haya chens di haci esey, Konket a splica.

“Hasta den guera tin regla. Hasta ora bo captura un preso di guera, bo ta tene cuenta cu derechonan cu e tin”, segun e parlamentario.

### Kico e crisis realmente ta?

Parlamentario Gerrit Schotte, lider di fraccion di MFK a puntra kico e crisis realmente ta.

“Ta un crisis den e ministerio of den seno di Pueblo Soberano.

Ta henter gobierno mester bay cas, no e minister so. Nos tin un crisis den pais. Econo-

mia ta mal stanca, minister di Economia cada rato ta drenta avion bay afo, hopi biaha laga parlamento warda.

Nos tin un desempleo di mas cu 10 mil hende. Of ta asunto cu a pidi e minister pa firma cierto cos anto e no kier a firma? Schotte a puntra.

E la recorda con minister Rubia Bitorina mester a baha, pa motibo cu e no kier a firma cierto documento en conexion cu entrega di lechi na scol. Minister Bitorina a bay sin papia.

E minister aki sinembargo a proba di no ke bay sin papia prome, e la muestra.

Schotte a recorda e minister, cu maske nan bah’e cu mocion di desconfiansa, e ta keda minister te ora gobernador firma su retiro.

E la recomenda e minister pa bay conferencia di prensa y conta tur cos.

Schotte a denuncia ademas cu tin informacion cu a menasa e minister Fransisca, cu lo sac’e for di parlamento na mal ordo, si e exige pa papia of si e strob’e curso di e reunion. □

*Minister Irene Dick ta bek den parlamento augustus awor:*

## Gobierno a pone 16 miyon pa drecha Centro Pro Arte

**WILLEMSTAD - A base di documentonan cu a ser revela ayera den parlamento, tin mester di 16 miyon pa drecha Centro Pro Arte. Pero te con leu esaki ta un suma basa riba verdad ta keda un pregunta, como cu e reunion di parlamento pa papia riba Centro Pro Arte a keda pospone te augustus binidero, despues cu minister di Enseñansa, Cultura y Ciencia Irene Dick, a pidi tempo suficiente pa prepara e contestanan, pero tambe, pa haya documentacion riba e tema cu e no ta na altura di dje.**



Parlamento ta bay cu reces di aluna awor y ta bek den funcion 8 di augustus awor, loke ta nifica pues, cu e minister lo ta bek den parlamento despues di 8 di augustus awor.

Tabata fraccion di MFK cu a pidi e reunion pa papia si ta bay renoba,-y con leu e pro-

ceso ta pa restaura Centro Pro Arte.

Notabel tabata e hecho, cu varios parlamentario a muestra cu mucho mas importante pa para keto na un maneho di cultura pa Corsou i no limita e discusionnan na solamente e edificio di Centro Pro Arte. Fraccion di PAIS a bisa en-

faticamente, cu nan ke papia riba cultura den tur su aspectonan, na lugá di bay discuti riba Centro Pro Arte so.

Ironia ta sinembargo, cu e agenda debidamente ta papia di maneho tambe. E punto di agenda ta papia di “Desaroyonan rondo di renobacion

di Centro Pro Arte y maneho di cultura en general”.

E remarca di fraccion di PAIS, a ocasiona – manera por a spera – un reaccion di fraccion di MFK di parti di parlamentario Amerigo Thode.

“Niun hende, no ta determina pa MFK riba kico e ta pidi reunion y riba kico e ke papia. Esey ta solamente MFK ta dicidi.

Nos ta haya masha remarcabel, cu tin fraccion ta papia di perdemento di tempo pa papia riba Centro Pro Arte. A para bira cu tur cos cu nos pidi reunion riba dje ta perdemento di tempo.

Tur fraccion ta liber pa pidi reunion riba cua topico cu nan ke. Laga nan pidi reunion riba temanan cu nan no ta considera perdemento di tempo. Ta esey ta democracia”, segun Thode. Gilmar Pisas tambe a muestra riba e

punto di agenda aki, acusando oposicion di no a lesa nan documentonan ni sikiera na drechi.

Thode y Pisas no tabata para nan so: prome cu nan, parlamentario di MAN Charles Cooper tambe a muestra cu cada fraccion por pidi e reunion cu nan ke.

Tin fraccion aki den cu riba nan so, nan por pidi reunion. Fraccion di PAIS tin 4 asiento. Laga nan pidi e reunion cu nan ke, e la bisa.

E discusion a concentra hopi riba entre otro e aspecto di gasto, pero tambe tabatin hopi pregunta – particularmente di oposicion – riba e procedura cu gobierno a sigui den e caso aki, esta ken ta autorisa pa firma y ken no.

Manera indica caba, parlamento ta reanuda e reunion aki otro luna, ora e bini bek di reces. □



# Homber di 29 aña likida na Weto di 16 victima di asesinato



**WILLEMSTAD – Un homber di 29 aña a bira e di 16 victima di asesinato di 2014. Polis a informa cu tabata ayera nochi den careda di 21.12'or, cu Cen-**

**tral di Polis a dirigi un patruya policial na Weto, pa un tiramento cu a tuma luga y cu tin un persona herida na e sitio.**



Na yegada di e patruya policial na e sitio nan a bin topa cu un homber drumi abou den balcon di un cas riba su barica cu no ta duna señal di bida. Te caminda esey tabata

posibel, Polis a nota cu e victima tabatin diferente herida di bala na e parti ariba di su curpa. Riba caminda dilanti di e cas polis a confisca un cantidad di 'huls' cu ta di im-

portancia pa e investigacion. For di un investigacion preliminar cu polis a realiza na e sitio a resulta cu un rato prome e victima hunto cu dos otro homber tabata sinta den balcon di e cas. Dado momento un auto sospechoso a pasa y un ocupante di e auto a los tiro dirigi riba e victima cu e resultado ariba menciona.

Alrededor di 22.00'or dokter di polis a constata morto di e victima Eddy Rosario Rodriguez, naci na Corsou 15 augustus 1984. Riba ordo di Fiscal di Ministerio Publico a confisca e curpa sin bida pa mas investigacion. E motibo(nan) cu a conduci na e trofeo aki no ta conoci y ta den investigacion.

Departamento di Recherche ta continua cu e investigacion. □

## Homber ta core pa tiro na De Savaan



**WILLEMSTAD – E siman aki tabatin diferente caso di tiramento atrobe. Un di nan a tuma luga riba Dia di Bandera den careda di 12'or di merdia. Central di Polis a dirigi un patruya policial na un cas na De**

**Savaan pa un caso di tiramento cu a tuma luga.**

Na e sitio e patruya policial a topa cu un homber victima di 19 aña di edad, cu algun rasca y herida na curpa, cu a declara na polis cu un rato prome un

auto cu algun homber aden a yega na un cas na unda e tabata na e momento ey y a puntra pa su persona.

Na momento cu el a sali bin pafó un dje hombernan a baha for di e auto y los algun

tiro dirigi riba dje.

Niun bala no a alcanza victima, kende a core bay for di e sitio tratando di scapa for di e sospechosonan.

Durante cu e tabata core bay el a haya algun rasca y herida

na su curpa. Ambulance a presenta na e sitio pa duna e victima prome asistencia pero e victima a nenga atencion medico.

Polis ta continua cu e investigacion. □



### A base di ley di consenso

## OM Corsou, Sint Maarten y islanan BES tin Comision di Consejo di Keho

**WILLEMSTAD -- Ministerio Publico di Corsou, Sint Maarten y islanan BES (Bonaire, Sint Eustatius y Saba) tin awor su propio Comision di Consejo di Keho (Klachtenadviescommissie).**

Cada ciudadano cu na su opinion ta pensa cu e no a haya un trato husto di parti di un miembro di Ministerio Publico por entrega un keho cerca Procurador-general (PG). Den cuadro di esaki a lanta den y OM di Corsou,

Sint Maarten y islanan BES (Boneiru, Sint Eustatius en Saba) un Comision di Consejo di Keho.

E Comision di Keho ta consisti di 3 miembro, mientras cu for di cada un pais (Corsou, Sint Maarten y BES) ta apunta ademas un representante cu no ta miembro di Ministerio Publico.

E consejo ta lanta a base di e leynan di consenso di husticia.

Tocante decisionnan huridico di Ministerio Publico no por entrega keho cerca

e Comision di Consejo di Keho. Pa e tipo di kehonan aki tin pasonan huridico cu por cana.

Un keho tocante un miembro di OM tin cu wordo haci por escrito (no via e-mail). Ta consehabel pa menciona den e carta di keho tocante ken y cua departamento ta entrega un keho. Documenta tambe precisamente kico a pasa y ki dia esaki a sosode. Pa un bon proceso di e keho ta necesario pa menciona di bo nomber, adres, number di

telefon y pa firma e carta correctamente. Si bo tin cualkier documento cu ta importante pa e keho, ta bon pa agrega un copia di esaki.

E keho lo keda trata denter di seis siman despues cu a ricibi esaki. Tratamento di e keho por keda aplasa cu cuater siman mas. Si aplasa e keho lo pone esaki na conocimiento di tanto esun cu a entrega e keho, como e acusado.

Unda pa entrega keho E keho tin cu ser entrega

na Procurador-general cu ta pone e keho den man di e Comision di Consejo di Keho. Adres di PG na Sint Maarten ta:

Parket van de Procureur-Generaal vestigingsplaats Sint Maarten  
Puerta del Sol Plaza, unit 37, Welfare Road 68

Simpson Bay, Sint Maarten  
Adres di PG na Corsou ta:  
Parket Procureur-Generaal van Curaçao, Sint Maarten, Boneiru, Sint Eustatius, Saba Wilhelminaplein 14-16 Willemstad, Curaçao. □



*Por lo menos ocho vehiculo a ricibi daño*

## Polis a persigui sospechoso den vehiculo

**PHILIPSBURG**—Por lo menos ocho vehiculo a ricibi daño, ocasiona pa un chauffeur di auto cu kier a scapa for di Polis. Diahuebs rond di 10'or di mainta, un polis di Philipsburg cu tabata patruya na Zagersgut road y Bush road, a mira un Nissan Almera blanco, cu glas di

auto tint y plachi di number Frances.

Durante control di rutina di trafico, e agente policial a duna e chauffeur ordo pa para su vehiculo. E chauffeur a nenga y a aumenta velocidad di su vehiculo pa asina logra scapa for di Polis. Aki polis a dicidi di persigui e so-

spechoso.

E persecucion di velocidad halto a bay door di e areanan di Mary's Fancy, Saunders, Ebenezer, South Reward y Over the Pond. Durante e persecucion, e chauffeur di auto a accidenta cu varios vehiculo, pero no a para y a sigui acelera.

E persecucion a yega na su

final, ora cu e sospechoso a accidenta cu un otro vehiculo na A. Th. Illidge Road, causando hopi daño material. Door di e impacto fuerte, e sospechoso no por a sigui core e auto.

En bes di entrega su mes, e sospechoso a sali core for di e vehiculo direccion pa e sero.

Polisnan den area a asisti den e buskeda di e sospechoso. Durante henter e incidente, A. Th. Illidge Road tabata cera pa trafico pa asina e departamento di trafico por a haci un investigacion.

Henter e area a wordo sondea, pero e sospechoso no a wordo localisa. E investigacion ta andando ainda. □

## Economia di Corsou a baha cu 0,8 porciento na 2013

**WILLEMSTAD** -- Segun Oficina Central di Estadística (CBS), e prome calculonan preliminar relaciona cu desaroyonan economico di Corsou ta indica un bahada den actividadnan economico cu 0,8 porciento na 2013. E porcentahe aki ta refleha e desaroyo real, cu otro palabra, a coregi nan pa tene cuenta cu desaroyo di prijs.

CBS ta splica cu ta calcula crecimiento economico a base di e aumento di volumen cu tabatin den e proceso di produccion y a base di e desaroyo coyuntura.

E datonan aki ta preliminar, ya cu no ta tur dato di tur ramo di negoshi ta disponible ainda. E indicadonan economico ta estadisticonan cual ta indica e posicion actual di economia den un pais, esaki ta depende di e area economico (manera por ehempel industria, forsa laboral, comercio etc.).

Actualmente, Corsou ta for di

2009 den un economia stanca. Esaki ta nifica un periodo cu tin un crecimiento economico leve, di cual e desaroyo economico por ehempel ta banda di cero porciento. E bahada den desaroyo economico na Corsou ta wordo influencia tambe dor di inflacion di 1,3 porciento na 2013. E desaroyo slow aki tambe ta tin como consecuencia negativo riba mercado laboral na 2013, e cifra di desempleo ta 13 porciento compara cu 10 porciento na 2011.

Bahada di importacion

Na 2013 e bahada di e actividadnan economico a tuma principalmente luga den e ramonan di: 'comercio' (-8%), 'Gobierno' (-4%) y 'Companianan di Utilidad' (-3%). actividadnan den e ramo di comercio a baha cu 8 porciento. Esaki ta debi na bahada di importacion di producto y servicio y di diferente actividadnan di comercio di empresa na 2013.

Na 2013 ta tin un bahada di e balor agrega di actividadnan

di gobierno. E aportacion na e desaroyo economico di gobierno tabata menos den cifra real compara cu na 2012.

E ramo di utilidad ta muestra un bahada di casi 3 porciento na 2013. Den e ramo aki tin un bahada den e volumen di actividadnan di awa y electricidad.

Tabatin un bahada leve di 0,5 porciento den servicio financiero. Esaki ta debi na bahada di balor agrega real di e banconan local y di servicio internacional financiero, cu den e delaster añanan ta muestra un bahada continuo.

Na 2013, tabatin un crecimiento di e actividadnan di economia den e ramonan di: 'Transporte y comunicacion' (4%), 'Hotel y restaurant' y 'servicio comercial' (2%), y 'Industria' (1%).

Bancarota di DEA

Na 2013 e ramo di transporte a bay menos atras compara cu año 2012. Algun activi-

dad den haf y aeropuerto a bay atras. E actividadnan di aeropuerto a bay atras pa motibo di un bahada di pasahero y cantidad di aterisahe. Esaki posiblemente a ser ocasiona dor di bancarota di e compania aereo DAE na 2013. Banda di esaki haf a registra resultadonan positivo dor di subida di e cantidad di barconan cu a drenta nos haf.

Riba tereno di turismo e cantidad di turistanan for di Sur America cu ta keda drumi a subi cu 8 porciento na 2013 compara cu 2012.

Turistanan di Caribe a baha cu 3 porciento, mientras turistanan for di Europa a baha leve cu 2 porciento. E total di turistanan cu ta keda drumi a subi cu 2 porciento y e cantidad total di bishitantenan tabata 5 porciento na 2013. Peser di e crecimiento aki hotelnan tin un grado di ocupacion abou di 67 porciento.

Actividadnan den ramo di industria a subi leve dor di subida di reparacion di boto, produccion di refineria y di

otro actividadnan di produccion di empresanan na 2013.

Proyeccion pa economia

Segun World Economic Outlook di Fondo Monetario internacional, na 2013 economia mundial a crece cu 3,0 porciento, compara cu 3,2 porciento na 2012. E crecimiento menos ta ocasiona pa economia di paisnan cu ta den desaroyo, cual ta China cu a keda 7,7 y e ASEAN-5 cu ta muestra un crecimiento menos di 5,2 porciento na 2013.

E paisnan cu un economia desaroya, manera Merca, ta muestra un bahada leve di 1,9 porciento na 2013. Den e zona di Euro e desaroyo economico ta sigui baha te 0,5 porciento.

Economia di Sur America y di Caribe a crece cu 2,7 porciento na 2013. Den Caribe, economia a muestra un crecimiento di 2,8 porciento na 2013. E desaroyo economico na Corsou a bay atras compara cu region di Caribe. □

## Gobierno lo apela veredicto di Zwarte Piet!

**WILLEMSTAD/AMSTERDAM** - Gobernador di Amsterdam Eberhard van der Laan a anuncia cu e ta bay apela e veredicto di ayera na Raad van State. No cu gobierno no ke cumpli cu e sentencia.

Lo ehecuta esaki mesora, pero gobierno ke claridad riba cierto aspecto huridico di e caso, Van der Laan a duna di conoce. Corte, ayera a duna sentencia cu ta papia palabra cla den e caso aki. Yegada di San Nicolas, den cua Zwarte Piet tin un papel importante ta ofensivo pa hende preto.

Burgemeester di Amsterdam mester tabata sa esey y mester a laga esey tambe pisa na momento cu e la duna permit pa yegada di San Nicolas año pasa.

Esey ta esencia di e sentencia, relaciona cu e caso hudicial cu esunnan contra e fenomeno Zwarte Piet a entama contra gobierno di municipio di Amsterdam

Loke hues basicamente a conclui ta, cu e figura Zwarte Piet ta crea un imagen negativo di hendenan di rasa di colo. "Hopi habitante preto di Amsterdam ta sinti nan

mes discrimina pa e figura di Zwarte Piet, loke ta un infraccion den nan bida priva", tabata e argumento di hues. Esaki, segun corte ta bay contra articulo 8 di e Europees Verdrag van de Rechten van de Mens, cu ta stipula cu un ciudadano tin derecho riba respet pa su bida priva.

**Emocion a bay halto**

Corte, como tal a duna gobernador Eberhard van der Laan di Amsterdam tin 6 siman di tempo pa evalua e yegada di San Nicolas, manera e ta organisa awor aki.

Esencia di tur discusion taba-

ta, si e figura di San Nicolas ta simbolisa racismo of no. Durante tratamiento di e caso por a nota hopi hende bisti cu e T-shirt cu ta bisa "Zwarte Piet ta racista" y mester bisa cu emocion a bay halto na diferente ocasion, loke no ta nada extraño tampoco, considerando cu e tema aki ta un tema hopi "cayente" na e momento aki. Manera nos a informa anteriormente, e pregunta riba mesa tabata, si e figura Zwarte Piet ta un figura cu ta participa den un fiesta racista cu yama fiesta di San Nicolas.

Esunnan cu a cuminsa cu e

huicio sumario año pasa kier a evita cu e figura

Zwarte Piet lo ta presente durante yegada di San Nicolas fin di año pasa. Año pasa october a surgi henter un bululu, ora gobernador Eberhard van der Laan di Amsterdam a duna permit pa yegada di San Nicolas, compana pa Zwarte Piet. Tabatin basta hende cu a protesta contra esaki.

Gobierno di otro banda ta argumenta, cu mester tin motibo pa nenga un permit aki. Ta solamente si orden publico ta na peliger, por nenga esaki, e hurista di gobierno a argumenta. □



First come, first served basis

**Champions**

LOCATED AT  
MARRIOTT'S ARUBA  
OCEAN CLUB  
| EXT. 6985

FEATURING 28 HD FLAT SCREENS & 2 BIG SCREENS

Saturday July 5th, 2014


Argentina **VS** Belgium 12PM

Netherlands **VS** Costa Rica 4PM

**SPECIAL World Cup \$10 Menu + 2 Beers**  
and 12oz. **Balashi** Draft Beer \$5

Debit Machine Now Available!!

WORLD CUP  
BRASIL 2014



**SANTO DOMINGO, Republica Dominicana (AP) – Miles di Haitiano ta parando den rij na oficinan di gobierno e zomer aki, na Republica Dominicana, nan ta purba proba di e oportunidad aki cu no ta comun, di sigura un status legal na un pais unda nan a biba pa hopi tempo scondi.**

Pa mayoria, speransa ta cambia bira decepcion masha lihe. Desde cu e programa cu ta duna ciudadanía na Haitiano cu ta bibando na Republica Dominicana desde 2011 a cuminsa dia 2 di juni, sola-

## Haitianonan ta frustra buscando status Dominicano



mente un fraccion chikito di esunnan cu a aplica, a logra muestra suficiente documentacion di nan pais pa por sigura e status aki, e oficial a bisa. Tambe e ultimo fecha pa registra of wordo deporta ta yega na comienso di otro aña.

Trahadonan migrante manera Luccene Philome, ta parti di un grupo chikito cu a pasa henter anochi ta campa pafo di Ministerio, pa nan por ta dilanti den rij e siguiente dia, a bisa cu nan ta bisa nan cu nan documentonan mester inclui un cedula di Haiti, paspoort of un acta di nacemento.

“Mi tabata falta casi tur cos,” Philome a bisa ora cu el a sali for di e oficina. E homber di 36 aña, cu a traha masha hopi aña como metsla, su mannan ta masha gasta, tabatin difi-



cultad pa oficialnan Dominicanu tuma su fingerprint. Migrantenan di Haiti tabatin un tempo largo y dificil na Republica Dominicana, pero den e caso aki, nan rabia ta dirigi den gran parti, pa gobierno Haitiano, cu ta masha poco poco den duna e documentonan necesario, door di nan manera burocratico di traha y tambe nan ta cob-

rando hopi mas cu normal, cual ta mas cu mayoria hende por paga. Haitianonan tabatin varios protesta durante e ultimo simannan, pafo di embahada na Santo Domingo,

relaciona cu e asunto. Haiti ta cobrando e ekivalente di mas o menos \$60 pa un acta di nacemento nobo, cedula y paspoort, cual ta un prijs special pa e migrante su proceso di registracion, pasobra normalmente e ta costa \$80 djis pa un paspoort. Asina mes e ta mucho caro na un luga caminda migrantenan ta gana \$5 pa dia, segun Wil-

liam Charpentier, director di Mesa Rondo di Migracion Nacional, cual ta un grupo cu no ta di gobierno.

“Na nos opinion, autoridadnan Haitiano tabata irresponsabel den cierto sentido,” Charpentier a bisa.

E gobierno Haitiano ta hayando presion internacional pa soluciona e asunto, cual lo por yega prome cu e ultimo fecha.

Pero e proceso di residencia Dominicano, cual ta conoci come regularisacion, claramente a cuminsa poco poco. Di e 50 mil migrante cu a busca registracion, menos di 10 mil tabatin cualkier documentacion formal di nan identidad y solamente 120 di nan tabatin tur cos na ordo, segun minister Ramon Fadul a bisa.

Niun hende no sa exactamente cuanto migrante ta biba na Republica Dominicana, pero NU ta calcula cu por tin 500 mil. E dos paisnan ta parti e isla di Hispaniola y un frontera cu na cierto partinan no ta mas cu un caminda di stof. □



## Confrontacionnan entre trupanen di Egipto y manifestantenan

**CAIRO (AP) – Un oficial di siguridad di Egipto a bisa cu un adolescente a perde su bida den confrontacionnan entre e siguidonan di e president Islamico cu nan a baha, y forsa di siguridad.**

E morto aki ta hisa e cantidad di fayecido na dos, den e dos dianan di protesta violento riba e aniversario cu a saca Mohammad Morsi for di mando.

E oficial a bisa cu e mucha

homber di 15 aña a perde su bida pa motibo cu el a wordo tira cu municion pa tira parha, durante demostracionnan na Cairo su distrito Zeitoun, diabierna.

E oficial cu kier a keda anonimo pasobra e no ta autorisa

pa informa prensa, no por a confirma si e mucha homber tabata un di e manifestantenan of djis e tabata pasando eybando.

Pero el a bisa cu un manifestante a keda seriamente herida pa un tiro di arma di can-

dela durante un otro marcha otro caminda na e capital di Egipto.

E confrontacionnan cu a cuminsa e dia prome, tambe tabatin un manifestante morto e dia ey. □



*Na Francia:*

## Mama ta asesina juffrouw di scol preparatorio den klas



**PARIS (AP) – E mama di un alumno na un scol preparatorio Frances a hinca un juffrouw mata, dilanti di su klas, diabierna, cual tabata e ultimo dia di e aña escolar, segun autoridadnan a bisa.**

Minister di educacion a bisa cu aparentemente e mama tabatin problemanan psiquiatrico serio y a priminti di apoya docentenan confronta cu mayornan violento. Polis a bisa cu a aresta e mama. Atakenan mortal na un scol no sa pasa hopi na Francia, y un hincamento dilanti di un klas yen di mucha di 5 y 6 aña ta hisa preocupacion pa e nivel di e mas halto. President Frances, Francois Hol-

lande a expresa su indignidad pa e atake na e scol Edouard Herriot cu ta situa na Albi, na e parti zuid di Francia. Minister di educacion Benoit Hamon a biaha di biaha pa e scol, y a bisa reporteronan cu e mama di un alumno a comete e acto abominabel aki den klas cu un docente remarcabel. Un oficial di polis a bisa cu a mama a hinca e juffrouw cu un cuchiu poco despues cu scol a cuminsa diabierna mainta.

Hamon a bisa cu e yiu di e atacado tabata bishita e scol pa un luna y mey so, y cu e mama tabatin masha poco contacto cu e personal di scol, te diabierna. No tabata conoci si e yiu muhe di 5 aña tabata den e klas na momento di e atake. Polis y oficialnan di e ciudad no a menciona kico por ta e motibo pa e atake riba Fabienne Terral-Calmès di 34 aña. E juffrouw asesina tabatin 2 yiu muhe chikito, Hamon a bisa.



E fiscal regional a papia publicamente tocante e caso diabierna anochi.

### E alumnonan

Despues di e atake di diabierna, un otro juffrouw a tuma e muchanan y hiba nan un otro klas pa papia cu nan, pa conta nan storia, pa purba distrae nan for di loke nan a caba di experiencia,” Hamon a bisa. Marie-Odile Gay, un miembro di comite regional di salud y siguridad pa ministerio di educacion, a bisa cu e mama a kere cu e juffrouw a

yama su yiu ladron, y e mal comprendemento ey, lo por a hunga un rol den e atake. Gay a bisa cu e mama di 47 aña tabata bou tratamento psiquiatrico den pasado, y na comienso di aña, polis a acus’e di bandona su yiu homber di 15 aña.

Gay a bisa cu e mucha muhe di 5 aña no tabatin dificultad na scol, y awo e ta bou di cuida di servicicionan social desde e atake. “Esaki ta algo cu lo keda cu ne pa semper,” Gay a bisa.

“Ta masha importante pa sigura cu e ta haya e cuida cu e mester.” Algun juffrouw a keha cu bahamento di personal a laga nan mas vulnerabel, y nan a pidi a miho atencion pa e tension cu nan sa confronta cu algun mayor.

Pero Robert Couffignal cu ta un meneer di scol y miembro di union regional di docentenan ta insisti cu e atake tabata un caso isola, cu no tabatin nada di haber cu e scol aki en particular, y el a adverti pa no exagera cu medidanan di siguridad como consecuencia di e atake.

“Detector di metal na scol no ta e solucion,” el a bisa AP na telefon. “Nos kier tin contacto di cerca cu mayornan, esaki ta crea un laso di confianza.” Ainda Francia ta sinti e efectonan di e tiramento na un scol Hudiu na Toulouse na 2012. Aki tres mucha y un Rabino a perde nan bida. □

## Francia ta aumenta siguridad pa vuelonan pa Merca

**PARIS (AP) – Francia ta aumentando siguridad riba vuelonan cu destinacion Merca pa e zomer aki, pasobra Merca tin preocupacionnan cu al-Qaida ta purbando di desaroja un sorto di bom nobo.**

E siman aki Administracion di Obama a pidi pa medidanan di siguridad mas estricto na aeropuertonan stranhero cu tin vuelo directo pa Merca, esaki a pone cu aeropuertonan Britanico a aumenta nan siguridad diahuebs. Autoridadnan di aviacion civil Frances a anuncia diabierna cu nan ta aumentando medidanan di siguridad pa duracion di zomer. E agencia a bisa cu e medidanan lo por causa retraso pa e vuelonan



pa Merca. Oficialnan di gobierno Frances a bisa diabierna, cu nan lo no elabora

tocante e medidanan, pasobra nan mester tin discrecion pa asuntonan di siguridad. Un

miedo ta cu extremistanan cu paspoort Mericano of di otro pais di west, lo por trece un

bom riba un avion sin cu e wordo detecta pa siguridad di aeropuerto. □

*Na Alemania*

## 33 hende herida despues cu trein ta dal den truck

**BERLIN (AP) – Polis ta bisa cu un trein a boks cu un truck na e crusada di rails na e parti zuidwest di Alemania. E accident**

**aki a laga 33 hende herida, di cual cuater di nan, nan condicion ta serio.**

E accident a sosode diabierna

mainta na Talhausen, zuid di Stuttgart. Den un declaracion di polis nan a bisa cu un truck cu tabatin un bari riba dje, pa motibonan cu no ta conoci

ainda, a keda pega na e crusada. E trein a wanta brake masha pisa, pero no por a evita di dal e truck, cual el a pusha 50 meter riba e rails.

E chauffeur di e truck y un pasahero a haya herida leve. Riba e trein tabatin 31 otro hende cu tambe a keda herida. □



# COPA MUNDIAL 2014

Match Dates Brasil



## Alemania bou celebracion

Ayera e seleccionnan di Alemania y Francia a topa otro, unda cu ambos a lucha pa un luga den e semi final. Na diferente ocasion ambos seleccion a yega area di gol, pero na final Alemania ta bay cu e victoria.

*Les a pagina B6*

Dia 4 dia  
Aruba Hi Winds 2014



*Les a pagina B4*

Brazil a avansa



*Les a pagina B6*





*Durante e vakantie di scol*

## Brazil Taekwondo Stichting ta sigui cu training di taekwondo

**ORANJESTAD - Brazil Taekwondo Stichting** no ta cera su portanan pa training durante di vakantie di scol e aña aki. Clifford Rasmijn a dicidi di sigui cu training pa asina por mehora e atletanan nobo pa prepara nan pa e campeonato cu tin na luna di Augustus.

Esaki a hala atencion di Sofia y Chairra Petrocchi, kendenan a bin te Brazil pa asina rek nan pianan contra e dos rumannan Lowe. Chairra Petrocchi kende ta preparando su mes pa e Campeonato Mundial no kier perde niun oportunidad di training. Tambe pa concentra ariba e tecnica pa e kalender di 2015. Diadomingo lo bay ta e prome dia cu ta bay saca potret pa e kalender di aña 2015 y esaki lo sigui durante

di e dianan di vakantie.

### Potret pa kalender

Mirando cu cada aña ta saca potret pa e kalender y sa saca masha hopi potret di diferente luganan rond di Aruba pa asina tin e miho potretnan pa e kalender. Semper ta tuma masha hopi tempo pa saca potret y pa despues drecha nan pa asina e miembro nan por scoge e 16 potretnan. E proceso aki ta tuma hopi tempo, specialmente ora ta trata di mucha.

Brazil Taekwondo Stichting kier pa tur mucha cu ta train na Brazil Taekwondo Stichting ta den e kalender di aña 2015. Tur aña Brazil Taekwondo Stichting ta lansa e kalender den luna di september pa asina por cuminsa bende esakinan pa recauda fondo pa e atletanan. Tur aña

ta bin cu ideanan nobo y otro luganan pa saca e potretnan. Kibramento di palo semper ta keda central den e kalender di tur aña, e aña aki ta bay haci uzo di palo di demostracion cu ta un tiki mas flaco pa asina por haya e explosion mas grandi. □





# Clifford Rasmijn, Thais Rodriquez y Alberto Klabér a cuminsa busca luganan pa e kalender 2015

**ORANJESTAD -** Diahuebs mainta Clifford Rasmijn, Thais Rodriquez y Alberto Klabér di Brazil Taekwondo Stichting a core rond di Aruba buscando e luganan perfecto pa potret di e kalender di año 2015.

Tur año Brazil Taekwondo Stichting ta saca kalender di Taekwondo pa asina uza esaki pa recauda fondo pa e atletanan di Train Hard Fight Smart. Tur año ta cuminsa cu e photoshoot di mas o menos 1000 potret pa asina yega na mas o menos 35 pa asina tur e miembronan por scoge nan miho 16 pa e kalender. E proceso aki ta tuma masha hopi tempo, mirando cu awor tin vakantie di scol ta net un bon momento pa haci tur esakinan.

“Un cos ta sigur cu Brazil Taekwondo Stichting ta garantisa un kalender di bon calidad, bon potret y cu e atletanan central ariba e potretnan,” segun e directiva di Brazil Taekwondo Stichting. E luganan cu a wordo bishita ta Grape Field, Seroe Colorado, Franse Pas, Hooiberg, Seroe Cristal y Shete.

Awor cu a bishita varios luganan ainda ta falta algun pa bishita pa asina por tin diferente potret di diferente luga bunita di Aruba ariba e kalender di año 2015. E kalendernan mester ta cla pa e di dos siman di September di e año aki pa asina cuminsa trempa cu e benta di esaki. Diahuebs anochi Clifford Rasmijn, Thais Rodriquez y Alberto Klabér lo a trece nan puntonan importante pa e directiva pa asina cuminsa diadomingo awor cu e prome photoshoot pa e kalender di año 2015 di Brazil Taekwondo Stichting. □



E luganan cu a wordo bishita ta Grape Field, Seroe Colorado, Franse Pas, Hooiberg, Seroe Cristal y Shete.



## AVB Mayor U-17 Playoffs 2014 Schedule

DIA	FECHA	ORA	WEGA			STADION	SCORE
Dialuna	7-July-14	7:30 PM	Nac / Was	vs	Dakota	CDGPT	
Dialuna	7-July-14	9:00 PM	RCA	vs	S.C. United	CDGPT	

Diahuebs	10-July-14	7:30 PM	Nac / Was	vs	S.C. United	CDGPT	
Diahuebs	10-July-14	9:00 PM	RCA	vs	Dakota	CDGPT	

Dialuna	14-July-14	7:30 PM	Dakota	vs	S.C United	CDGPT	
Dialuna	14-July-14	9:00 PM	RCA	vs	Nac / Was	CDGPT	

Diamars	15-July-14	8:00 PM	Club 1	vs	Club 2	CDGPT	
---------	------------	---------	--------	----	--------	-------	--

*Playoffs ta wordo hunga un solo round. Despues e dos team nan cu mas punto lo pasa pa hunga final di AVB Mayor 2014. Final ta un solo wega sit a empata despues di tempo regular lo bay 2x 15 y si acaso ainda e wega ta empata nos lo bay pa penalty.*

**"A CHAMPION IS SOMEONE WHO GETS UP WHEN THEY CAN'T." - JACK DEMPSEY**

***SUCCESS!!***



## Di cuater dia di edicion 28 “Aruba Hi-Winds 2014”



**ORANJESTAD** - E aña aki atrobe tin e competencia anual di Aruba Hi Winds. E competencia di Hi Winds ta wordo organisa e aña aki pa di 28 biaha, un total di 187 persona a inscribi pa participa. Aruba Hi-Winds 2014 ta tuma luga na Fisherman's Hut, for di 1 pa 7 di juli. E competencia aki no solamente participante local ta participa, sino tambe esunnan di exterior.



terior.

Tur esunnan cu kier a participa mester a paga un prijs di inscripcion y e costo tabata depende di e categoria. Den e categoria di Windsurfing pa adulto e costo tabata 145 dollar (250 florin), kite boarding 80 dollar (140 florin), Juniors 100 dollar (175 florin), mucha 80 dollar (10 florin), Guppies 50 dollar (90 florin), Windsurf Freestyle of Carede di distancia largo so pa 60 dollar (110 florin), Kiteboard distancia largo 60 dollar (110 florin), Competencia di SUP 60 dollar (110 florin). Tambe tin prijs pa e ful un siman di comemento y fiesta cu ta solamente pa e participantenan cu a costa 100 dollar (175 di

florin.)

E categorianan di e competencia ta:

\*Windsurfing: Slalom Races, \* Pro/Open pa tur edad, \* Muhe: pa tur edad, \* Masters: 35 aña y bay ariba (hombernan naci na 1978 of prome), \* GrandMasters: 45 aña y bay ariba (homber naci na 1968 of mas prome), \* Juniors: 15 te cu 18 aña (naci entre 1996 y 1999), \* Sports: tur edad; Prome Regatta, \*Muchanan grandi: bou di 15 aña; naci na aña 2000 of despues, \*Superkids: bou di 13 aña naci na 2002 of despues, \* New Kids: Beginners, first time racing y \* Barracudas & Guppies: pa muchanan cu ta cuminsa, sail no mas grandi cu 3.3 meter



(si e mucha ta bon den e categoria, e por sigui den e categoria di New Kids).

Lo tin trofeo pa e prome tres luganan den tur categoria cu

tambe lo ricibi placa como premio. Ful e fin di siman aki lo tin competencia di Hi Winds na The Fisherman's Hut cuminsando desde di oranan di mainta te anochi. □

## Marlins Hawaiian Punch campeon den Baseball ABBA liga menor



**ORANJESTAD** - Stichting Marlins Sport Aruba ta orguyoso di otro logro den e campeonato di baseball ABBA liga menor. E fin di siman cu a pasa e team di e muchanan di baseball Marlins Hawai-

ian Punch a enfrenta Stars Fuze Tea categoria 5/6 pa wak ken ta bay cu e titulo di campeon di Aruba.

Marlins Hawaiian Punch cu su manager Jorge Petrocchi y coachnan Roger Tromp y

Angelo Croes hunto cu nan team di muchanan di 5 y 6 aña a sa di bay cu e victoria, asina titulando Campeon di Aruba. Nos futuro pelotero nan den baseball a elimina e team invicto di e campeonato cual ta Hurricanes di Savane-



ta pa asina enfrenta e team di Stars pa e titulo di campeon y sub campeon.

Stars ta gana e prome wega riba diasabra, despues Marlins ta gana riba diadomingo y asina Marlins ta forsa un wega mas pa dialuna y ta gana esaki cu e score di 12-8. Stichting Marlins Sport Aruba kier a felicita e staf di coach y tambe tur e muchanan di Marlins Hawaiian Punch cu a haci nan best y a hunga cu curason pa gana, nan ta: Keano Simon, Brian Evans, Javan Maduro, Zayger Tromp,

Sieldrick Simon, Rayshaun Werleman, Milan Petrocchi, Samuel Urbina Vegas, Jovan Croes, Jayer Hayer, Dwade Tromp, Ryan Baarh, Jean-Philippe Flanegin, Jean-Carl Lopez y Joshua Villalobos.

“Tambe kier a gradici tur e mayornan cu a coopera cu semper a trece e muchanan training pa nan por a prepara pa e play-off. Y nos sponsor di Marlins 5/6 cu ta Aruba Trading cu nan juice Hawaiian Punch masha danki,” segun Stichting Marlins Sport Aruba. □



# COPA MUNDIAL 2014

Match Dates **Brasil**

Segun director tecnico di Argentina

## “Lo ta un frustracion si no yega semi final”

**BRASILIA, Brazil (AP) –** E director tecnico Alejandro Sabella a bisa ayera cu lo ta “un frustracion” si e seleccion Argentino di futbol no yega e semi final di Mundial Brazil 2014, algo cu no a pasa desde 24 aña pasa, na un dia di e wega contra Belgica, na Brasilia, pa e cuarto di final.

“Si nos no yega pa e semi final lo bay ta un frustracion. Pero nos tin e fe y e confiansa pa logra esaki,” Sabella a sigura den e conferencia di prensa cu el a brinda den e stadion

di Nacional di Brasilia. “E exito of fracaso den un proceso di tres aña ta defini den e tempo, den e mas aya, no den e resultado asina,” e ta agrega.

“E resultado ta algo mas importante, pero tambe ta existi otro cos. Den un proceso ta pasa e mesun cos,” e ta enfatisa. Sabella, por ultimo, a compara e trabou den un club cu esun di e seleccion. “Si den un club bo ta forma hungado y laga un base, bo no por considera cu bo a fracasa, mas aya di e resultado. Den un seleccion ta igual,” e ta conclui. □



Segun Institucion Nacional di Derechonan Humano y Defensoria di Pueblo di Uruguay

## FIFA a viola derechonan humano di Suarez

**MONTEVIDEO, Uruguay (AP) –** E organismo FIFA a “viola” e derechonan humano di e goliado Uruguayo Luis Suarez, ora di a castiga e hungado cu cuater luna di inhabilitaicon pa cualkier actividad relaciona cu e futbol, e Institucion Nacional di Derechonan Humano y Defensoria di Pueblo di Uruguay.

“Dicha castigo ta viola derechonan humano specifico di e deportista menciona y ta extende, incluso, e ehercicio di esakinan den e teritorio nacional,” e Institucion a destaca den un comunicado. E derechonan vulnerabel “ta consagra” den e Constitucion di e Republica y den e “orden huridico” di Derechonan Humano “cu e humanidad ta bin consagrando y desaroyando desde 1948,” e nota ta agrega.

E Estadonan den cual FIFA ta “actua,” inclui e Estado Uruguayo, “ta obliga di respeta e marco ey normativo universal,” e Institucion Nacional di Derechonan Humano a señala. Ademas, pa expresa disposicion di e statuutnan di FIFA, e penalizacion “no por wordo recurri dilanti ningun autoridad hudicial.”

Di e manera ey e sancion menciona “no ta conoce e derechonan di henter per-

sona na un recurso efectivo dilanti Tribunalnan nacional competente.” Di e mesun modo e fayó di e Comision di Disciplina di FIFA ta “afecta, entre otro, e derecho na trabou y e libertad personal, specialmente teniendo na cuenta e forma den cual e castigo a wordo procesa y su consecuencianan di biaha,” e Institucion di Derechonan Humano ta agrega.

E presidente di e Comision di Disciplina, e Suiso Claudio Sulser, a aclara diahuebs na Rio de Janeiro cu e castigo di nueve wega di suspension y cuater luna di no habilita no ta impedi cu Suarez train of

wordo traspa di Liverpool pa Barcelona cu ta a punto di cera e negociacion.

E goliado Uruguayo a wordo pena despues di a morde e Italiano Giorgio Chellini dia 24 di juni anterior den e wega cu e team celeste a gana Italia cu e score di 1-0 y wordo elimina di mundial. Posterior, sin su principal figura, Uruguay a perde cu e score di 2-0 contra di Colombia y a keda for di e Copa di Mundo. E Asociacion di Uruguay di Futbol y e mesun futbolista, cu despues di e fayó a pidi sorry pa su actitud, a presenta un apelacion ainda den curso purbando pa e castigo wordo reduci. □



**SILVERHOUSE**  
Jewelry Store

Tanki Leendert #28 • Noord  
Tel: 587-3507

Nos tin un gran variedad di articulo entre otro, tas, holoshi y silver. Otro siman nos ta ricibi coleccion nobo.

**OPENING HOURS:**  
Monday to Friday 10:00a.m. - 1:30p.m. y 2:30p.m. - 6:30p.m.  
Saturday: 10:00A.M. - 6:30P.M.  
Sunday: CLOSED

**El Gaucho**  
ARGENTINE GRILL

**Steak 'n SOCCER**  
PREFIXED MENU \$25.00

- 3 big screens
- Menu regular tambe ta disponibel
- Ambiente ameno cu aire acondiciona
- Tur fanatico ta bon bini
- Transmitiendo tur wega

**1 FREE BEER** pa persona

Habri diariamente for di 11:30 am te 11pm  
[www.elgaucho-aruba.com](http://www.elgaucho-aruba.com)



# COPA MUNDIAL 2014

Match Dates Brasil

*Despues di a gana Francia 1-0*

## Alemania ta e prome seleccion cu ta semi finalista



Alemania lo hunga den e semi final di un mundial pa di diestres biaha, mas cu cu-alkier otro pais. Francia, cu a yega Brazil sin su extremo Franck Ribery, a despedi cu un actuacion sin corona, despues di su eliminacion den e prome rond cuater aña pasa na Sur Africa. E Alemannan a marca e unico gol na 13 minuut cu un tiro liber cu Toni Kroos a cobra desde e banda robes y Hummels a tira e bala riba e di dos palo di gol defendi pa Hugo Lloris.

Manuel Neuer a bolbe briya den e arco Aleman, specialmente durante e di dos tempo unda cu Francia a ataca cu mas peliger.

E keeper di Bayern Munich a evita e empate den e descuento ora cu el a saca cu un man un potente remate di Karim Benzema. Alemania a realiza un plantamento ofensivo desde e ban, mandando Miroslav Klose como centro delantero y poniendo Thomas Mueller pa e banda drechi pa busca scapa pa e banda ey. □



**1-0 y ta e prome seleccion cu ta drenta den e semi final pa e di cuarto biaha consecutivo den e Copa di Mundo.**

E Alemannan a bolbe despacha Les Bleus, manera a pasa den e semi final di e mundial di Spaña 1982 y Mexico 1986.

Su rival den semi final ta e ganado di e siguiente wega cu a wordo hunga na Fortaleza den oranan di atardi.

**RIO DE JANEIRO, Brazil (AP) — Cu un cabisa di Mats Hummels y bastante mesura den e resto di caminda, Alemania a derota ayera Francia cu e score di**

*Mientras cu Colombia ta bisa ayo*

## Brazil a avansa pa semi final ganando 2-1

**FORTALEZA, Brazil (AP) — Ayera e team di cas a enfrenta seleccion di Colombia, cu a sorprende hopi hende. Ambos a subi riba e tereno cu e meta pa gana, pero na final Brazil ta bay cu e victoria pa asina avansa pa e semi final.**

Un gol di e defensor Thiago Silva na shete minuut di wega y otro di su compañero di zaga David Luiz na 69, a pone cu Brazil a clasifica ayera na Fortaleza pa e semi final di Mundial, fase cu e lo hunga contra di Alemania, cu algun

ora prome a elimina Francia ganando cu e score di 1-0.

Colombia a desconta cu un tanto di pinalti di 80 minuut di James Rodriguez, kende



ta despedi di e torneo cu seis gol dilanti e clasificacion ey. E wega di semi final entre Brasileiro y Aleman lo wordo hunga dia 8 di juli na Belo Horizonte.

E defensa David Luiz a wordo designa como e miho hungado di e wega entre

Brazil y Colombia, cu a yuda su team clasifica pa e semi final Mundial 2014.

Ademas di e funcion di ataca di Luiz, el a anota di falta direct e di dos gol di su team, cu finalmente a bay cu e victoria ganando 2-1 y ta un paso mas cerca di e final. □



# 

## Fanaticonan a disfruta di weganan di futbol



**ORANJESTAD –** Ayera merdia y atardi fanaticonan di Francia, Alemania, Colombia y Brazil a yega un biaha mas hunto pa apoya nan seleccion.

Durante e weganan por a mira con e fanaticonan tabata yena cu tension pa mira

nan seleccion clasifica pa e semi final, unda cu e cuater teamnan cu keda lo hunga pa mira ken lo yega e wega final. Den un ambiente dinamico e fanaticonan tabata apoya nan seleccion preferi.

Awe merdia pa 12o'or e seleccion di Argentina lo enfrenta Belgica, cual ta pone

cu e fanaticonan tambe lo yega hunto pa mira e wega importante aki. Mientras cu pa 4'or di atardi Hulanda lo

enfrenta Costa Rica, unda cu por mira fanaticonan di Hulanda yega hunto na diferente luga pa mira e wega aki. Sin

lubida tur e fanaticonan di Costa Rica tambe lo ta mirando e wega. □

*Continacion di foto pagina 16*

**2014 WORLD FOOTBALL CHAMPIONSHIP**  
June 16 – July 11, 2014

Win a 70" BIG Screen TV  
or share of 500,000 points.

**Earn entries daily  
with slot and table play.**

**Points Drawings every Friday starting at 9pm • TV Drawing July 11**

**Alhambra**  
CASINO AND SHOPS

Open daily 10am to 4am  
J.E. Irausquin Blvd #47  
583.5000 • [casinoalhambra.com](http://casinoalhambra.com)

All programs and promotions are subject to change or cancellation without prior notice.





# 2014 FIFA WORLD CUP BRAZIL GAME SCHEDULE



GROUP A		
June 12 Sao Paulo, 4:00PM		
Brazil	3	1 Croatia
June 13 Natal, 12:00PM		
Mexico	1	0 Cameroon
June 17 Fortaleza, 4:00PM		
Brazil	0	0 Mexico
June 18 Manaus, 6:00PM		
Cameroon	0	4 Croatia
June 23 Brasilia, 4:00PM		
Cameroon	1	4 Brazil
June 23 Recife, 4:00PM		
Croatia	1	3 Mexico

GROUP B		
June 13 Salvador, 3:00PM		
Spain	1	5 Holland
June 13 Curitiba, 6:00PM		
Chile	3	1 Australia
June 18 Rio, 3:00PM		
Spain	0	2 Chile
June 18 Porto Alegre, 12:00PM		
Australia	2	3 Holland
June 23 Curitiba, 12:00PM		
Australia	0	3 Spain
June 23 Sao Paulo, 12:00PM		
Holland	2	0 Chile

GROUP C		
June 14 B. Horiz, 12:00PM		
Colombia	3	0 Greece
June 14 Recife, 9:00PM		
Ivory Coast	2	1 Japan
June 19 Brasilia, 12:00PM		
Colombia	2	1 Ivory Coast
June 19 Natal, 6:00PM		
Japan	0	0 Greece
June 24 Curitiba, 4:00PM		
Japan	1	4 Colombia
June 24 Fortaleza, 4:00PM		
Greece	1	0 Ivory Coast

GROUP D		
June 14 Fortaleza, 3:00PM		
Uruguay	1	3 Costa Rica
June 14 Manaus, 6:00PM		
England	1	2 Italy
June 19 Sao Paulo, 3:00PM		
Uruguay	2	1 England
June 20 Recife, 12:00PM		
Italy	0	1 Costa Rica
June 24 Natal, 12:00PM		
Italy	0	1 Uruguay
June 24 B. Horiz, 12:00PM		
Costa Rica	0	0 England

GROUP A		
Brazil		
Croatia		
Mexico		
Cameroon		

GROUP B		
Spain		
Holland		
Chile		
Australia		

GROUP C		
Colombia		
Greece		
Ivory Coast		
Japan		

GROUP D		
Uruguay		
Costa Rica		
England		
Italy		

GROUP E		
Switzerland		
Ecuador		
France		
Honduras		

GROUP F		
Argentina		
Bosnia-H'vina		
Iran		
Nigeria		

GROUP G		
Germany		
Portugal		
Ghana		
United States		

GROUP H		
Belgium		
Algeria		
Russia		
South Korea		

Round of 16		
Belo Horizonte Jun 28		
1A	Brazil	3
2B	Chile	2
Rio de Janeiro		
1C	Colombia	2
2D	Uruguay	0



Round of 16		
Fortaleza Jun 29		
1B	Holland	2
2A	Mexico	1
Recife		
1D	Costa Rica	5
2C	Greece	3

Round of 16		
Brasilia Jul 5		
3	Argentina	
4	Belgium	
Salvador		
7	Holland	
8	Costa Rica	

Quarter-Finals		
A Rio de Janeiro Jul 4		
1	France	0
2	Germany	1
B Fortaleza		
5	Brazil	2
6	Colombia	1

Quarter-Finals		
C Brasilia Jul 5		
3	Argentina	
4	Belgium	
D Salvador		
7	Holland	
8	Costa Rica	

Quarter-Finals		
C Brasilia Jul 5		
3	Argentina	
4	Belgium	
D Salvador		
7	Holland	
8	Costa Rica	

Quarter-Finals		
C Brasilia Jul 5		
3	Argentina	
4	Belgium	
D Salvador		
7	Holland	
8	Costa Rica	

Round of 16		
Brasilia Jun 30		
1E	France	2
2F	Nigeria	0
Porto Alegre		
1G	Germany	2
2H	Algeria	1

Round of 16		
Brasilia Jun 30		
1E	France	2
2F	Nigeria	0
Porto Alegre		
1G	Germany	2
2H	Algeria	1

Round of 16		
Brasilia Jun 30		
1E	France	2
2F	Nigeria	0
Porto Alegre		
1G	Germany	2
2H	Algeria	1

Round of 16		
Brasilia Jun 30		
1E	France	2
2F	Nigeria	0
Porto Alegre		
1G	Germany	2
2H	Algeria	1

Round of 16		
Brasilia Jun 30		
1E	France	2
2F	Nigeria	0
Porto Alegre		
1G	Germany	2
2H	Algeria	1

Round of 16		
Brasilia Jun 30		
1E	France	2
2F	Nigeria	0
Porto Alegre		
1G	Germany	2
2H	Algeria	1

Round of 16		
Brasilia Jun 30		
1E	France	2
2F	Nigeria	0
Porto Alegre		
1G	Germany	2
2H	Algeria	1

Round of 16		
Brasilia Jun 30		
1E	France	2
2F	Nigeria	0
Porto Alegre		
1G	Germany	2
2H	Algeria	1



## WORLD CUP FINAL

MARACANA, RIO DE JANEIRO JUL 13 3:00PM

WINNER MATCH 61 vs WINNER MATCH 62

## Third Place

ESTADIO NACIONAL, BRASILIA JUL 12 4:00pm

LOSER MATCH 61 vs LOSER MATCH 62



**ROBERTSON**  
FIRE PROTECTION NV

L.G. Smith Blvd 150 (Certified Mega Mall) • Oranjestad

Tel. 588 1918 / Fax 583 4636

www.arubafireprotection.com



“Laga tur locual ta sperami ta bunita.  
Laga tur cu mi encontra na caminda ta bunita.  
Laga tur locual cu ta rondonami ta bunita.  
Laga tur locual mi ta laga ‘tras, keda bunita y laga esakinan termina den tur buniteza”.  
Cado Wever

Cu inmenso dolor y tristeza na nos curazon nos ta anuncia fayecimento inesperadamente:



**Yuk Ling**  
Mihor conoci como "Joe"  
Doño di Ling's Restaurant  
\*22-04-1944 - †02-07-2014

Acto di entierro lo wordo anuncia despues

### ORACION A SAN JUDAS

*Oración para suplicar la intercesión del Apóstol San Judas sobre algún problema grave, en la soledad, o en casos desesperados.*

¡Santo Apóstol, San Judas, fiel siervo y amigo de Jesús! † La Iglesia te honra e invoca universalmente, como el patron de los casos difíciles y desesperados. Ruega por mí. Estoy sin ayuda y tan solo. Haz uso, te imploro, del privilegio especial a tí concedido, de socorrer pronto y visiblemente cuando casi se ha perdido toda esperanza. Ven en mi ayuda en esta gran necesidad, para que pueda recibir el consuelo y socorro, del cielo en todas mis necesidades, tribulaciones y sufrimientos, particularmente (haga aquí su petición), y para que pueda alabar a Dios contigo y con todos los elegidos por siempre. Prometo, glorioso San Judas, nunca olvidarme de este gran favor, honrarte siempre como a mi especial y poderoso patrono.

“Señor ta mi wardador, mi’n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa”.  
Salmo: 23

Cu inmenso tristesa na nos curason pero conforme cu boluntad di Dios nos ta participa fayecimento di



**Alberto Dijkhoff**  
mihor conoci como: "Bebe"  
\*16-03-1938 †02-07-2014

Na number di su:  
Esposa: Mena Dijkhoff-Laclé  
Yiunan: Albertica Dijkhoff y famia  
Michael Dijkhoff  
Richard Dijkhoff y Jennifer Tromp  
Stanley Dijkhoff  
Dennis Dijkhoff

Nietonan:  
Chris Dijkhoff y Vivian Dirksz y famia  
Joshua Dijkhoff  
Shakira Dijkhoff  
Shawn Tromp  
Rumannan:  
Simona, Abigael Torres-Dijkhoff y famia  
Lika, Alfredo (Fechi) Bareño-Dijkhoff y famia  
Beatriz Dijkhoff y famia  
Chani, Clea Dijkhoff-v/d Biezen y famia  
†Filomena Dijkhoff y famia  
Sofia Dijkhoff y yiunan  
Reynaldo (Adi), Rita Dijkhoff-Werleman y famia  
Rofina (Ina), Jan v/d Kommer-Dijkhoff y famia na Hulanda  
Edna Dijkhoff  
Swa y cuñanan: Fichi, Violeta Laclé-Lampe y famia  
Otilio, Juana Laclé-Werleman y famia  
Rafael Laclé y famia  
Elviro, Monica Laclé y famia  
Sra. vda. Frieda Werleman-Laclé y famia  
Jolanda Laclé y famia  
Ludwina, Maikel Drumm-Laclé y famia  
†Glenda, Frenk Cornelie-Laclé y famia

Miranda, Hubert Kock-Laclé y famia  
Maria, Wichi Koolman-Laclé y famia  
Sobrinu y sobrinanan, primo y primanan, amigo y amiganan, conocirnan, amistadnan, bisiñanan  
Amigonan di cas:  
Agustin Ridderstap  
Frans y Livia Velasquez y famia  
Mirto y Mariela Ridderstap y famia y demas famia ta invita tur amigo, bisiña y conocirnan pa asisti na e acto di entierro cual ta tuma lugar diasabra 5 di juli 2014 na Aurora Funeral Home di 1'or pa 4'or di atardi, despues lo sali pa Santana catolico Pastoor Kraanwinkel na Paradera.  
Adres pa condolencia: Aurora Funeral Home, diabierna 4 di juli 2014 di 7'or pa 9'or di anochi.  
Nos ta pidi nos disculpa si nos por a lubida algun familiar den nos tristesa.  
Despues di entierro no ta ricibi bishita di condolencia na cas.

The Lord is my light and my salvation  
whom shall I fear?  
The Lord is the stronghold of my life  
of whom shall I be afraid?  
Psalm 27:1

We sadly announce the unexpected pass away of our beloved husband and father



**Jainarine Nathu**  
Best known as "Fedric Natoo"  
Sunrise: May 9th 1955 Sunset: June 29th 2014

Left to mourn are his:  
Wife: Molly Nathu  
Children: Robby Nathu & family  
Robin Nathu & family  
Raffi Nathu & family  
Grandchildren: Natalie, Joshua, Rowie, Larissa & family, Claritza  
Sister in laws on Aruba: Linnet Gir & Family  
Angela Dirks & Family  
Brother's & Sister's, Cousins and Nephew's in Guyana, Suriname and U.S.A.  
Related to families:  
Nathu, Dhanraj, Gir, Dirks, Arjundayal, Sawh  
The funeral will take place on Saturday July 5th, 2014 at Aurora Funeral Home from 1 to 3 pm then leaving to Sabana Basora cementary.  
Our appologies if we have ommited any family or friends in our moment of grief



Directiva di Arubaanse Voetbal Bond tin e tristo deber di anuncia fayecimento di

**Sr. Alberto Dijkhoff**  
Mihor conoci como "Bebe"

Na bida tata di presidente di Arubaanse VoetbalBond  
Richard Dijkhoff

Directiva di AVB kier a desea Richard y su famia hopi forza den e dianan difícil aki.

Cu Bebe sosega na Paz.

“Senor ta mi wardador, pues mi no tin falta di nada.  
Den cunucu di yerba Berde e ta ponemi sosega.  
E ta hibami na awa trankil, p’ami bolbe haña forsa.” Salmo 23

Cu honda pena nos ta anuncia fayecimento di :



**Florence Margariet Hennep-Renaud**  
\* 01/06/1928 + 03/07/2014

Acto di entierro lo wordo anuncia despues.  
Staff y personal di Ad Patres funeral home ta extende nos mas sincero condolencia na famia di e fayecida.

Condolencia por wordomanda  
riba nos website:  
[www.adpatres.webs.com](http://www.adpatres.webs.com)





**STATEN VAN ARUBA**

Cu honda pena Parlamento du Aruba a tuma nota di fayecimento di:

**Sr. Alberto Dijkhoff**

na bida tata di nos colega sr. Richard Dijkhoff

Nos kier a extende nos mas sincero palabranan di pesame na sr. Richard Dijkhoff y su distinguido famia deseando nan hopi forza den e momentonan dificil aki.

Cu sr. Alberto sosega na paz.

Den nomber di Parlamento  
Staff y Personal.

Plv. Griffier di Parlamento,  
drs. J.I. Williams

Presidente di Parlamento  
drs. Marisol J. Lopez- Tromp



**MASTERCARGO INC**

CU INMENSO DOLOR Y TRISTESA TA PARTICIPA FAYECIMENTO DI NOS  
COLEGA STIMA



**RICHARD ADOLF CROES**  
MIHOR CONOCI COMO "KAKI"  
FEB 11, 1962 - JULI 03, 2014

NOS TA MANDA PALABRA DI PROFUNDO CONDOLENCIA Y HOPI FORZA  
NA FAMILIA.

CU RICHARD SOSEGA NA PAZ.

Tambe nos kier a anuncia cu pa motibo di entierro Mastercarga Aruba lo ta sera  
desde 2:00 pm.



**BON BINI  
CARGO SERVICES, INC.**

CU INMENSO TRISTESA NOS TA ANUNCIA FAYECIMENTO DI NOS COLEGA STIMA



**RICHARD ADOLF CROES**  
MIHOR CONOCI COMO "KAKI"  
FEB 11, 1962 - JULI 03, 2014

NOS TA MANDA NOS SINCERO PALABRA DI CONDOLENCIA Y FORZA NA FAMILIA.

PA E SOSEGA NA PAZ

Y SIGUR LO BO HACI HOPI FALTA.

Tambe nos kier a anuncia cu pa motibo di entierro Bon Bini Cargo Services lo ta sera desde 12.00 di merdia.





**CU INMENSO DOLOR Y TRISTESA NA NOS CURASON PERO CONFORME CU  
BOLUNTAD DI DIOS NOS TA ANUNCIA FALLECIMENTO DI NOS COLEGA STIMA**



## **Richard Adolf Croes**

**Mihor conoci como "KAKI"  
Feb 11, 1962 - Juli 03, 2014**

**NOS TA MANDA NOS SINCERO PALABRA DI CONDOLENCIA Y FORZA NA FAMIA.  
"KAKI" NOS LO BAY HAYA HOPI FALTA DI BO CARISMA Y COLEGIALIDAD.**

**CU RICHARD SOSEGA NA PAZ.**

**Tambe nos kier a anuncia cu pa motibo di entierro DHL Aruba lo ta sera entre 12:00pm pa 4:30 pm.**



# PASA LAGA BO AVISO NA OFICINA DI BON DIA ARUBA WESTSTRAAT #22 OF MANDA BO AVISO VIA EMAIL NA: [michael.arends@cspnv.com](mailto:michael.arends@cspnv.com)

**PERSONAL GRATIS MAX 20 PALABRA - TA ACEPTA AVISO FOR DI 9:00AM - 4:00PM**



## TE KOOP

Mooi eigendoms terrein in rotsachtig jaburibari paradera aruba bel aiky odor. Voor meer informatie bel: **002975630949 bbpin mena 298759d5.** met bouwvergunning. Prijs: afl. 90.000,=

## SERVICIO PUBLICO

Mata ta pari fruta y bo no ta haci nada cu nan? Mi ta pikinan. Pa mas informacion yama **Cel: 568-3541**

## TA BENDE

I-phone 4-S Afl. 750,- nobo./new den caha 16GB, unlocked open phone cu tur accesorios y case **Tel: 745-5550**

## TA BENDE

Un Split Unit Hilux 9000 Btu 2012, poco uza pa Afl. 500,= Pa mas informacion **Tel: 594-2852**

## TA BENDE

Un Delco Honda powermate 8750W, 125/240V gasoline 8 Gallon 13hr running time. Prijs Afl. 2000,= Pa mas informacion please yama **Tel: 594-1985**

## SERVICIO PUBLICA

Nos ta fura ata bo solution contact nos POWER BY ROBERT UPHOLSTERY. Y nos lo laga nan manera nobo back. Pa mas informacion **Tel: 5621199 / 5921252.**

## GRATIS

Pasa busca GRATIS Bo Vuvuzela di Hulanda of Brazil na Bubali 11-M cortesia di Dr. Henk Marsman. Practice for advanced Dentistry Orario: 8:12/2-5 op=op

## TA BUSCA

Huiswerkbegeleiding of Bijles pa Mucha di 2de klas basis school. Pa mas informacion **Tel: 565-5761**

## TA BENDE

Un Chevrolet Camaro 2012, V-8 cu un motor 6.2. liter. Color cora. Brand new **Tel: 593-7933**

## SERVICIO PUBLICO

Handyman servicio di chapi, corta mata, verf, plumbing. Haci cura limpi, y hopi mas. Pa mas informacion **Tel. 568-3728**

## TA BENDE

Chupabebe - Dulce de Leche - Ponche Crema especialmente pa Communion y demas celebracion. Pa mas informacion **Tel: 5628545 of 5636915**

## TA BENDE

Un bunita bisti pa primer Santa Comunion, size 10 pa 12 masha elegante Esun cu bin prome lo haya bon prijs. **Tel: 7418637**

## SERVICIO PUBLICA

Trabaonan chikito di mantenimiento na cas y nogoshi. Pa mas informacion **Tel 744-0813**

## TA BENDE

Aruban Cunucu house in Santa Cruz, on 2000 m2 land with rocks and boulders. Three bedrooms, 2 bathrooms, 1 study, large living room and a huge kitchen. Super good price! **Call 7382828**

## TA BENDE

Un Cas na Savaneta. Pa mas informacion **Tel: 593-3867**

## TA BENDE

Mata di moringa, sorsaca, mango -machete (mango sin cabey) franse bloem, corianda ginger, gayena y otro mata na Santa Martha #12 **Tel: 564-4456**

## TA BENDE

Un scooter volcan '07 bon condicion. Pa mas informacion yama **Tel: 594-9069**

## LES DI LANDAMENTO

Priva of den grupo, mucha di 3 aña bai ariba. Nos ta prepara mucha pa tur diploma. Profesional den e ramo **Tel 594-9069**

## TA BENDE

Auto Chevrolet Spark '09 aircro split unit, Et di cama y nachtkasjes, osterizer, frigidaire y strika, stoof chiquito 4 candela y forno **Tel: 568-3756**

## TA BENDE

Cumputer cu monitor, scanner, keyboard, mouse, lesenaar y stoel di oficina Afl. 2500,= pa mas infor **Tel: 594-9990**

## TA BENDE

Un Delco Ai Power 4250W 125/240V gallon 13hr running time. Nobo nobo den su caha nunca usa. Prijs special awor Afl. 800,= Pa mas informacion **Tel. 594-1985**

## TA OFRESE

Saliendo con encomiendas a Bogota - Cali 24 de Junio, el kilo Afl. 10,= Apostillamos documentos en Caracas. **Tel: 565-0168 / 641-9165**

## TA BENDE

Instruments musical pa forma banda musical Prijsnan ta discutibel. Pa mas informacion **Tel: 594-5025**

## TA BENDE

Suzuki Baleno pa Cumpra cu ta core of no ta core. Ta Busca Windshield pa Toyota Hiluz '92. Pa mas informacion **Tel: 5655761**

## SERVICIO PUBLICO

Bolo y snacks pa tur ocasion, bolo for di Afl. 37,50 y snacks for di Afl. 0,75 pa mas informacion **Tel: 562-8643**

## SERVICIO PUBLICO

Señora ta hasi trabao di hasi cas limpi. Tambe trabao di chapi, hardin y verf. Pa mas informacion **Tel: 742-7712**

## TA BENDE

un SNACK TRAILER 8x16pia, hopi atractivo un aña traha den bon condicion, cu su toonbank, y labamano ext. 15000 florin, obo. **Tel: 5698141.**

## FOR RENT

2 Bedroom, poolside at **La Cabana** July 26 - Aug. 9 2014 and/or Aug. 2 - Aug. 9, 2014 **Tel: 583-0488 / 593-3176**

## TA BENDE

AIRCO HILUX SPLIT UNIT 220 V 12.MIL BTU ,AFLS 600,- CAMA COMPLETO DI 2 PERSONA ,afls 500,- STOOF CHIKITO 4 Candela y forno casi nobo afls 300 **Tel: 5683756**

## TA BENDE

Gordura ora bo cumpra 15 saco di Afl. 8,= Ora cumpra mas di Afl. 100,= na gurdura nos ta entreganan. Pa mas informacion **Tel: 564-4456**

## TA HUUR

Un apartment 1 camber, baño, sala, muebla Afl. 1200,- pa 1 persona 2 persona Afl. 1500,= plus 1 luna deposito. Coriente apart. **Tel 594-9069**

## TA BUSCA

Un señora pa hasi cas limpi entre 25-40 aña un biaha pa siman ta paga Afl. 200,= Pa mas informacion **Tel 584-9039**

**BON DIA** *Aruba*

**Tel: 582-7800**

**Fax: 582-7044**

**E-mail:**

**noticia@bondia.com**

**aviso@bondia.com**



**"FAVI FUNDACION CU VISION"**

## Advertorial

# Felix lo bay vakantie y drecha su auto cu premio di Mini Mega

**ORANJESTAD--** Ora bo tin bo liña na awa bo soñonan por bira realidad di awe pa mañan. Esey ta e caso di Felix R. kende a cumpra su ticketnan di Mini Mega, 03-13-18-28 y el a resulta ganado di e di dos premio cual a paga e suma di 16.962 florin.

Felix awo ta mas feliz cu e

premio aki cu el gana pa motibo cu el a cumpra su ticket na Botanica Koyari. El a laga sa cu e uza e placa pa bay cu vakantie na su pais y pa drecha su auto. E ta super contento y a laga un regalo atras pa algun trahado di Lotto, cual tambe a keda hopi contento. Lotto, e loteria di Aruba tin 8 diferente wegá; Catochi, Big 4, Zodiac, Wegá di Number

Corsou di Lotto, Lotto di Dia, Lotto 5, Mini Mega, y Raspa y Gana. Cumprando Lotto bo ta contribui na deporte riba nos isla.

Meta di e fundacion ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.






Mutts



6 Chix



Blondie



Mother Goose & Grimm



Baby Blues



Zits



Conceptis Sudoku

		5		7			9	
	4							1
8				6		7		
			5		4			
1		3				2		8
			1		3			
		7		1				9
2							5	
	6			3		4		

Difficulty Level ★★★★★

7/05

Sudoku is a number-placing puzzle based on a 9x9 grid with several given numbers. The object is to place the numbers 1 to 9 in the empty squares so that each row, each column and each 3x3 box contains the same number only once. The difficulty level of the Conceptis Sudoku increases from Monday to Sunday.

7	8	5	1	6	9	2	3	4
3	2	9	4	7	8	1	6	5
6	1	4	2	5	3	7	9	8
2	7	1	9	3	4	5	8	6
4	3	8	5	1	6	9	7	2
9	5	6	7	8	2	4	1	3
1	6	7	3	2	5	8	4	9
8	4	2	6	9	1	3	5	7
5	9	3	8	4	7	6	2	1

ACROSS

- Blood analysis sites
- Uncomfortable indoor breeze
- \_\_\_ of March; bad day for Julius Caesar
- Farmland unit
- Grieving wife
- Mlle. in Madrid
- In a \_\_\_; miffed
- Dwelling
- Boring routines
- Wobbles
- Bangs up
- Tiny folklore fellow
- Tea variety
- \_\_\_ plugs; ignition starters
- Standard score on a golf hole
- Camel's smaller cousin
- Strong urges
- Tic-\_\_\_toe
- \_\_\_ up; formed twosomes
- Henpeck
- More fortunate
- June honoree
- Spotted wildcat
- Go wrong
- Bridge
- crosser's fee
- Stall for time
- Consumed
- Brusque
- Bundles of hay
- Split \_\_\_ soup
- Diligent pupil
- Large farms
- \_\_\_ away; erode
- Passenger
- Writer Victor \_\_\_
- Tool with a thin curved blade
- 14 \_\_\_ gold
- Frozen waffle
- One's equal
- In a furtive way
- Sit for a spell

1	2	3	4	5	6	7	8	9	10	11	12	13
14				15						16		
17				18						19		
20				21				22		23		
			24				25					
26	27	28			29				30	31	32	33
34				35				36				
37				38				39			40	
41			42				43			44		
45					46				47			
			48		49			50				
51	52	53					54			55	56	57
58					59		60			61		
62					63					64		
65					66					67		

Created by Jacqueline E. Mathews

7/5/14

Friday's Puzzle Solved

VOW	ABYSS	IDDO
ADAM	SLOPE	NOON
NOVA	SUGAR	WORE
RECLINING	ARMS	
HOST	EAR	
ACCEPT	TOANDFRO	
MOATS	TAWNY	LAW
ACNE	RESET	RUIN
SKA	MELTS	BOISE
SYLLABLE	WOODED	
IDO	HOOF	
PICK	UNDERMINE	
ACRE	NOUNS	NERD
TEAL	DANCE	GAGA
EDGY	SHEEN	ROY

(c) 2014 Tribune Content Agency, LLC All Rights Reserved.

7/5/14

DOWN

- Final
- Teen's affliction
- Soft cheese

- Faithful
- Wrath
- One who does manual work
- Professor
- Antenna
- Four and six
- Songbirds
- Shindig

- Exchange
- Relinquish
- Mistiness
- Authentic
- Enormous
- Hard-boiled
- Hearth
- residue
- Parched



**DOCTER**  
**NA WARD**  
**Oranjestad**  
July 5 Dr. Angela  
July 6 Dr. Sneek

**EMERGENCIA**

**911**



POLIS	100
POLIS	581-1100
ORANJESTAD	582-4000
NOORD	587-0009
STA. CRUZ	585-4710
SAVANETA	584-7000
SAN NICOLAS	584-5000
BRANDWEER	115
BRANDWEER	582-1108
POLIS TIPLINE	11141
HOSPITAL	527-4000
AMBULANCE	582-1234
SAN NICOLAS	
AMBULANCE	584-5050

**BOTICA**

Oranjestad: Kibrahacha Tel: 582-2007  
San Nicolas: Seroe Preto Tel: 584-4833

**SERVICES**

INFORMATION	118
SETAR	582-2116
TAXI	582-5900
TAXI-TAS	587-5900
PROF. TAXI	588-0035
TAXI D.T.S.	587-2300
SERVICE ARUBA	583-3232

**CRUISESHIP**

**Juli 9**  
**Freewinds**

**MORTUARIO**

AD Patres	584-2299
Aurora	588-6699
Mementomori	583-3358
The Olive Tree	584-8888

**FOUNDATION**  
**FELLOWSHIP CLINIC**

Tel: 584-6440  
Alcoholism & Drug Addiction,  
Anonymity guaranteed

**FUNDACION**

**Anti-Droga**

**Aruba**

(FADA) Tel: 583-2999

**FUNDACION**

**Respetami**

Tel: 582-4433

**Diabetic Foundation**

**Arubano**

Tel: 583-3808

**Narcotics Anonymous**

Tel: 583-8989

**Foundation Amor**

**pa Prohimo**

Tel: 583-3345 /586-6976

**Women in Difficulties**

**Foundation**

Tel: 583-5400

*Pronostico di tempo*

**Lo por bay tin awasero breve  
riba cierto partinan di nos isla**

**ORANJESTAD – Situacion general di tempo ta indica cu un ola tropical a pasa den nos region durante oranan di marduga y ta sigui move den un direccion west, alehando su mes for di nos region.**

Durante oranan di mainta por spera algo di awasero breve riba cierto parti di nos islanan. Sobra di dia tempo lo keda por lo general seco.

**Tempo**

Parcialmente nubia, durante awe mainta temporalmente hopi nubia cu algo di awasero. Temperatura maximo lo ta 32°C y temperatura minimo, 26°C. Solo ta Sali pa 6'or y 15 di mainta y e ta baha pa 7'or y 4 di anochi.

**Biento**

For di direccion oost y modera

te basta fuerte; forsa 4 te 5 (20 te 39 km/ora, 11 te 21 nudo). Principalmente den dia, de bes en cuando fuerte te duro den rafaga; forsa 6 te 7 (40 pa 61 km/ora, 22 te 31 nudo).

**Condicion di lama**

modera te bastante bruto, cu altura di olanan entre di 1 y 2.5 meter. E olanan mas halto lo ta banda di nos costanan nort y oost. Sistemanan tropical significante: Horcan Arthur tabata situa 35 kilometer oost di Noord Carolina. E sistema aki lo sigui move den direccion noordoost riba parti west di Ocean Atlantico, pero no ta forma ningun menasa pa nos islanan.

Perspectiva te diadomingo mainta

Parcialmente nubia y tempo generalmente seco lo preval-  
eccc.



## Pia di Galiña Yena

**Ingredientenan:**

- 8 Drumstick
- ½ liber di cabaron mula
- Algun aseituna, alkapara
- 6 snechi pan sin casca
- Pida siboyo largo
- 1 paki chiquito di rasenchi
- Pida selder Mericano
- 2 tenchi konoflo
- Poco maggi
- Poco ketchup manis
- Algo di curi, peper blanco
- Gember na puero

**Preparacion:**

Cu un cuchu skerpi ta corta e drumstick na e weso parti ariba y ta kita e carni for di e weso, te ora yega na e parti mas abao dje weso. Despues di a corta tur e galiñanan, sacando e weso parti ariba, ta cap e weso afo. Tempera e galiña cu poco peper blanco, gember na purco y un tiki maggi y ketchup manis. Mientras e galiña ta trek den su tempero, ta cuminsa prepara e reyno, cu e cabaron mula. Machica e tenchinan di konoflo y pone esaki hunto cu e cabaron fresco mula of chiquito corta. Tambe ta pone poco gember na puero y masha nada di curi na puero. Pone e cabaron den un panchi cu masha nada di manteca y djis un tiki asina di ketchup manis. Despues cu e cabaron a cushina un poco, ta agrega e selder mericano, siboyo largo, aseituna geslice, alkapara y rasenchi. Mescla tur cos bon den otro y por ultimo ta agrega parti dje pan corta na dou chiquito. Bai agregando e pan segun ta nesesario te ora e reyno cuminsa mara. Despues ta cuminsa yena e pianan di galiña cu e reyno di cabaron. Ora caba di yena nan ta wanta e parti habri ariba cu algun tutpik. Pone e pianan yena den un pyrex y hinka nan den forno na mos o meson 400 grado te ora nan cuminsa bira brui. Traha un dushi sous y sirbi e pia di galiña aki cu sea aros, batata of pan y un delisioso salada di berdura.

*Bon Appetit!*



**Aries**

Un hende cu por ta un tipo famoso local, diripiente por sinti atraccion p'abo, aunke den e momento aki, ningun di dos por tin gana di purba. No warda hopi riba e persona ey. Number p'awe: 20, 18, 10, 22, 30, 14.



**Tauro**

Por ta cu awe bo por sinti un atraccion poderoso pa un hende di un estado leu of un pais stranhero. E persona ey por ta hopi educa y estimulante. Bo por haya un combersacion fascinante. Number p'awe: 34, 19, 11, 23, 31, 15.



**Geminis**

Awe ta posibel cu bo por sinti manera cu nan a lansa bo den luz publico di algun manera, y lo bo no sinti hopi comodidad ta eynan. Lo ta un bon idea pa bo busca ayudo di un hende. Number p'awe: 27, 20, 12, 24, 32, 16.



**Cancer**

Un matrimonio por wordo anuncia. E por ta di bo of di un hende cercano di bo. Ken cu e por ta casa, e lo ta hopi feliz. Si no ta abo, lo bo ta feliz pa e persona ey. Number p'awe: 23, 21, 13, 25, 33, 17.



**Leo**

Tin biaha hende por reprocha bo ora di no actua cu diplomacia den relacionnan. E posicionnan di planeta por bay yuda bo ta mas sensibel. Number p'awe: 8, 22, 14, 26, 34, 18.



**Virgo**

Bo tin un don no usual pa haci cu un situacion parce menos dramatico. Cu e energia astral di awe, lo bo ta testigo di crisis di tur tipo. Lo bo ta e unico persona cu ta trunkilisa otro. Number p'awe: 31, 23, 15, 27, 35, 19.



**Libra**

Tribi na expresa bo ideanan sin temor di ta den ridiculo. Esaki ta loke e figura planetario tin cu bisa bo awe. Esaki ta exactamente loke bo gusta, pasobra ta e ridiculo ta bo perdicion. Number p'awe: 44, 24, 16, 28, 36, 20.



**Scorpio**

Si bo a sinti e deseo di skirbi algo, awo ta e momento di haci'e. Realmente no ta haci bo falta di imaginacion. Bo problema por ta cu bo tin dificultad pa tuma bo prosa na serio. Number p'awe: 10, 25, 17, 29, 37, 21.



**Sagittario**

Ta posibel cu bo tin dudanan grandi durante dia. Por ta cu bo tin cu sconde e berdad of bis'e den bos halto. Si ta asina, bisa loke bo ta pensa. Lo bo tin apoyo di e planetanan. Number p'awe: 39, 26, 18, 30, 38, 22.



**Capricornio**

Tin momento cu den bo pensamiento cla por revela bo tremendo madurez. Bo no ta un persona cu ta soña, asina ta cu ta dificil pa bo laga bo mes hiba pa situacionnan dobel. Number p'awe: 16, 27, 19, 31, 39, 23.



**Aquario**

Den e ultimo dianan, ta posibel cu bo ta sinti algo di frustracion pa bo iniciativa-  
nan. Obstaculonan externo, manera even-  
tonan cu a causa retraso a representa un desafio p'abo. Number p'awe: 17, 28, 20, 32, 40, 24.



**Pisces**

Amor y romance ta florece ora cu un pareha amoroso actual of potencial ta aparece cu un afecta apasiona. E persona aki por tin tanto di bisa cu e por gara bo di sorpresa. Number p'awe: 30, 29, 21, 33, 41, 25.



*Advertorial*

## Fun Miles ta yama bon bini na Hot Spot adult store

*Awor cu descuento di 10% y chens pa gana un gift certificate na balor di 150 florin*

**ORANJESTAD** – E temporada di vakantie aki a bira ainda mas hot. Awor bo por cambia bo Fun Miles na Hot Spot, Aruba su ‘Adult Store’ number un, situa na Waterweg 1. Miembronan di Fun Miles cu cambia nan Fun Miles durante luna di juli ta ricibi 10% di descuento y tambe lo tin chens pa gana un gift certificate na balor di 150 Florin. E introduccion seductivo y fun aki di nos partner nobo ta haci ainda mas interesante pa bira miembro di Fun Miles. Tambe e campaña miyonario e aña aki, cu cual miembronan di Fun Miles por gana e cantidad astronomico di un miyon Fun Miles.

Tocante hot spot adult store Hot Spot ya pa mas di 15 aña ta e ‘Adult Store’ number un pa articulo erotico riba e isla di Aruba. Clientenan semper por conta riba e servicio amabel, experto y discreto. Por haya cualkier cos cu bo por imagina eyan, incluyendo e ultimo modelonan di cos di



hunga erotico, zeta pa masashi, lingerie sexy, trahenan pa varios ocasion, articulon pa fiesta y DVDnan erotico.

Con pa localisa hot spot Hot Spot ta situa na Waterweg 1 (downtown Main Street na e skina patras di Wulfsen & Wulfsen). E tienda ta habri di dialuna pa diasabra for di 12’or di merdia te cu 8.30 di anochi. Pa mas informacion yama 582-6932, manda un e-mail na hotspotaruba@gmail.com, of bishita nan shop online cu mas di 10.000 producto cu no ta obtenibel den nos tienda, pero pa cual bo por haci pedido di un forma discreto.

Swipe, spaar y gana  
Pa celebra e introduccion aki como partner nobo di Fun

Miles, miembronan cu cambia nan Fun Miles lo ricibi durante luna di juli 10% di descuento. Tambe lo tin oportunidad pa participa den un rifa pa gana un gift certificate na balor di 150 Florin.

Bira un miyonario Fun Miles Esaki ta e momento perfecto pa bira miembro di Fun Miles.

Netamente pasobra Fun Miles a caba di lansa e campaña grandi: ‘Fun Miles Millionaire’. E campaña aki cu ta dura te prome di december, ta ofrece pa miembronan nobo y miembronan existente chens pa gana un miyon Fun Miles. Esaki ta posibel djis si bo swipe bo carchi di Fun Miles na nos partnernan atractivo manera

Hot Spot. Pa bira miembro di Fun Miles ta facil. Un pakete di bon bini, cual ta inclui bo carchi di Fun Miles y instruccionnan simpel, ta disponibel na tur nos partnernan y tambe na oficina di Fun Miles na Dakota Shopping Center pa solamente 10 Florin. Esaki ta pa gasto di administracion cu lo bo paga solamente un biaha. Aparte di e 10 Florin aki, Fun Miles lo no cobra nunca mas pa un transaccion. Spaar, cambia y gosa di Fun Miles semper ta gratis.

Mas informacion tocante Fun Miles?  
Pa mas informacion tuma contacto cu Fun Miles su Customer Service na tel.588-9947 of bishita funmiles.net of facebook.com/funmiles.□

## Fanaticonan a disfruta

*Continacion foto pagina 7*





# Participa y gana

# Afl. 500,= CASH

## CHAMPION WORLD CUP 2014

**TEAM**

**SCORE**

**VS**

**TEAM**

**SCORE**

Number: \_\_\_\_\_  
 Adres: \_\_\_\_\_  
 Cell: \_\_\_\_\_ Fecha di weganan: \_\_\_\_\_

Yena y entrega e formulario aki na oficina di Bon Dia Aruba, Weststraat #22 cu e resultado **FINAL DI FIFA 2014 y PARTICIPA** pa gana **Afl. 500,= CASH**. Tur resultado lo wordo poni den un tombola y lo saca un ganador. Ultimo dia pa entrega resultado ta dia 11 juli, 2014 prome cu 5pm.

